



12371



孫男及祖重楫

墓誌銘

封工科給事中林公墓誌銘

莆龍坡有修潔之士曰林朴叟美鬚豐頰狀貌如神人儻不屑為生計居僅蔽風雨而庭庀之間名花惟石豆列基置至紛不可行每旦日未出輒汲水灌花或翦結出奇態以自娛悅客至着花輒命酒共酌有達官過輒以疾辭叟嘗有官封束帶纓冠如受繫然平居惟野服藜杖步履

見素集

之十三

誌

乙

薛京

閩里間人問之遊則遊邀之飲則赴干以事則謝曰吾不能效流俗屏息厚顏取錙銖以自漑叟雖晦于時然自力為義叟季弟無後死命仲氏子嗣之又死則公其田共家祭已不牟為利歲大旱渠竭叟姻家恃豪右絕陂上流下田將稿死叟諭之不從白之官決之田得有秋皆曰公仁人公活我也紀之于石不忍忘林邵州刺史蘊之後十二世曰昭度以計偕不祿配翁氏以孝義聞二子嗣先嗣宗以進士顯八傳而至叅軍用和生原真原真生宏泰宏泰三子叟其長也諱夢字良弼封徵仕郎工科給事中娶黃氏封孺人先卒子二元甫進士出身工科給事中改南京

禮科給事中哲甫鄉貢進士女三適義官方瑛義勇前衛  
經歷王以節士人郭遠孫男五有恒有祿有章有教有孚  
叟晚得痰疾竟以是卒於成化丁未八月六日享年七十  
有五明年 月 日葬瀨溪紫帽峰之原與孺人同窆  
次俊蚤友給事兄弟間以姻婭辱叟愛厚前年歸得拜叟  
床下敘言猶在耳也叟今不復見矣嗚呼其何忍言耶其  
何忍言耶給事旣得葬卜以按察僉事林長深之狀授俊  
請銘序而銘之銘曰子姓胙氏少師早始九刺陵遷不絕  
又綿曰昭度甫邵州之裔孝義內聞不顯亦繼於穆予蒸  
朴叟是承蘭芷繼佩有鬱斯馨叟之所好孰跋而窺衆所  
見素集卷之三

誌

二 薛京

競趨叟謝不爲倚二良嗣世濟其美執競遲遲休聲載起  
維蓄弗施維嗇弗章有鴻厥慶先考用光紫帽嶷嶷其下  
玄宅我銘貞石以詔無極

故湖廣按察僉事王公墓誌銘

弘治乙卯王公一齋以疾䟽于 朝乞致仕去未下而卒  
七月五日也俊旣治其後事其子瓊奉柩歸葬某鄉之原  
以副使周君南狀丐銘諸石嗚呼公不可復見矣公諱純  
字弘文先趙姓宋宗室魏王廷美之後世家河南王八世  
孫丞夫爲江陰錄事叅軍娶知滁州陳光女光仙居人無  
子知錄從以居子時舉鹽官主簿主簿子若愚所友王庚

甫無子求季子醫學訓科嗣宗爲嗣遂襲王姓訓科生古  
鐸古鐸生懷廣用公貴贈南京都察院經歷母某贈孺人  
公年十四游郡庠六就浙試弗利入甯監成化丁酉領應  
天鄉薦後三年登進士觀工部政承檄董三大臣募事費  
省功集還授工部主事三原王公恕言事忤 旨落太

子少保守南京兵部尚書致仕公言恕社稷大臣朝著無  
與比列不可使去疏聞下公獄左官貴州思南推官平氣  
恤人聲聞夷燹戊申 今上卽位薦者章十二上凡系

公名遂擢南京都察院經歷壬子陞湖廣按察司僉事奉

勅提督學政崇正學抑澆風衝冒寒暑晝夜兼數程

見素集卷之十三

誌

三

瑞慧

旁州僻邑馬跡俱遍足寒濕殆不勝舉武猶力疾視學出  
按襄陽晨發均州界山道中風不語七日始蘇舟還語  
人曰曷亟死亟死見素善禮殯我無憂無苦我爲醫且差  
忽加番胃竟死生宣德甲寅七月二十七日享年六十有  
二配某邑大姓某之女封孺人子男恢琰瓊某出廢居側  
室某出女一適吳洪岳孫男九應龍應選應祥應瑞應陸  
應奎應辰應愚應台公踔厲任真無少鈞鉅不當其意輒  
見色詞剛氣勁節凜凜爲士夫倡性至孝父母忌辰素食  
腆祀色戚若初喪內行淳備閨門修整尤樂爲義事嫁故  
人廖瓚孤女舉門生張璞父喪皆可紀以傳也銘曰道紛

以岐虬結嶮巖咲語嚙唳城府底窺物竟鈍完亦以芒缺  
受直視備迺秦迺越爰有碩人翠壁丹厓惠方孔直外朗  
中開警嬉右良載植載耨勤艱憊疲宿痾斯邁河汾蘇湖  
渠箋成風式時令譽運委道崇鬱紆仙原維是窵窳峻節  
開先有昭潛石

故陳母林孺人墓誌銘

弘治丙辰鳳山陳母林孺人卒又明年子高請銘墓隧之  
石孺人年二十歸舜謀君九年而寡質甚都德憲甚完故  
所裝送資賄甚盛利若有者憾四至孺人覲閔湛默中矢  
靡它日願願絕脂粉著短布裳爲陳氏撫遺孤寸畜銖累

見素集卷之十三

誌

四

慧

增市利田宅久之孺人女適林時傑踰年亦孀孀時年十  
九孤未晬孺人謂曰吾母子之命則懸于天天若祚林舉  
若子以承前祀繼來世如吾陳死日且瞑守志事易義  
婦無二天若善爲之女竟撫有孤以節發聞甚偉君子頌  
其烈而能教服益深諱靖字淑清孝子攢之後按察使坦  
之女戶部照磨師蒼之婦陳故相家閨範斬斬孺人閑教  
德門富無驕習奉姑鄭能易嚴爲慈執務先已不辭劇易  
妯娌姻隣德所惠頗至性簡言心所可否無蹇毫分以義  
自割剛男子時弗及晚年高求上貞節辭曰事須賂成母  
令貧吾家婦人有善莫各生無愧迺已九月九日以疾竟

卒生己酉六月四日享年六十有八子卽高娶柳廷植女  
女卽適時桀者戶部員外郎瑋之子次適方思魯通判熙  
之孫孫男嘉賓嘉言嘉音嘉禾女適郡學生林嘉懋其二  
尚幼墓在胡公里金櫃山之原從夫兆也葬月日九月  
日銘曰林陳世繼忠孝耀聞後千百年以蔚以芬爰及  
家人卓有貞女夙違所天莫我有處繫生弗淑造物胡尤  
人只弗諒耿耿隱憂維陳有孤維林有祀啓節垂貞維母  
有煒壺峰孔嵬金櫃同穴昭我謹辭區明風烈

翰林檢討林思軒先生墓誌銘

思軒林先生疾革語其子戶部主事夔曰吾志素厚汝勿

見素集卷之十三

誌

五

慧

處於薄業素貧汝勿處於富我死以狀累茂烈而見素可  
銘遂逝弘治丁巳五月念日也明年葬先生主事以陳君  
之狀請銘嗚呼鄉國名賢典刑斯在其最純以烈則彭惠  
安陳康懿先生意其儔歟或曰是其地特異其植立又難  
又曰先生奚下胡安定孫明復俊未敢憊論要之決非今  
之人能然也先生秩故卑每聞善朝政喜津津現容色善  
人亦如之有拂意眉結首疾口咄嗟急義若嗜欲然朱學  
正譴死爲具棺斂鞠其孤諸生病具藥死具殯貧無爲歸  
且葬嘗所與遊與鄉之士夫則又如是焉祿賄至竭簪珥  
以故親之喪葬至粥田自給官一生所餘俸金無三十兩

宿負間存者噫亦難甚矣諱大猷字子道高祖善同泉山  
山長曾祖仕敏大理少卿郎中知府終教諭祖勤教諭父  
信贈翰林檢討妣蔡贈孺人配周用夔封安人先生薦已  
卯魁亞爲新建教諭舉山東廣東考試官選國子學錄轉  
監丞再轉爲翰林檢討階徵仕郎監丞如故贍博善考禮  
儀渠宿嚴而能以冲晦懇款相結納澆漓風沮士竟無怨  
言在國子執經恒五六十輩嘗偕王勅上四川提學僉事  
上用勅又薦江西先生以親未沾命辭內行純謹官  
所必迎養族里必和孝子墓陟剝先生樹什碑封故窆復  
田以充歲謁五世祖墓失先生訪之勤夜夢臥一麓果得

見素集卷之十三

誌

六

慧

識焉所修有族譜族儀四世文集所著有思軒臺世史正  
綱大學衍義補先生皆嘗是正生宣德乙卯十一月十四  
日子卽主事次郡庠生普皆才士天其於是厚償乎墓在  
龍橋檢討兆之東五十步許先生葬左安人壽藏虛右焉  
銘曰錫類啓祉式官式貧蜚英騰茂碩實公身弗庇弗濡  
施則多有經德憲譽克禪克守 王靈昭命六詔皇皇  
臣越非分慶衍有芳澌渤瀾瀾伊洎伊滴曾是報只乾坤  
之德臣耄謗庸維腑及肝永矢弗渝息喘誠殫龍岡鬱蟠  
金石在礪維樹維封公以世世

文林郎監察御史林西園公墓誌銘

西園公貌古冲晦不肆爲時俗銜耀人鮮克知者一日會黃司副汝亨所公獨端坐無言既去予曰是無類有道者黃曰然是故爲進士督墳巡撫上其事爲令者爲行人使諸藩給邊饟絕饋遺者旣爲監察御史言慎名器厚國本七事名斥主柄匪材又按傳太監假子出巡雲南言孟密不當立安撫階亂事出萬學士垂違程尚書依附馬序班受賕又言鎮守故遺玩具淫巧過制宜鎔毀母以上供疏入太學士南陽劉公驚曰林得御史體未可以貌取人鎮守所漁利十汰八九狐鼠薰灌殆盡代者心不樂然敬憚之曰吾閱御史多矣無如林者黔國沐公廉重寬博椽史

張聰盜柄都司屈膝不爲禮邊務多紛更受賕事敗沐欲徐去以他藩司爲達予曰是有撫巡旣而都憲王公怒見詞色公獨唯唯人曰怒難救也予曰無亦唯唯者耳旣之王頗解而公執如故聰竟戍廣西故事鎮守邀飲御史坐右公始坐左幕下治文書頗弄舞方執酌跪公曰善事主者毋襲故常其人骨竦膝觸地有聲二府官屬盡斂弗肆叅將縱麾下私于崖奪印殺人公覈實論死數人降調數官叅將坐落職閑住都司有粗悍者公陰折之時弗自勝然語人必曰林道學林道學有安乃者土官子土官坐事死獄中通把利其田言乃謀叛普顯者土官弟嫂氏虞爭



官誣以通黑脚夷三千入寇皆繫獄十餘年被累死者百計生人懼其出則飛語謹噉無敢白者公駁曰乃叛從者何人寇何鄉黑脚夷至三千時當有飛報征調事豈得自默遂不能難乃顯得安置四川自餘平反益衆蓋公智而守以愚動而行以靜正而居以和繁而示以簡無喜色無怒容故法克施人無怨若議者在滇幾三年代者以憂中止繼者當復來公方別僚屬出界上以俟繼者病告報至三司欲觀舉止除遣俟別方言公揖入敘坐如常不復問故神采無動者人服有養以學行選督南畿學政黜浮華重廉退士風就醇聲實益副銓曹上爲太僕少卿未命方

見素集卷之十三

誌

八

季春

復有所須則公以省墓北上告終浦城弘治丙辰十月初七日也生丙寅十一月十八日諱璿字廷玉候官雲程人曾祖陽祖信任考秀用公兄雲南按察副使公玘初官贈承德郎南京刑部主事妣周贈安人配鄭封孺人子男文鑑娶某文綱娶某女適王主事子至陳審理子沂孫男諸公孝友仁信學求心身不專爲進取嘗十年不赴會試所歷迪功修職承事文林四郎所著西園彙宗法存古錄墓在何家坑之原六窳公葬左之左又左則鄭壽藏中左若右則公之兄程瑋嫂詹黃窳焉銘曰羽以翠剝介以神枯晦晦西園葆有於無服美舍奇式醜式飫異時懦夫亦粵

處女鉤錡競事我職其愚膨臍潰溢我守其虛乃櫛其鬢  
乃剷其埔乃沃其焦乃澄其濁風稜言言以翕以張作有  
多士譽燁道章梗梓巨施瑜瑾殊價起起維辰方中斯夜  
齋蔚何坑相是佳城垂鴻考禎德輝式銘

中議大夫贊治尹興化府知府王公墓誌銘

公諱弼字存敬號南郭王之先錢塘人五季亂始祖棄卿  
之黃巖寧川家焉南門自鉉徙鉉生全祿全祿生阜阜生  
秬是爲公父鄭重宣期爲和州判官有名以求養親致其  
仕以公恩封刑部主事母劉妻丁封安人公第謝遷榜進  
士知溧水溧巨滑席勢武于鄉無誰何問公募獲論死溧  
見素集卷之十三

誌

九 薛京

人稱萬口爲快有湖可田公督民隄果田中貴人視馬有  
歲賂公言非公弗與循以至今三年入爲刑部主事轉員  
外郎差讞山東大獄還拜興化府知府或爲公難則曰第  
視之旣至則曰是故秉禮之鄉視溧易與則盡出古意爲  
之律身必端布令必信制度必節祀典必嚴科貢必厚郡  
孝節必舉以旌或扁其門曰三節曰雙貞曰一鄉善士或  
臨視其家或設賓榻如陳蕃孺子然飲射一宗儀禮登降  
拜跪盡日無惰容俗婚喪過侈俠子事賭博家爲落公設  
牌正副定中式書勸戒文使時開諭弗變伺舉以懲五伯  
攝人狼假爲虐公立三限批明書期日授訟者自付被論

執就理後期有管民得無擾賦稅更徭吏胥多舞智公身  
自處分使受成案無所與事苞苴杜絕俗喜吏寅緣勢家  
否則主自諧價公必俟藩司具名牒下方與覆實頽風大  
沮狡僮盜墓松山伐遂楮豪右私牙僧通海舟販糴穀價  
遂翔貴公皆禁治之守臣更驛法非人情公警止不可疏  
侮其舊温文進鈔漳州守者白遣民兵自益公曰莆瀕海  
宜以自防遂勿遣養濟居河上游水汙大風家闔城病之  
先是欲遷輒格不行公擇厲壇之右立屋園井厠視舊特  
軒敞以餌其便則立與移出悉故屋焚之平其地立射圃  
端午競舟長訟耗費禁者之要領迄未能息公使自實盡

見素集卷之十三

誌

十一 薛京

市以修橋梁私匿逮及社人無縱弊源頓塞前政多因循  
學校壇宇公解木蘭陂陽城斗門堤墜路道多圯則爲之  
蔡忠惠祠岳泉祠李守衣冠藏彭惠安陳太常卿賜葬  
則又爲之漏澤院隘則別增之它若牌坊亭碣不可勝載  
賢盡出積餘民無所與爲知公牘叢委笑語指揮每旦日  
視事日中則庭無留人坐公堂閱古書宿弊清汰而利所  
宜與無復後遺獄訟衰止盜賊屏息治理書天下最莆百  
餘年之守宜未有先者故公安于莆而莆若不可一日無  
公德者感罪者愧無怨去而思來而喜病而禱而卜沒而  
祠而碑請衣冠而葬風謠盈耳哭者聲必哀盡焉實弘治

戊午十月二十四日也公形短無中人而神觀英爽明炳  
幾先孤脫凡累隱然古君子自期天下視爲國器仕餘能  
自力爲詩清硬崛竒巋然山谷老氣在刑部稱小翰林嗚  
呼海內如公厥亦指無多屈矣公之神必祀鄉賢蹟必傳  
循吏詩必傳於今與後無疑蓋棺事定復得銘所以死者  
生已巳八月十有一日子培增坊墀壘臺增坊爲邑庠  
生墓在方山之原致封君之命歸喪且速銘者公兄烜也  
銘曰於以彭於亦以殤脩短乃常於以顏於亦以蹶萬物  
迺郭維霸相維瑄師維終乃疵天恡靈竒完乃破高乃寡  
和維立艱維成又艱維施弗竟式乃有公則能死

見素集卷之十三

誌

十一 薛京

### 南京國子監監丞林海峰墓誌銘

海峰諱啓字仰之六世祖梅溪自晉陵徙同安曾祖性同  
爲湖廣布政司經歷二子善元慶元慶元後伯氏子清惠  
爲仰之父母劉氏仰之狀貌魁梧性局軒爽不欲一小事  
居人後與蔡郎中介夫以易學倡泉人其後相次發解首  
泉人興易學以盛二門門生也介夫易尤在泉仰之爲安  
陸學正安陸之易仰之發也仰之悔不爲進士樹官勲微  
見已志盡落凡格不與學子毫絲交貧而賢顧損惠之若  
罔知窘束在已以胡翼之石守道之教爲教尊隆遐邇皆  
有仰之名要人之子弟偏川下聚之俊茂民以獲聞緒論

爲快兩考順天四川鄉試所作成收錄士沈文華黎真姚  
學禮王孝忠喻時數十輩稱名人當道上其績殊等外艱  
服除遷國子監博士及門如趨今韓吏部遣子授易遂三  
捷鄉試其一中禮部爲進士予嘗錄仰之名于方石祭酒  
謂然居二年遷南京國子監監丞楊吏部攝祭酒當詣京  
或請它攝楊曰仰之在母須六舍生羣請之吏部爲宜遂  
攝祭酒嚴公有恩監故有饌錢費于公仰之曰是諸生故  
物也人給之盡弘治壬戌迎母太孺人至居閱月氣痞發  
刺脇良苦太孺人臨視仰之咬牙自制無痛狀太孺人  
熟視曰是忍也命就藥數日愈復發藥復愈勉視事爲常

見素集卷之十三

誌

十三 薛京

一夕大發比四鼓脉失詰且面鰲色神采俱去予驚視曰  
其如何其如何亟理後事以予深衣履來頃告絕矣四月  
八日也生景泰甲戌十二月二十日年四十九倉卒無一  
金師生德之爲爭致祿得殯致贈尋得歸以 年 月  
日塋感化里蚱蟻山西原配李氏子鑄鑿紳簧二女郭  
顛棄洙其婿仰之介而容方而不腐爲文章有奇氣修于  
身刑于家信于鄉黨朋友孚于兩國學道可壽無疑也嗚  
呼予重得士旣晚得仰之謂銘仰之耶其胡母慟銘曰蘇  
湖教弛頽波已而海峰屹立一柱獨支任物視良梓職繩  
引計厥纖釐畫堵曲畫鉤玄棘隱鬼設神施維實維有以

歎以卑維道孔完維世恒缺維善不可憑維命永絕有水  
瀾瀾有岡霍霍有玉斯藏維先生之風

見素集卷之十三

誌

十三



見素集卷之十三

歎以卑維道孔完維世恒缺維善不可憑維命永絕有水  
瀾瀾有岡霍霍有玉斯藏維先生之風

見素集卷之十四

後學黃佐校正

孫男及祖重梓

墓誌銘

封太孺人曹母李氏墓誌銘

弘治初襄陽曹御史有名一日欲言事懼貽太孺人憂乘間及之太孺人曰生汝官汝事同也第爲之母我存念疏上果下獄賴

皇上明聖得釋引疾又得告然設深牢以須其入者縷縷焉助瀾揚波者或中以危言太孺人曰時必無是兩京大臣及臺諫特疏起用太孺人曰時亦宜

見素集卷之十四

誌

乙 李春

是然非予樂也聞者服爲賢今年御史走書來告曰璘母亡矣璘獲備人數中母百心之教也無母璘何恃璘奚生爲璘母婉婉沉遲比幼見我外祖武功永景公暨我外舅讀書輒竊聽心領間以成誦外祖母閨愛之年二十三歸我先御史府君時吾祖爲襄府奉祠先御史携母自尋陽來侍以孝謹獨得歡心吾祖死始家襄陽或求分異先御史不可吾母曰母以予婦人故遂悔不言如初處尊幼義而有恩從母孀居自守吾母敬愛彌至嫁其孤女有丁姓者貧不能衣食母密遣其鄰以意自給之久之廼知所從僕道得遺金遺就故處歸其主疾亟璘憂甚母諭止曰

世患天吾年七十有六患貧且賤吾生長名門豐有衣食  
又以汝故受 國恩封太孺人汝復何憂惟備棺衾完塋  
域我死子孫毋失我家法足矣言訖手麾璘出數四璘出  
氣絕嗚呼尚忍言哉璘生無以報母觸罪惶惑上貽伊感  
母雖善割制忿憂不見辭色心則何如也不孝罪大雖百  
死其奚自贖誠得執事銘吾母猶得以傳信于後也杖而  
敢請書至予閱視沮怍嗚呼予知侍御賢不能薦薦不能  
重爲力又無辭以章其老母之賢是重吾愧也古之道其  
或未然按狀太孺人李姓諱榮慈淑貞專有性量善掩覆  
人過故能睦有家生宣德丙午六月六日卒弘治庚申八

見素集卷之十四

誌

二 李春

月二十八日子男琛英國公府教諭次卽璘監察御史孫  
敏學敏敬敏功敏德敏中女三孫女曾孫女各一墓在鳳  
山中嶺先御史之塋合葬之日壬戌十二月十日銘曰粵  
有滂母亦有班昭名齊奚憾顧恐辱朝有美侍御如金如  
玉振發精英伊母之淑孰教匪忠洵浞容容孰教匪直拳  
擊頗僻惟式匪躬則亦罔克承風望稜稜以莫弗欽訓之  
閑只德之令只誥誥子孫家之慶只垂禎考則士也則難  
士也則難噫古之觀鳳之中岡蛻螿鬱結靡樹以封千禩  
同穴

白塘處士李公墓誌銘



兩序人文望天下間亦有持其師短長以倨視儕輩取  
貌禮成化間是風猶存者當是時李處士獨貶損匡角爲  
讓氣卑色夷溫聲而跼步疑難辨析觸解縷分人益心敬  
之於書善訓說叅覆背誦不遺落一字一句爲經義有意  
法有司試諸生廩率在前列次至率更人寃其蹇至取作  
話柄爲謔甲午名在薦中爲易經卷擠落庚子發解首以  
落判題主司泥成式又落乙卯子應舉一試輒售處士笑  
曰是何坐我良苦而吾兒良易耶乘除利鈍抑有數存耶  
吾誠安之遂解學籍歸隱白湖塘上看種樹書鋤雲泛月  
醉則掀髯撫掌大言曰吾知有是不僕僕書靈五十年矣

見素集卷之十四

誌

三

李春

性至孝生事壘祭極其力所不能以責兄弟爲備教諭兄  
純死處士走水豐迎其柩携挈其妻子以還家祠之神室  
未立則完之書林之祖墓失則復之祭儀祭田則又定之  
深衣幅巾出入族里人始若怪中則安又則羣然樂而莫  
効之嗚呼處士居家居鄉皆足取信重惜其居下積者厚  
而施者不遐也龍薄玄間雨下土固皆魚之化也然化者  
常少不化者常多其甲鱗鬣鬣誠有異耶其化其否吾不  
得而知也然必化則龍龍則雨不化則不能龍不能龍則  
亦不能以雨矣嗚呼士之懷負美噐而卒不能施用豈獨  
處士然哉諱倫字體信別號蘭菊主人李出唐遊擊將軍

尚旻之後宋殿前制幹富十世祖也會大父文材大父有命父斐母林氏兄弟三人處士居季宣德丙午十月十二日弘治己未八月初二日辛酉正月初四日則生卒葬之年月日也享年七十有四娶林氏生子曰紹曰素皆先卒應舉側室戴氏出也有遠器其化其施其待于是歟墓在延壽里上金山之原六窳處士林居中紹素附焉空二爲戴與紹之婦 壽藏應舉以南京刑部主事吳君希由

之狀請銘處士在諸生予晚進忘年相好也吾子達又從應舉授經其曷無銘銘曰惟璫方不圓以行惟澤卑不流以施胡不學輪而不學川惟噐有所局而用有所偏嗚呼見素集卷之十四 誌 四 五季春 堤決川潰澤售其全軸折馬斃患不始于璫之顛而今而後處士知免焉

故嘉議大夫都察院左副都御史周公墓誌銘

弘治壬戌天下諸司朝 天子聽吏部而黜陟焉言者

舉故事以旌殊尤吏部上六人其一吾時可也 上決

意用公而公以疾解藩務詞旨甚哀 上念之進都察

院左副都御史致仕馳傳以歸僅典也是歲八月八日疾

終于家嗚呼公死矣前三年言者上才望議遷公名第二

世恆詆儒迂不涉事其然耶公由進士積官左布政使累

階通奉大夫秩從二品嚮道甚早年十六聞王千齋名見

焉朔望拜文忠烈周文忠祠下往來陳白沙羅一峯諸賢  
篤意古學景竒節蓄厚而資以深行義甚勇於所不可語  
鑿鑿以盡嘗主白鹿洞教四方士從者二百人所至必求  
官理風教所宜楊龜山胡文定劉屏山朱考亭真西山蔡  
九峯祠則修之林艾軒墓則又修之嘗謁忠烈主忽動怪  
而求之則像遷佛宮毀于無賴若托之公者則言之當道  
建祠優其家錄其孫子于學又言之朝請忠烈從難諸人  
祠之吉郡 上曰可蕭給事顯張主事吉以言謫按屬

公折節下之延見蕭孝子劉閔席之賓席而周裕其老母  
完至嗚呼是非儒爲之乎教人首性理次風節最後及詞

見素集卷之十四

誌

五

倫

章閩廣士習爲變行部惠信都勻苗爲之寢謀刑名會律  
准經而間仍其俗曰母第拘爲也東廣前政彭惠安爲烈  
陳士賢繼之公又繼之薄征輸務寬大抑浮靡定婚娶節  
縮採珠官櫝與公府之煩費歲率損十五六又損溫戶二  
十不僉靜若山立動若風駮權璫懾東不復迹故武居竒  
利功生人爲多嗚呼謂不涉事謂然乎諱孟中號畏齋更  
號韋齋廬陵烟源之周自泥田徙仲良生子遜生詢是爲  
公父終沂水教諭贈南京吏部主事母彭妻劉皆封安人  
子統南京刑部員外郎仲縉與劉安人皆先卒季綸仕俸  
倍侃其孫公旣孤事世父盡謹建祠堂增祭田惠族屬皆

東方周事詩文有言志稿壯浪自一機軸生正統丁巳三  
月己日年六十六其耄其耄其又何人耶嗚呼公死矣統  
既奔喪將筮日奉柩下園啓劉安人之隧合焉泣謂予曰  
公厚知先君子銘無公宜記貴陽連榻距今十八年燈雨  
如昨晤言無日矣有道之涕其曷無從銘曰乾旋坤奠岳  
峙川流彼古弗異曷道之允存道由人有完有缺一類俱  
紕廢食於咽策良循武遐軌邇而無然適劄南轅冥施黨  
籍宿罹僞學載禁公始公終 列帝之聖陽誹陰訛公  
靖弗疑式時昭潛痛定之思

正奉大夫正治卿貴州左布政使黃公墓誌銘

見素集卷之十四

誌

六一毛有倫

普安亂既平揆事錄功黃公求我當進秩故事方伯進秩  
中丞爲常公資望已淹矣方須有 新命則以訃聞弘

治壬戌九月十三日也生正統丁巳四月二十又五日諱  
璉字汝器犀坡人入 國朝犀坡第進士自公始黃進士  
亦自公始甫爲給事爲衆議無遷者遷亦自公始木訥簡  
野退然若農家先是時進士偉儀觀音吐洪亮無南語則  
選給事公不得選給事及是擇才望爲宜公選給事署之  
戶科督後湖而南聚天下民版磨校之又職言天下事公  
持大體不撥拾人小過汪直擅柄王越相倚爲姦利公率  
科道極言 憲宗逐二人連其黨以盡其爲浙藩叅議

提督溫處銀冶鑛故竭率輸自民以糧爲差新鑛間一出盜盤據之民重驚擾公曰鑛地利也不輸諸地輸諸民天下皆治也獨溫處然哉且新鑛徒餌盜奚功於國與民遂擒其魁散其徒疏言罷課塞鑛民永未便 上曰可公遂改雲南雲南糧屯出者十五六武流侵盜漫不可爲疏理公嚴限之歲輸告完撫巡上勞績爲司叅政貴州

命已下矣三年進右布政使又三月轉左累階正奉大夫正治卿公又在貴州夷民馴習無間志賢練上孚而普安事作坐是不可遷蓋普安土知州死妻米魯謀自襲毒殺其庶子生事者急之魯遂爲變官多被誣辱公長僚顧獨

見素集卷之十四

誌

七

七

脫溲溷魯疏自直獨不掛公一句總督電務大司徒王公待之殊等供饋主畫公亦力爲之畫功特加嗚呼公已矣是士夫之慟也公靜定渾晦不爲意不養交不立崖異實常譽先父以宣徹其視事也星入爲期嘗曰人須自立忠信廉謹吾事也其升落毀譽吾寧知之因號求我歷清顯幾四十年俸食贏餘以修先祠先墓周九族鄉舊之貧田不頃增屋舊隘迨公之妻子亦莫不視爲安固不知有今日也有洪量在浙江以吏失公移爲御史所中滯右遷其後御史謫幕下公畧修怨薦之彌力所居望江

南村水縮公告守令鑿渠自小山抵巖沁引水蘭延壽二

水以溉田用腴又告巖沁更鑿則秋蘆之流可會二水舟  
由瀨溪抵江上五六十里可息肩背爲奸者所格工中竊  
至今人吊遺蹟爲慨曾祖宗道祖宏中父本清封徵仕郎  
南京戶科給事中母俞氏贈孺人配許氏漏頭仲懋之女  
封孺人公窮能織組佐家費貴能無驕能澹簡以相慰助  
爲廉先公一年生成化丁未先卒子詢義官娶莊講邑庠  
生娶傅諤娶鄭女適林璵孫男錡鋁鑣鑣女三墓在鳳  
林祖墓之東十竈公與孺人居中側室聶與莊與諤以次  
而祔餘爲詢講與婦壽藏以甲子正月壬申襄事以璵外  
父饒州通判泐之狀請銘饒州人望也狀則可信然公豈

見素集卷之十四

誌

八

倫

待銘後傳哉窘突之筆祗重愧畏而已銘曰海滙百流嶽  
收羣望高深不言誰則尋丈晦晦求我若訥若愚若遲弗  
任歲計乃餘今吾伊人言貌疇信不凋不摧松栢受命公  
始諫垣危論瑋瑋 天子明聖公猷是經公來浙東羣

盜結糾弗懼弗懲豕突彪吼公赫三令如風如雷陶鼓簸  
扇磔其猾魁公功不有柔惠且武除課蘇人召伯杜父維  
時浙人朝不謀夕自公來只民以衣食公來自滇宿弊澄  
汰比安貴陽民永麻賴公古循吏質簡而文維實維歎維  
蘭斯薰悠悠絳旌鳳林玄夜公祠于鄉亦祭于社

處士吳東軒墓誌銘

弘治甲子莆令侯惟明奏最績且行父處士東軒疾作醫  
之愈又作又愈竟之弗治三月二十一日也侯既視斂事  
泣言曰莆名善治棺實堅以完無如自豫豫無如士家則  
以干吾家翁諾焉喪且歸又謀所以不朽則以狀授黃編  
修壺陰於俊請銘嗚呼莆方父母侯侯歸莆失父母也無  
重處士慟哉諱靜齡字文安吳姓其先休寧人唐監察御  
史少微中書舍人鞏其世其後居富饒又居巖鎮皆歛地  
遂世歛人金紫光祿大夫其尤顯者問學則古梅之詩孟  
暢之易學爲盛德而隱則炎方義慶月得處士月得子也  
有性量毋某竒愛之比長隱于商不涉爲市之道曰吾治

見素集卷之十四

誌

九

倫

生無計然文無司馬子長輸邊累侯無能卜式樊宏宋清  
吾志也故無詭局無翔價貸者曲副而默焚其券所弗善  
酬居縮致孝時割所羨贏施惠義焉有二子材所宜授之  
浩植有家遠第進士即侯也子良淵永義方之承有師道  
焉故德侯之政而莫知與爲光使者旌官能上之殊等嗚  
呼處士亦自見矣生宣德己酉某月某日配閔氏先一年  
生弘治癸丑先卒及是某年月某甲子合葬某山之原浩  
娶亦閔侯娶汪繼張女嫁方富茂孫瑋執觚之役邑人事  
也其惡無銘銘曰士有寓傭亦有酒隱乘運脫蟠屠夫將  
領吏良而商粵有寓言不市于道仕者永嘆豈直竒貨殆

托而逝雌伏處下降時中高就養歲年疇窺其面默運潛  
裨爾濡風扇公去無疾綸書昭錫公竟無驚駭越爲平維  
導有旌維次有祖維藏有神函壁終古

中奉大夫致湖廣右布政使事瓊山方公墓誌銘  
公諱守字宜約號省菴旣致布政事舊業日落貸于里富  
人爲常人曰二品官如是耶傳爲笑世無義丈夫予念公  
不能助也作憐白頭寄之事頗聞莆二庠士言之巡按監  
察御史宗君彝援 詔例給廩又給田薦之 朝未報

公疾作強力序族譜以不及置義田爲恨比亟語其子曰  
送老矣多讀書力了責交遊見素念我不及爲別致吾意

見素集卷之十四

誌

十一 薛京

馬弘治甲子四月十八卒日也生正統丙辰六月六日沈  
裕雋求童丕即老成爲宮保陳康懿公所知遠大屬焉景  
泰癸酉年十八領鄉薦又十七年第進士爲戶部主事轉  
員外卽再轉而爲郎中佩 璽書提督薊永山海延寧  
邊備錢穀出入易汙公獨不汙提督例一行劾陞堂上官  
公再行僅陞雲南叅政部之長不能平以問王太宰介庵  
答曰謂不知方耶雲南措萬里荒外官解弛魚肉其民夷  
故用楊巡撫林憲副今又用方將更化于是謂繼宗及予  
也公在雲南與予同事金滄又同事司印予率直公濟以  
靜重以奉宜 今天子無外之仁更紀其政人始知有



避趨要人歲入損十八而餘賦歛就輕盜賊衰止故官之  
妻子脫流寓歸若籍者數十家所在父老覩天日爲快磨  
乃夷納流人萬人鑿銀礦弱肉強食爲邊夷患先事隱之  
予二人榜許首實人得活路散患解除利輸幾五千兩城  
趙州橋下關修學立堡賴焉孟密夷叛故主木邦當道右  
之孟密大縱木邦危如綫撫勦之責付予二人時干厓怕  
愈奪印芒市放旦放彬爭官讎殺連數年官無何直夷視  
爲玩予二人謀曰請自近始蓋實非專責也榜示之羣酋  
畏感縛怕愈出印以獻放旦放彬囚首服罪於是刻漢緬  
書小榜遍給諸夷諭以順逆禍福附者解體孟密勢轉孤

見素集卷之十四

誌

十一 薛京

悉還故所侵地夷言曰事始如是奚至有今瘴作軫旋再  
往遂定諸夷不平事輒從求直故無是也隴川夷兒頗習  
中國語製儒中衣擇漢人教之風隨還今學立焉每歸夷  
官屬火伍數千走送或問之曰嚮撫夷至雞犬不寧今官  
兵不敢近吾家是以遠送羅拜而別大司馬馬公廉實以  
聞文告之諸司爲勸王大宰亦錄名于屏風謂公翁  
進士憲曰是而兄與林憲副齊名雲南者也巨璫作金寶  
玩具極工緻未進而卒予二人議剔其寶範其金輸之庫  
事雖弗諧廷直其議賓居賊發公往征部分周整一夜營  
中驚卧處而靜由是僚佐服公遠畧算授功成凱旋議立

州衛許之是時少司馬王公詔繼巡撫大司馬韓公文繼  
左轄巡按藩臬竝峙庶聲雲南有新換一番官之謠壬子  
之冬木邦復仇爲孟密所困公往又定思揆親犒師然深  
入歲數瘴毒所中耳目寢失清予旣更繁湖南公亦來爲  
右轄官所心迹無不具知者公繼母喪釋禫貧不可支親  
舊強以起至臨清疾加作遂致其政方出長史禮部尚書  
瑛之後徙瓊山學錄康也曾祖積善祖夢周父休徵有隱  
行累贈戶部員外郎妣王贈太宜人公和柔孝謹方上春  
官太宜人微恙卽解裝侍藥久之果不起員外訓以庶慎  
之詩昕夕佩誦聲色澹若不立媵婢兄弟族里非甚獷戾

見素集卷之十四

誌

十三

無不加容納鄭山之藏族惠感之讓也問學經義尤精嘗  
提調雲南試公閱詩與主司連合十二卷其後稍叅伍率  
在取列素所指授副使吳君昭僉事林君樞周君信尤顯  
者也延綏響馬盜至從者恇怯公厲聲曰吾方郎中也盜  
引去方議事城戍報急鎮巡錯愕公曰第先之虜驚遁平  
居若無能爲其應猝計類此配宜人蔡氏道濱希韓之女  
性量宏敞在薊州能叱私謁在黃田正容祝天能回風禍  
舟不沒能不事生財法仁施而義守以居於貧生卒皆先  
一年年皆六十九葬之費則後言之方伯陳公珂少叅徐

公貢郡守陳公效郡貳談公經相成者也憲爲知縣先卒

宿負如公妻子告不給清白家法然哉子質娶王立娶黃繼娶林彥郡庠生娶俞女適吳祥黃溥王寧孫僑娶程价聘朱伍尚幼葬以季冬某日予不能評騭公且銘如是其安如是是可知矣似續聯穎天之道亦將然乎銘曰維食勞公美且多維蓄有公大且久惡乎貧我公古人計非左財多基禍罷無歸匪公者誰杵不相無從奚慟士之觀敦溥庶頑

致教諭澄渚俞榕原先生墓誌銘

澄渚本陳俞迨林氏居而盛易澄渚今襲焉俞世以貴雄其鄉其科第則榕原先生始壞躋穎耀治伏氏經有傳文

見素集卷之十四

誌

十三

京

字清典可諗游提學試諸生先生齒獨少獨厠名第一爲常先是時邑庠第一人率落解先生亦落解屢之特爲寘名第二人曰榕原中矣果中上春官甲科羣屬焉先生外舅楊參政習風鑒法獨視不可旣之辭乙科竟詘教諭以行自力師道作春風館時雨亭禮樂射御書數六齋獨制鑪鞿所作成泰和應山二庠所拔錄淞東西十一郡士率異常觀言者言教職試進士爲例先生業再往再格不得預試取道徑歸歸二年上章致其仕作百誅詩以收之寂祭田益之子姓才而賢教之三族婚喪助之家故饒盡割

爲義或費爲草堂假山方池竒花竹名草復疊踈整取足

暢神情不復假他出爲便予嘗兩屐勝處再往而再忘歸  
焉生正統丙寅五月六日卒弘治壬戌正月二十日又明  
年正月十一日葬紫霄半山之原諱釗字時勉齋祖德俊  
祖文道父邦才義官母陳氏配楊氏子應星蚤卒應辰鄉  
試有名應登應第時煥後應舉應嘉孫男正宗直宗榮宗  
女二應辰以通判鄭君徽之狀請銘嗚呼先生宜進士而  
不進士教秩年勞高之取御史次之亦不失美遷先生弗  
由焉官二十年所歷不滿四歲薄之耶其非然耶其所樂  
不在是耶銘曰木爨而焦或溝而斷胡業巨棟雨暴而海  
或山之巔胡功甫田宋龔燕珙楚荆和璧售僞汨真曾是  
見素集卷之十四

誌

十四

倫

物色龍失而魚鼠化而虎消息縮伸宰物宗主吁嗟榕原  
式美以完隆施顯授萬頸俱延起扶搖載前載却縱弗  
盡翰舊棲任獨韜芒毓浩良坎式怡達人委運生死於斯  
紫霄半峰盤鬱融秀以妥以藏若考在右神物發靈錫有  
孫子錫有孫子公永烝祀

見素集卷之十五

後學黃佐校正  
孫男及祖重梓

墓誌銘

承德郎岳州府通判東臯陳君墓誌銘

君諱愈字師韓姓陳先姓鄭南湖三先生露之後至正間君高祖四秀由陽城來贅東臯遂從陳姓曾祖孔順祖樞俱有隱德父希玉母許氏君生景泰辛未二月二十五日十月喪其父時許方二十有三歲孤弱一身飢寒在其體亦奚恃以自固耶以有君望耳謂容弗嗣而去許以死弘

見素集卷之十五

誌

乙 薛京

治癸亥五月初一日也嗚呼痛哉君羣兒時軒特雋永時若有所思許心私噐之既就學季父邑博君鑪諸兄挈壺君師烈又噐之比長從太守朱愷授經又噐之遊刃學割盡得其肯綮中成化癸卯鄉薦志養自謀不樂乙科既竟不得進士居益貧時許年亦七十則嘆曰宰物矜域我也就吏部試通判岳州迎許官所入色養出則服官政湖南民困賦重催科吏復入常例錢椎剥肌髓君易前絃民蘇賦足尹大老聚徒鈔掠洞庭間商民患苦君用裾縫法撿之和糴靖州邊餉督造內供歲幣皆以能被殊委撫巡有嚴正勤密之書疏尋登而君瘡疾亟泣謂許曰吾母守兒

志竟莫酬又無丈夫子以後吾母老無聊兒何以死又謂  
妻朱曰善事母以堂弟某之子陽春爲後言訖氣絕郡之  
守貳與屬之士民無不盡傷者君六女長適王恭甫次適  
朱子御次適林道明次許林世槐其二側出俱幼喪旣歸  
上以甲子十二月戊寅葬安樂里瑠山某向君內兄朱君  
謙狀事行託銘掩幽之石嗚呼德門也貞婦也賢孤子也  
考常論世拙信相乘之大機宜昌以壽也卽未然亦遽宜  
絕以死耶事有不可曉者是類也王屋謹嚴神不福謙丙  
吉國絕天道之不可信古今事有終未定者獨君然哉銘  
曰易系貞亨書紀善積順修垂應值萬于一頽緋肩峙有  
幽岡雨晝晦滔滔逝川迄迄洪源厥初允念世隕若存

龍樓陳立雪甫國泰合葬墓誌銘

龍樓涵江望聚陳望姓居則龍樓也鰲山陳墓所國泰志  
自近也立雪藏右配俞氏藏左子樂賓附左嬪余氏又附  
左合之四窀也立雪以學古自命立懦律貪爲已風槩甫  
弱冠卽開義塾賢問殷殷固已得張弛之大端人用老成  
之庸謂其僅夭以死耶俞時二十五樂賓時四歲二女呱  
呱身後事大若不可憑庸知俞能力自矢完有節能立有

孤如今哉庸知樂賓能成父志裕于躬以發于其子如今

哉節則難身則可保也教則無難子則賢不肖則不可保也俞豫知陳之澤未斬立雪之賢必終祐斯自據也立雪有佳弟尚明君巖嶺有古法樂賓內承賢母外承賢介父又外承賢師友之麗澤薰蒸志尚孤潔遊郡學有時名一日見母疲家政痛不自安謝歸養母與余共子婦道儀厥宗姻責厥子世傑以光復陳氏酬先志焉陳出少府本之後嘉定戊戌致政日新自莆城徙居龍樓五傳而至孟方又至以進又至貴華又至立雪又至樂賓立雪諱夔字尚樂生永樂壬辰二月二十七日卒正統丙辰七月十三日年二十四俞生永樂辛卯十月二十日卒成化乙巳十二

見素集卷之十五

誌

三

喘慧

月十五日年七十五樂賓諱竣字恒雍生宣德壬子九月十九日卒弘治乙卯三月二十九日年六十四余生宣德癸丑五月初三日卒成化甲午十二月十三日年四十二癸卯葬立雪庚申塋樂賓墓余今甲子葬俞世傑由鄉進士爲無錫教諭應聘爲考官尋應薦爲池州教授既過家泣且言曰世傑以十二月壬申襄我祖妣塋事惟塋俱未志滄桑變滅有餘感焉謹以爲累予聞陳襲有魚蕩之利以高貲好禮聞鄉閭尚明君子及識魚魚雅雅居然處士風致以故士夫道涵江必過龍樓過龍樓必陳氏陳氏衣纓雖再續郡博而門巷車馬上世已然立雪三孫長郡博

以世顯亦爲揭陽典史次世純曾孫銘曰善可憑有不可憑而可終憑于陳是徵

黃巷黃君儀韶改葬墓誌銘

前重士族在涵江宜莫如黃黃宜莫如黃巷桂州刺史峯始遷祖也新府則樞密使鏞賜第鏞弟太子正字三傳而至朝奉生元良元良生甲仕甲仕生孟章娶陳氏正統己巳生君二月二十七日秀特神朗有孝性其治舉子業也有聲輩人遽則天死成化庚辰十月二十九也年二十二去上殤一等耳新婦李足未盡黃闔闕其奪其守其未可知也其所恃者孤筮孑孓脆在襁抱其育其否其未可知

見素集卷之十五

誌

四

慧

也李之志自知耳人則誰信之雖君之父母與李之父母亦未敢謂必然居左之塋同穴之先備李其不忍去君以示所不二如文叔令女無疑也壤寧知利不利哉黃安合璧寧知業改卜如今哉予重悲李之責之難而君身後之幸也宗祊弗嗣李未可告也文獻中謝家以落未可告也弗章顯以光大門戶可告而未可終告也今則裕爲之丈夫生而漸盡者例有之寒弱一婦人而聞于鄉標揭于郡上姓名 天子而聽之褒嘉垂及焉君得以附名其間以父則未爲終不幸也君有父母李孝養之歿禮殯葬之有弟妹成立之族之子未晬而父母死李乳鞠之仁視若



出已易名文鸞長而誨諭之納之室而復其故產于常苦  
若其履險若甚夷重若弗耐而若誠安之蓋棺事定今而  
後可以藉手有詞無愧容于君矣人則誰弗信之則可謂  
難矣予又悲孤之責之難也罔極之報其百常情矣乎君  
與李重無憾矣君諱鳳字儀韶李諱肅姜望江墩上克忱  
之女莆田令丹之後其生丙寅二月三日卒己未正月九  
日孤文鸞鄉進士稱家兒者娶姚繼娶方女適林環遺腹  
出也孫應魁孫女三人俱幼癸亥之歲臘月壬寅文鸞遷  
君而以李合葬則以諸兄教諭文璋之狀請銘銘曰惟黃  
世先文輿接軫派于裔姓或韜以隱君如鄧林勁直賦理

見素集卷之十五

誌

五 李春

亦如出日亟以風雨境樂而悲何惡何慕惟父母躬寧母  
我顧我有孤孺惟脈之遺有如弗卹執言之思妾心匪石  
亦則深井弗轉以搖吊時隻影寒餓事小中矢靡惑兒利  
用賓孔懷伊感黃安仙原名實該副秘幽會靈求錫祚嗣

贈承德郎太平府通判談松軒甫墓誌銘

南海有隱流談松軒甫完醇居晦縱傲之芳洲碧樹之間  
引身淵龍送目冥鴻脫泥蟠而橫雲表無患其不能至也  
而樂不在是嘗恠夫士者離親戚遠鄉井而去之京師一  
顧價增而買用弗售亦屢屢矣食官蒞局大吏者寸寸而  
約繩之亦勞以束矣吾有吾樂焉學不求博求其要道不

求其深而求其自合經濟一身而施之一家之政父母順  
焉兄弟妻子宜焉鄉之人悅而信焉斯而已矣甫盡子弟  
道對妻子無雜言妻梁氏女間訓大家亦善順適勤儉以  
立有家嘗拾遺金環付其主甫曰良吾婦子經舉鄉薦爲  
通判爲同知清約畏謹奉以終身得連被旌命甫曰良吾  
子弘治癸丑九月六日甫卒數月追贈承德郎太平府通  
判經初官也諱誦字以道梁諱文德封太安人旣專家政  
一循甫舊規經念春秋高不忍舍去慰遣以行故經在甫  
郡幾十年不携妻子甲子十月十四日梁亦卒壽八十八  
甫損其十焉談故江右萬安儒家寶祐間應奎牧循州遂

見素集卷之十五

誌

六 李春

家南海平洲蓋其地也生時雍時雍生文貴文貴生稅長  
稅長生康護娶麥繼娶梁生甫子卽經又綸又綱又紀孫  
佐儲俸仁傳侃信儀任曾孫道泰道亨侯旣奔梁喪以乙  
丑某月某日奉甫合葬大羅岡祖塋之左以狀請銘予聞  
之良玉不斲醴泉不和其貞色靄味有天成者樗雖散不  
遑榷楠斧斤有間矣井之澤不逮江淮河濟覆溺之患又  
有間矣故莊周上無爲以敝敝人事爲破樸拙如甫者例  
可書重之侯予厚銘能已耶銘曰蘭膏自焚刃芒先缺逸  
足健羽折翰駭轍達人高致沉落光耀弗繫世憂已辱奚  
召棠邑貞晦商陽德公直風罔嗣甫或無同平洲大羅松

雲自樂生斯死斯仙兆斯卜有遘太丘奕葉昭美哀石勒  
潛言告孫子

中奉大夫致廣東左布政使事林公訥軒墓誌銘

弘治甲子左布政使林公訥軒卒明年墓資壽山其孤禮  
致憲副黃公熒之書請銘嗚呼渾樸解完士之趨日以下  
得見尚古者斯可矣公與吾郡黃公汝器方公宜約同時  
三方伯俊所畏也前歲銘汝器去歲銘宜約今又銘公老  
成淪落有餘感焉公初諱大同後從里辟爲同進鄉字也  
漳之文山士家曾祖瑩中祖仲謨先生事經賢父也鄭安  
人母也秀臞高骨氣定而神閒不爲習俗嗜好道用晦昌

見素集卷之十五

誌

七

端

事以誠又基遠功而畧近効故恒信于所知而詘所不能  
知由進士爲工部主事改戶部轉員外郎郎中兩列最書  
一膺 勅遣旣又有江西布政司右叅議之拜信所知

如是焉所不能知有廣西之調旣又有浙江右叅政廣東  
右布政使與左之擢藩服大致然也不舉于彼舉于此而  
優于職所逾重詘公者無重以信公耶公始遊從祖邑博  
澹齋繼游從父邑博默庵于湖專志理學久而過之不欲  
外自異文公禮呂氏鄉約奉以終身故所至諭行無間二  
書與北溪文集字義蒙訓竝梓傳而廣焉靜鎮躁正辟邪  
巖佛事火葬之禁毀三教歸一殿修來學雄學遷文山觀

瀾書院公之任也新官政澄吏奸汰倉弊按飛洒之豪戶  
加額之運軍脫伍之戎籍與保定之平糴價停屯徵蠲夏  
稅減柴夫馬匹厨料軍需增月糧罷河役存活二十五萬  
口而餘公發用之通也監收監督鎮守皆巨璫公不爲屈  
兩廣臺臣藩憲有跪禮公不行卿貳左轄之階公望復大  
起不少須以致其政介也拾遺金還之故人餽涉非道卻  
之俸入親與士夫之賢生有給死有葬陳憲副冷庵之貧  
張吉士紹齡之死尤加厚焉默堂之瑩視差父弟某姪祺  
之教愛無異視子大宗之祠堂先正林梅雪之祠堂陳方  
伯選之墓表又手立焉惠與義也暮年委情林壑輕健若

見素集卷之十五

誌

八

童子身家重若無官所居樹生異花臭如蘭色如蓮彌月  
則落落則公病以死五月初四日也嗚呼物之鍾異蓮獨  
稱君子蘭清修所自況公無是兆邪鬼神若信之矣生甲  
寅十二月二十七日配安人徐氏有賢行子卽禮嚴出娶  
葉女三黃琳蔡烈王翰其婚禮琳烈皆郡庠生孫獻其壘  
膺月甲子銘曰燕紀刻棘齊頌炙輶腐或檣拘達迺蟹躁  
粵有握瑜天日自矢蘭化弗芬我擷其是嗟嗟訥軒志潔  
行廉洞視底裡虛明坦謙官以恬起亦以施貧大醇縷脉  
流風此真悠悠北南徑途川曲盍起典刑永觀滌俗

刑部主事黃西溪配安人吳氏墓誌銘

黃西溪主事刑部時也廉白有聲入其門練車軋輒徹屏主人諭止止復作它無是也約客皆出事自酒出自製肴核釘餽參新故物而有僕馬之需視時之登歛爲計一年予以知內子之賢其積贏也以儉相焉連數日西溪哭一子一女女安人出也安人哭子而哀對慰者言是重難忍三十年佇結慰意是兒方潑潑跳走兩睫間新歲擬遣就學門戶委付焉曾是殤死人壽命不可期呱呱黃口又將敢恃謂子瀛也自是百志摩撫熟視其冷煖飢飽之節易垢易濕備出手業而僅乳于所生今林氏也西溪歸省安人事舅主事翁廷言姑林安人婦職備焉西溪還京安

見素集卷之十五

誌

九

端緒慧

人請獨留侍瀛時方却乳罔知身所由出也樂與偕留林竟莫可挽致西溪死保瀛益專以義自割不曲庇外家方林二女不溺已生之愛或則有隱界之疑旣之家不落屋以尋翔焉日惟瀛稚弱疾病惴惴恐不及其成冠始喜林氏婦入門又喜孫應福生又喜一日闔門半面拜予女嫗抱弱孫交立若將有所諭已而知欲昏吾孫女抑有托也嗚呼世有寧老死不畜妾坐絕人後倒囊女子無分寸遺庶子落莫不復憐視而身亦與及焉視安人之風母厚愧邪文峯處士德溫之女西溪旣迎相主事翁喜曰吳氏女多貴鐸偶新婦其福之符旣果得婦道母道甚父子夫婦

恩數人及焉淵靜無翔語理焚應粹如材丈夫十許年適  
治西溪與舅與姑三大喪葬均致厚勤而處極整暇以予  
殯西溪故兩家內交若姊姒然孰謂女婦人能記人往德  
如此哉其生正統丁巳四月甲子弘治癸亥十一月甲子  
年六十七而終又明年十二月戊寅從其夫葬黃上世由  
七步徙龍坡最後桐巷主事翁啓卜焉西溪字文器諱曰  
鐸婦則宜城縣令曰典之女婿方曰繼仁林曰曰欽孫女  
尚幼銘曰黃一再世甲科四膺文輿仕幟電睽風稜藩臬  
重僚曹郎內史門高立難矧乃女婦牝吻晨亂螽斯失聲  
義生弗忤乃復斯鳴有淑若人閨儀與與戚疏賤良處得  
地所植孤襄事母婦道常以書以銘教熄之傷景祥之山  
黃墓叢立冷風白楊過者心盡

先妣黃氏壙誌

封安人黃姓吾母也在東里稱賢女吾聯桂林稱賢婦又  
稱賢母年七十六弘治癸亥七月二十八日卒十二月葬  
雲庄聖塘凹處二十一日也生宣德戊申十月十九日男  
俊侃傳佐僖孫達遇適遴適遠近暹達週吾父主事翁命  
瘞誌石復納是磚于壙嗚呼吾母古丈夫之賢而女者侯  
唐何加諸其百世祀其是山相始終無疑也後泣誌

明太倉處士周君必章配陸孺人墓誌銘

言馬涇崑之東鄉故地今太倉州屬焉周與陸竝涇東西而居孺人陸君旺季女處士周君必章之配今知蕭縣事侯母也周盛時族分而四號四周村侯高祖安二曾祖子祥農業自支至祖海而家益落處士旣早失怙恃又爲尊執所漁煢孑無倚婚媾固已後期旺無丈夫子謹圖沒身之托孰伺之知必樹立遂嬪孺人于周屬資產爲地時孺人年十四老成自將承接進止有令儀獨手饗爨每坐必有業隣壁不聞詬怒之聲惟紡車軋軋連夜分爲常二門竝恃自振旺終事處士誠力焉處士沒孺人獨手內政男室女家教子程法如處士時弘治辛酉侯就試孺人窮百

見素集卷之十五

誌

十一

薛京

晝夜得十縑爲資是秋舉子捷至乙丑進士捷又至落門崛起孺人安習無輕容年高而子貴仕執勞猶故一日鍼綴裾偶刺入膝瘡潰爲風所襲竟弗起 正德丁卯六月

十二日也生宣德乙卯八月二十五日子溥娶張廣卽侯

娶張繼娶夏博娶朱孫希淳希濂希范希淵添書希淳州

學生女孫女俱二侯方八月于莆近古之政予合焉孺人

之憂去焚浮屠彌月滕口者因神其妄孺人生未嘗信佛

固了了也世嘗疑昌黎潮陽之行爲疏佛骨不知前是之

三左官誰譴後是之三右官又修何福也六一之本論致

堂之崇正辯關之亦勇矣不聞何譴則果誰欺歟孺人適

值之也吾儒事論當不當不當論禍福況萬萬無是理耶  
侯歸樞金溪以某月某甲子從處士以葬以監察御史陳  
君茂烈之狀請銘銘曰老樹悴枝有落舊門天至柔貞共  
處艱屯中違所天載什而起氣奪雄夫誰與婦文母婦之  
淑維梁維陶計厥易難陸百斯勞滯途僅言榆境固待手  
樹手收窀穸斯快

見素集卷之十五

誌

十三

薛

見素集卷之十五



見素集卷之十六

後學黃佐校正  
孫男及祖重梓

墓誌銘

明將仕郎南京武學教授黃抑齋墓誌銘

抑齋黃君骨清神竒肌理玉色瞳漆若祖山藩叅議常公  
慰意是孫抱而撫之命名開顏屬其父麟母吳氏與所生  
母曹氏謹視之公年八十六垂絕矜矜尤在是孫九齡君  
稱孤又數歲頽然長家塾席不一煖卽入臥內否亦二母  
呼而入之矣日約以時而計僅二在外勸之勤唯唯叩之

見素集卷之十六

誌

乙

慧

書善講解所攻課善辦私恠之亦私深惜之意必將漫漶  
孤質美無成者不知其晦而靜爲養之深也後十餘年戊  
申予過家君儒中衣來謁已籍籍時名已酉省闈已巍然  
上第丙辰始授蜀之合州學正凡蜀之士夫與仕蜀而至  
者皆惟君爲賢部使者以學行異等堪風憲聞且用之屬  
南京武學缺教授遂以屬君凡京之士夫與仕其地者又  
惟君爲賢成國公朱公大司馬韓公且疏用之弘治乙丑  
五月君疽發背弗治寔生天順戊寅三月字公悅唐桂州  
刺史岸公之後由涵江來居桃源世稱長厚君曾祖贈工  
部員外郎震公始徙義井叅議公生桃源老義井君生義

并今烏山之下居焉溫永有局量出言有章不少厲詞色  
加人人訾睨善受之事二母以婉順聞念身早孤父事諸  
父盡已業爲了官責而別備隙宇以棲其妻子無戚戚容  
叅議公墓草三十餘春秋君始買石丐彭惠安公銘其墓  
而父母銘述均致名家未解褐時也嘗落第羣輩羞君  
與陳侍御時周獨坦遊長安以觀榜出居官口不言利教  
法先本後文誠動而詳處之所至材成勳貴子亦束無肆  
同僚慰懌安處于其下郡大夫敬信劉憲副時讓初署合  
州服有養郡乘屬筆竟傳爲信性樂竒花竹官寓時致自  
娛所翁翁顧澹無取吾聞君子不自大其事自卑而人敬

見素集卷之十六

誌

二

尊之君其母然乎昇之壽文教可知也隆受寄付通方而  
成務又可知也研景斲思搜要而纂玄叅諸家而儀來雋  
又可知也今皆重違焉一子未孫蓄而遲且昌以大冥冥  
者可信也丁卯某月某日窆君子墓虛三樂丘配林氏子  
河清婦陳氏將合且祔焉銘曰鳳皇左壁亭峽東四神八  
國萃隱隆曾祖考叔世在中戊乾吉土新幽宮匯塘夾澗  
靈竒鍾鬼福孕祉荀八龍

明奉政大夫浙江按察司僉事柯山柯公塞軒墓

誌銘

塞軒諱燉字在亨柯氏上世晉江人石晉時大理評事竇

始入于莆居武盛六世念又居金橋七世舉又居柯山舉  
由咸淳乙亥貢士爲管勾官是時族屬衣纓甚富入胡元  
無仕者 國朝景泰辛未贈禮部侍郎公竹巖崛起大魁  
成化丙戌公再起進士時年二十五以氣自豪羣輩錄錄  
無足當其意竹巖弟之鈞冶篋扇無遺餘力不踰年公詩  
大進竒警處頗類竹巖旣爲大理評事爲寺副刑名練歷  
爲卿貳所賞奉 旨按邢侍郎等獄兩廣慮囚靖江府

勸事奏當無不稱

上旨遂擢河南按察僉事未上丁先

評事文甫公憂起廣東又丁繼母陳孺人憂又起淞江綜  
煩劇事任有餘力提督銀冶易汙公無汙易誨盜公至

見素集卷之十六

誌

三

倫

亦無盜兼攝學政所甄錄士多時名有大魁者才高任已  
不善爲韜晦以招尤忌飄然南歸賦詩所謂浮雲飛盡見  
青山者志也亭名拱北示不忘君也公雖久于官田廬僅  
取自足於時旣不合乃一寄於酒樹幄草茵盤礴野飲大  
醉則把筆賦詩睨青天盼望海雲豪吟大叫若不可爲繩  
束而居常訓儉整暇條理聯踈戚賙孤嫠延引後進迨老  
無少衰先世遺文若舉公夢語欽公採薇集皆錄梓以行  
已亥修都廳辛丑續家譜弘治甲子又構祠堂落成飲懽  
疾作弗治臈月念三日也生正統辛酉三月六日曾祖伯  
益祖守衍父卽評事公母林氏繼卽陳氏配李氏繼康氏

贈封皆孺人子代娶李繼娶林女三孫女二丁卯贈月手  
申葬公海印山評事公之左百步公窆中李耐左之左廖  
虛左代虛右林虛右之右先事代以狀巧銘記大理時予  
備員刑部晨夕聯馬公以詩自負一日戲予曰母欲爭我  
頭地吾狀元本也撫掌大笑方語合則有河南命矣公用  
雖不究于時而溪山雲鳥自足寄遐踪而紆情素香山之  
社俊亦足侍几杖而偕之遊今不可作矣吾聞貧高世之  
志者顛頓一遇詩工者能窮人公其坐是與所著有寒軒  
集若干卷錄囚奏臺若干卷太平會一卷一椿更號云銘  
曰物以明累亦以晦完退步樂法名爭必先飛不盡翰趨  
見素集卷之十六

誌

四

端

不盡趾徑荒途迷林慚澗恥有琴有書亦有杯竿白石事  
樞間雲性冶拱樹齊化孰暎孰涼孰是通塞泉扃夜長

龍坡林母謝孺人墓誌銘

龍坡之林其遷由孝義又由澄渚則邵州之後昭度之派  
凡二十有四傳而至贈都憲公良弼第從弼公死配李氏  
忍貧育孤以立擇孺人婦焉是爲尚實君孺人龍井謝氏  
安陸學正遜之女嫁具旣已廉薄而林兀兀僅老屋無宿  
黍之糧孺人身專振落之任夜紡晝織車梭無絕音以林  
素儒家子有年竒穎可就也節縮學資遣之訓督而哀旣  
稱未亡人姑老病子女連次以長陳氏婦入門二女嬪于

王世節黃大經之家畢力挽拽幾若不可濟則有年登省錄就乙科領有蕭山教事婦姑相慶偕就養官所每具一文衣水陸芳鮮之食孺人曰汝祖汝父寧識此耶則汪汪淚下有年亦淚下以不忘貧賤之教也安分職爲常孺人再就養東莞子母相對弄大造大閑二孫甚樂旣之有年請從東所張先生游許之脫凡領要趣尚日加尤爲莞父老諸生推重及代猶言之當道請留孺人執不可抵家閱月病革正德丁卯七月九日也十二月塋龜紋山啓尚實君右藏祔焉生正統乙丑二月二十二日享年六十有三有年旣得日來言曰有年以族諸孫荷知愛吾叔銘無妄

見素集卷之十六

誌

五

端

可恃以傳杖而敢請嗚呼孟陶程呂所以成其子之名者母之功母之境有孺人之難者乎固不得不深念也孝子錫類從弼之不幸昭度同也李無翁之烈有年之立與嗣先嗣宗之立無異由今視昔有餘慨焉噫斯林所爲立也銘曰甌罄貫殘左泣右號孰是拮据母氏劬勞穎出鋒銷規循矩蹈孰是淬磨惟母之教卻鮒勵清丸膽勵勤孰是母子亦偕於聞嗟嗟孺人無古是似我作銘詩亦告人子

明橫山處士林覓隱墓誌銘

龍泉東走而山以地異中擎一枝而西轉而北南面以臨于壺古荔丹實香風聞數里所謂橫山也吾家處士在焉

處士非隱者也諸生時從吾祖教授授經同門之士連陟  
鈞要次之亦不失師儒官處士竟蹶一遇得一廩亦爲有  
力奪去久之解學籍侍母覓隱所以志也橫山自斷事公  
澗之弟頴通來居居而生處士龐阜秀特其將有鍾先世  
主客祕監剛定茶幹四忠義一門所以基林氏者甚厚司  
農卿父子榮遇宋元之間朱紫賜第奎畫昭回處士早孤  
善奮嗣其後若有當者力足以濟時艱而僅完故業脩上  
世祠墓數事行足以移官理而僅收養母之孝立弱弟妹  
以成智僅解鄉聚之焚而被物之惠僅周族姻其最大僅  
董永豐五官二橋大役而已夫遇險而舟擅其任遇病而

見素集卷之十六

誌

六

藥奏其功遇旱而桔槔受其巧遇寒而纊挾其執大盜勅  
敵而刀弩戈戟始收其利其不遇則無因自見焉處士是  
也旣覓隱其友黃方伯汝器爲輸義易冠服處士笑曰無  
苦繫縛患我強之加則從去則易去治命從處士服以正  
其終嗚呼賢矣諱琛字宏璧行慶五生永樂甲辰十月年  
七十八配徐氏宋狀元鐸之後知縣資用之女先二年生  
後六年以卒媿賢俱壽人稱其難子伯曰景叔曰裕俱早  
世仲氏祐克嗣書香教三子嘉懋嘉惠嘉慰士業鍾靈衍  
盛庶其在此正德戊辰合窆卓靈社之雞山因誌于石使  
納以俟焉銘曰林系晉安載起侍史通議有嚴孫子濟美

主客再世死義四人祕閣宣撫亦時勞臣公篤著存思皇祖考業精行成尤收若左公有宅居介是箕穎雲物悠然我以歌咏有美中饋舉案眉齊榮公之母北郭之妻德星夜沈鄉閭有慟來會萬人太丘之墓有石樹笏雞峯之西雙玉在中名永山齊

明儒林曹母孫氏墓誌銘

吳之儒林封主事公曹理母王氏以產本歿產中時玠方三歲理再歲本未月姻黨吳繼無子求乳本以子父歎諾焉猶日夜哭慎所以母二哀者曾祖菊庄士遜祖裕軒瑾念之曰無如孫也可孫孫女而曹甥問順之性習之孫且

見素集卷之十六

誌

七倫

成之曹也孫繼王而母果慈二哀迨舉玠而慈無異年二十八喪所天畢心和敬用慰澆其舅姑以紓其喪子於鬱之懷衣食其三子必均序必先玠次理而後及玠或疑其矯曰分固當是且玠理無母子吾子不得與偕玠中殤哭之慟玠且長巨姓錢公器請贅爲家婿舅姑有難色孫曰本且人後妾子無足獨留且錢曹偕里閭玠雖贅如不出其家若旣受錢產理受全產于曹立易易大人許焉從之主事旣婦李安人孫昕夕矜矜尤在是婦而摩弄其鏤鏤二孫錢氏婦在錢愛若後焉治舅姑喪葬事祭先祠督教孫子臨蒞其婢僕下人皆有恒法貞芳之節比老弗渝有

司欲舉以旌孫不可曰蘭立諸孫無一光大門戶直須吾婦人耶主事爲請止旣之僕果第進士爲翰林庶吉士刑部主事員外郎主事安人皆被有恩封人服其識弘

治癸丑八月謝去己巳正月葬東騰從夫封也生永樂癸卯十月壽七十僕旣郡丞吾甫奉主事命丐銘于俊嗚呼愛惡發諸情而根諸心者也吾子則慈前人子則不慈情以心異耳完財故業前者在吾者不可以獨據而有也夫私生忌忌生妬而易慈仇視而陷者百心焉孝已之事是矣故曾子不復娶顏氏述繼妻之慘以爲門戶之禍夫無憎則幸矣况望其同仁耶望其贅其子而付前人子全業見素集卷之十六

誌

八  
論

如是耶是尤難者是可以風世矣孫先世叔翁在宋爲迪功郎族望澤溪而大觀者婿曹子真氏生良王孫良玉女諱端貞云孫女嫁黃堂曾孫曰某曰某曾孫女某銘曰兒寒異衣兒飢異食兒操履霜母心匪石古翟耀聞曹乃孫氏夙違所天之死靡二均氣同父孰後孰先孰忍厥生以惠于前維烈維賢孫允女士系實掩幽木蘭逸史

明平海衛左所副千戶鄭西莊墓誌銘

西莊諱端字秉直漢中南鄭鄭氏祖茂以武功授寬河衛副千戶父春襲副千戶調平海之左所從征沙尤寇以歿君例歸寬河孤且稚也聽平海而家旣襲官追訟廢學從



蔡行人元美授史質經義于士夫父之熟七書辯識四聲  
音字旁通天文地理醫卜星相諸術按本草識藥物性味  
投單方疾往往愈日亭午坐予草堂風拔木發屋甚怒君  
曰風以中止果止念恒信病亟君燭曰鼻準黃色不死史  
崇明駁之君曰公旬日死或以爲戲君曰不戲果旬日死  
林元佐過予值君辭去君曰母林主事耶不二年無嗣死  
顧文儀繼至君曰公家頓落落且死事後良驗所品藻林  
都憲秉仁林僉憲長深黃翰編子敬數十人俱應性警慧  
揣發幽秘明炳幾先畫事纂言時出新意惟不屑其類人  
文士屬心而同輩妬嫉如仇兵仗例出堂委選能薦君中

見素集卷之十六

誌

九

李春

之也君挈家來莆寓官局朝督夕課盡色物綜理器精名  
立公暇走縉紳商較文事趣詣有加劉東山異之曰鄭某  
居三邊取叅副如拾楮旣辭繁委一刊落官累魚扈瓜田  
陶然野意縱浪于西莊水月之間買地石獅山以葬祖父  
父母旣末疾趺坐矮屋窮日晝蠹簾內無人聲旣落莫仰  
屋嘆曰交遊相念惟見素一人嗚呼君其知我矣君武而  
文仕而亟爲隱寓脩飾于縱俠解弛者流以自立夫例觀  
之異蓋其用宜有足觀斯特傑所扼腕也壽壬戌歷弘治  
辛酉一甲子君固謂然旣果然母韓氏配張氏王氏子士  
烈娶廖士勳娶魏齊聲衛岸士烈例襲官疏于朝以假

其弟今士熙襲焉亦君志也娶尹女嫁衛鎮撫胡玘恩生  
林有恒千戶段銘戶部主事宋卿其一未行孫男弘基女  
二正德戊辰十二月 奉窆祖塋中左之窆先事士烈  
狀事行山銘銘曰居而同奚擇而異術而精奚授奚試有  
拂于伸則匪屬人有衍若後奚必若身惟歿以未存考觀  
斯文

明瓢湖居士鄭朴軒墓誌銘

朴軒諱世興字孟隆行元一鄭姓陳隋時南湖三先生開  
先甫學功爲大宋溪東湘鄉溪西夾滌二先生繼之爲甫  
文字著述之祖蒞後也溪西由唐殿中丞上騎都尉方遷  
見素集卷之十六

誌

十一李春

公析居迨夾滌裔孫慶始居瓢湖六傳而至元偉生球領  
求樂丁酉鄉薦官臨海教諭以卒球生勤娶方氏正統辛  
酉生朴軒弘茂間遠父母奇愛之爲擇佳婦久之得劉氏  
實少八歲而夙性老成遇事了了百勞有餘任家帖安之  
朴軒年二十三死劉年方二十六子湏四歲女六歲二夫  
弟仲資季英俱稚兩世四孤劉獨身門戶嚙牙結頂粗衣  
大笠冒風雨櫻觸虎豹出深林以循溪陂指授田作無虛  
日征税之輸吏無能隱爲羸孤少長遣就外傳山迴水斷  
草履六十里入城非歲序不容一歸旣授室量能付業仲  
資湏補弟子員季英補從事德門爽佑不數歲連天湏之

婦方方二十九歲孫聞喜方三歲聞詩方數月一門伯叔  
非寡少婦則孤弱之子女劉能礪以守以再樹諸孤難矣  
哉已未歲儉無賴羣集將傾其倉庾以去劉溫言飲食之  
期旦日授粟夜遣佃夫召近鄉凌晨畢至徐諭之曰遠來  
良苦粟視城估損十之二驗直責酬衆袖手去乃約以螺  
爲驗一螺鳴則諸鄉螺俱應負鎗弩疾出後有罰是歲竟  
無盜或謂有洗夫人之烈智且勇矣嗚呼孰謂亦五十三  
卒耶官政弗肅旌典行而家爲落天下之遺節多矣劉是  
也予與渾連襟故知劉特詳渾字孔鎮溫求得子道其卒  
弘治丙辰年二十七正德丁卯聞喜年十四始受成于方  
見素集卷之十六

誌

十一 李春

坎株林之原午向又明年始克葬三喪女嫁瑗山蕭琚銘  
曰孰謂質脆望零秋先有拔其株松柏弗年孰謂質堅以  
鼓以鑄百鍊之鋼誠臣貞女維橋及梓載生弗辰閱世俱  
促以隕斯身劉如烈夫以勇以健任寄疊稠古今罕見有  
危如縷有冷如灰悠悠昊天特百茲懷節芳而完以勵以  
淑秘發玄堂貞霜皦日

明尚書鄭東園元配淑人黃氏墓誌銘

仙之南溪黃顯姓黃之畊叅幕蕞州水陸道萬里觸突蛟  
龍尾獅象豺虎而交其跡毒風瘴霧健兒不可往淑人穉  
弱女請侍以借慧與年進母某曰異哉州幕曰然無諾凡

婿尚書東園公起屏山軒特秀穎書過目意以會文字瀾  
立星回晶采朔發先侍郎松庵翁曰鄭故聞人兒其復出  
矣先淑人吳曰然無諾凡婦鄭簡斥數婦黃亦睥睨數婿  
久之方通名松庵曰宜卜曰吉州幕曰宜卜曰吉淑人歸  
于我公柔儀有肅無擅遂無獨成驗然後言叅知焉然後  
動移所事州幕者事松庵母事吳昆弟其妯娌有裕朝日  
祭日賓嘉之日視星數起公曰早淑人曰早早有優辦縮  
伸歛散紆劇而勞以理周急應泛無滌漉以居於嬴公榮  
名極位出入中外餘四十年淑人偕官所者十僅一承以  
副室九焉封孺人恭人又封淑人名夫人韋布相安若罔

見素集卷之十六

誌

十二

李春

知物采爲異子罔知有嫡庶恩施義束內外多成名公翰  
林在告聯屬踈戚節約幼賤千指食無間言隱然義門規  
則流聲遠近皆服深輯睦而以相理善淑人公致南京戶  
部事歸屏山階有榮祿淑人竝收榆境公戲曰夫人由身  
貴要亦由身冷熱以異卽死先老夫果先正德戊辰公卒  
淑人前丁卯也上距宣德甲寅歷七十四甲子朝夕奠同  
几筵賜藏同穴同舉輦以窆與享錫命之祭齋送之盛填  
滿城之西仙人及與爲榮子主一國子生娶嚴主敬進士  
觀大理寺政娶傅又娶林季主忠湯出由蔭待選猶治進  
士業娶吳女適周禮李銓陳華皆宦家季李出議吾子週

華第進士與禮主一但卒二女一婦與主一舉子之黃以  
飯聞竝著周被有旌命孫卽登瀛邑庠生娶陳其一未晬  
孫女適張某楊某其一議林某癸酉之冬之仲堊得日主  
敬以御史李君彙之狀請銘嗚呼妃匹風化之始樛木美  
逮下之仁以基螽斯麟趾之盛而鵲巢女子蘋藻之夫人  
專靜嚴敬歆感之化刑于有賴焉銘以訓世固宜銘曰坤  
主於受順承天施不牝于晨職婦是宜懿懿淑人惠和敬  
止素絲羔羊翊贊君子柔順安貞寡笑與顰祇將內事無  
巧鑿直薰和航祥式昌厥似少君之妻申國之母

族兄淳翁墓碣

見素集卷之十六

誌

十三

倫

烏山淳翁兄玄堂成銘其碣曰世顯懿叅中司食故次惠  
永遺珠之原夜雙玉預兩季光有沃桂樹離離芝綉綉

後學黃佐校正

孫男及祖重梓

墓誌銘

明進中順大夫致左長史事抱獨郭先生墓誌銘

嗚呼汲汲於名者猶汲汲於利也離形去智君子與其晦而病其矯道有真也而居之有易俊得吾抱獨郭先生焉先生襟度夷坦軌物柄世未見其不能今也藏至介于休休之容措施大致抑充今以少也郭出汾陽之孫嵩之後徙郭坑徙大蜚又徙郭滄歷叅軍義重承務道卿教授廷

見素集卷之十七

誌

一

深用

焯三以孝被旌命紹興至正之間宣教李孫廷焯弟也徙吳埭歷存良生長史宴又徙玉井生先生徙東關以讓諸弟卜耕濱居焉諱紹字思緒號思軒抱獨別諸俊昭今潛也長史名長者治旗尾之田以食其私公爲鹽筴虧輸之償力時匱先生承以學子之金并脫其內人簪珥以盡室常懸磬長史與楊宜人未嘗掛一念不足之憂旣入官豐養二親厚其壟諸弟婚娶生齒日繁公私費日以大教諭紀分教纓之庠序服物皆出先生匱則任舉責又任其代其友舉責至爲代償積逋餘五百金先生宦橐一洗又盡棄其旗尾之田心力俱困諸弟未嘗掛一事不足之憂久

之知先生力無足庇已也謝不能窮請分猶東走連州授  
學徒入其金分給之官之俸又給之百蠶一葉竟之其子  
不盡支先生歸私語後曰猶貧後曰先生無愧官力又未  
憊奚不藉數歲之俸先生曰吾年已踰六骸骨故鄉有大  
于是者未再歲先生果不支而野飲社會款洽諧笑歌聲  
嗚呼然出金石若忘其貧與其身之既老也嗚呼其可謂  
達矣一官竒貨燃箕而闔墻者聞先生風何如先生經學  
尤精詩文嚴永有思致爲李翰林敬所林郡博元深二門  
高弟林僉憲長深林都憲秉仁一時齊名二公第甲科先  
生獨第乙科竟之官業相頡頏義利嚴立界矜貧而濟曠

見素集卷之十七

誌

二

梁用

隆而舉顧無所於靳在金谿構射亭垣射圃植松栢于學  
之主山在滑拓 文廟正之皆由俸酬直以歆感其令教  
法莊整旁庠數百里方方然來在太學生徒允相結太宰  
林泉山爲司成允取禮信晉世子居攝先生日進格言以  
忠蓋受知莊先王薦進左長史加四品服色又進中順大  
夫父奉政大夫母與配林皆宜人受有誥命故事封冊婚  
嫁祿米有常儀先生既主司柄一意謝絕令行無擇冗要  
嬖臣弄舞竟正以法 世子薨 世孫已先逝 世曾孫  
冲幼有密謀攝府事者先生曰然則處世曾孫何地約束  
浮費諫止供佛翊導四世有鎮定扶正之功焉先生既不

可留宴餞殊數等以示優異平生公府不入有附爲重以  
自濟者先生曰是何與于我吳久歿無子家病疫先生日  
視無苦同年黃以禮病疫先生視藥舟中比死倡賻財爲  
歛爲歸其棺以葬老僕朝祿樸謹病聾先生爲立妾生子  
以副室蔣所養女爲配文賦赤龍壽藏成爲別營附焉嗚  
呼先生於一厚要之終身倫紀故無瑕類俊與吳都憲世  
忠通判弟侃族教諭弟哲甫僉事弟曲皆屬陶成方易箒  
來俊曰凡以屬汝嗚呼其何能副先生耶正德甲戌以上  
去正統庚申閱世者七十有五年噫亦壽矣夫子景雲娶  
趙又娶林景行邑庠生娶王景龍醫學訓科娶吳女嫁蘇  
見素集卷之十七

誌

三

薛京

善卿孫秉元秉虔秉鈞秉哲女五人吳已附于姑景雲奉  
先生與林同穴則乙亥也纓狀事行詳後錄其大如此銘  
曰兩以竒分均氣範形岐而異之奚有弟兄我通其宜連  
荆是似孰是刑于暨厥婦子繫先生道訓薄弗諒厥官諒  
厥族載視厥姻暨友若僕繫先生行斯卓

明進中奉大夫江西按察使耻庵周公墓誌銘

正德甲戌元日之又四日耻庵公病且革命出歛服飾棺  
授遺範既畢日就申端坐而逝乙亥將葬其孤儉以諸孫  
宣之狀請銘公諱軫字公載世爲清江上廡周氏周故裕  
家自香山處士樂施與傳累葉以基有來慶公季父鶴洲



知府諸兄轍主事宜復爲御史郡乘文學者數人族父翠渠布政其子大謨進士鄉聚文物一時周先焉公嗣祖則川不祿父諱越亦不克年祖妣鄭妣王皆樹婦節鄭被有旌典公植立孤筭中自異起鄉薦入國學以學行爲司成特知名遂重六館取會魁第進士爲戶部主事得所想像屹不可攀及被延接直訥鮮文而刑型老格樸根韃性靜範情儉訓俗於古而近之矣庇民經國運若無音而弊隱以去成化乙巳元日京師星隕有聲公上言誅元惡以快人心減內臣以干朝政正朝廷以正百官罷進書以願養聖躬親儒臣以論道經邦重科道以糾劾官邪杜僥倖以

見素集卷之十七

誌

四

罕用

振作士氣量進鮮以差撥船隻同時言者多取忤左官公獨以質厚受容猶留滯滿秩始進郎中時西北逾饑延及荆蜀而南濟之無其策公合羣僚白之長疏借藩府奏乞場蕩聽民取一年間有陳辯公執之堅纂修

憲宗實

錄以文學被選采輯在戶部著以進京師大水南京大風雷詔詢時政闕失時侍郎劉公璣視篆收采羣議公言

天子藏富於民皇亦有庄顧示以小非稱宜與民否亦宜革管庄如例畝限三分責民入租有司解部以進劉公以爲然疏入留中公有山東運使之擢齷鹵易漏與濞公循源塞孔定爲格歲旱奏蠲其半寧海場鹵縮奏損其引

增求利場足之政成譽起賢能之旌屢上進階與誥贈其  
祖若父皆大中大夫山東運使祖妣 皆淑人配陳封淑  
人公方以老成負物望而年已踰六兩致其仕不報會致  
仕加職例行再請始進嘉議大夫江西按察使今 上

嗣位又進中奉大夫在林下者十有七年自持耿特終其  
身構族祠增祭田校定手著濫竽存稿爲若干卷典則莊  
求不隨俗氣格屏山爲周塋所公塋淑人因營壽丘立歸  
全菴遊息焉晚年體益重閉門養靜斷迹城府姻鄰殆莫  
窺其面子歸自蜀公特爲子周旋語窮日未休記西曹以  
言及禍公與林公大猷廖公用中履獨吾門及疏誅元惡

見素集卷之十七

誌

五

易文

與予指相和應平居道義之與澹如也非謂不爲翁翁之  
態勢異有望者耶公壽八十一二子一女七孫三曾孫碑  
詳焉嗚呼化局新淳源愈異吾又幸夫璞之未剖木之未  
灾于耻菴及識焉銘曰磅礴兮蜿蜒青松兮誰宅祔祖考  
兮玄堂繫形骸兮斯索海嶼兮沙村滙一水兮誰門與寬  
兮偕來慢亭兮子孫月陰兮爲期我庄兮伊邇寬經兮來  
遊樹鱗鱗兮石齒齒下上兮四方雨雲兮相從離氛兮釋  
垢化雙鶴兮雲之中

明穀城林母封太安人姚氏墓誌銘

鄉抱貞守特可歛畏者數人其一汝敦汝敦名典子族也

同趣尚以今五十年歷六官在有奇績家落落猶常其固  
君子哉其喪太安人也輟廣西按察僉事來奔前數月過  
家爲壽太安人出其半面觀者謂福壽爲宜筮日奉慎齋  
公贈京判黃贈安人與太安人封命告祠下太安人冠帔  
卽次觀者又謂福壽爲宜旣禮成汝敦戀戀未置太安人  
強以行巡右江方起有風望問亦尋至噫其如何乙亥附  
慎齋以塋慎齋子銘也茲復以請太安人中沁姚氏中沁  
之姚與穀城之林竝名家林世以盛姚坐陳公繼之累謫  
戍克忠死於戍太安人父也太安人逮事慎齋秀水分教  
之行郡丞公穀與柯宜人已老安人請身留侍請太安人

見素集卷之十七

誌

六

易

以從舉典舉冊舉二女慎齋師儒表律太安人柔儀有格  
以無難刑于之化引情體義以意爲準量戚踈賤良酬施  
皆合無替敬亦無替愛盡婦盡母以食子之成生有封致  
有贈族里有耀楊山草樹隱隱然光氣太安人病若無苦  
一日屬冢婦闋歛衣遺珥刺服散而盡人以爲早竟奄奄  
如夢正德甲戌九月十七日也去宣德乙卯壽八十孫應  
祥應祺應文曾孫永通永迪永謨孫女曾孫女七嗚呼方  
慎齋世短孤幼滿前身後事如濼容知有典今日耶飲美  
者宗其原晉長沙公侃恭勤忠順台人林侍郎鶚廉慎好  
禮湛程二母之教不誣抑有感夫成虧之數者矣絡秀屈

節于周生顛李落門以與姚司時坐累其可勝指耶黃敦  
信當歿入外弟方郡伯鯉匿其二女以竝適林氏伯爲中  
丞元甫公母贈淑人叔爲郡丞思承公配封宜人子茂達  
復爲憲副黃亦因以起以子及見太安人三焉命物之成  
固無得例已之也銘曰孰通其源孰塞其支脉而出之玄  
津渾而海枯陸沉温戶斯落作潤德門蘭階有馥安貞終  
慶應地無疆一真斯藏月耿夜長

明亞中大夫廣東左叅政烏門黃君易庵墓誌銘  
易庵諱顥字伯望龍坡烏門黃氏上世見子記其祖教諭  
公諡廣元生祠父封員外郎公綱墓誌君沉毅內植外美

見素集卷之十七

誌

七

易文

無足動人起進士爲戶部主事機神開朗疑難徐折一言  
而定同事目爲老斷留心政理繙閱部牘叅格例以備知  
國計委輸京儲而權舟臨清也部爲之一重戚畹賜第復  
造君䟽止曰臣爲 祖宗惜法爲 朝廷惜財爲某家

惜福

孝廟陰納而中其䟽周公經爲戶部尚書擇賢

自助得今侍郎邵公寶與君掌章奏同心在公奏駁無擇  
柄要部事改觀周用以不安于位君內艱服除復爲其部  
員外郎轉郎中與長異意出爲肇慶知府治以廉平恤孤  
熒抑豪右行平糴爲民當怨繩蕉布官市之擾溝黃桐圩  
橋之水不害稼號黃公溝時廣盜幾徧而肇尤盜區獻計

者欲屠而盡君曰吾王石分之諭諸落無爲盜襲故者羣械之肇人神城隍神令誓無仇方師聽之無枉方當以法繫以待讞三數年間獄死數百人肇得以不煩大師以帖安其雞犬人稱快鎮巡屢最其績以旌袁仕者入衛帥某之賂欲代官養子君持不可會外艱去撫君治盜坐以酷屬所私諭意賂免時賊瑾羅織禍動連身家知舊強君曲處無能爲副仕竟聞君業伸辯自度無能携慳慳然如夢至杭而返就獄甘心焉一日忽出君復其職則知御史劉君祥劾仕受賕數十事首及君寃君白而仕逮繫補武昌未數月擢廣東左叅政連推右轄竟以仕吠滕其聲部不見

獲已更其任至潮病以弗起正德乙亥二月二十九日也年五十三嗚呼士固有弗終者矣方仕媒孽時如墮湯火容玩視耶蓋棺事定數百年短屋歲食僅裕可欺耶君治肇無繼者治武昌無前者治廣無爲竝者斯名士夫私論與下屬萬口而同者也仕固足信哉君介特有識崇尚風教包孝肅陳白沙皆爲立祠陳君茂烈苦行兩許其子以女割田周其族皆所謂難者予許君可任大事今已矣失君者獨人然哉配鄭氏封宜人有婦行僅生二女子應軫與三女出唐應庚出張後君十月不舉丙子臈月甲子附先員外廣化右臂以塋鄭君岳君趣味者狀甚詳予獨悉

往事告失君者銘曰嗚呼易庵羣和獨指吾無容喙爲子之所廣屋一漏厥庇孔多吹毛刮垢亦如子何青蠅加點其然其然合抱寸朽吾無子之寃其日其天

### 少子迂壙誌

正德庚午見素甫年五十九起征藍是歲九月迂生報至驚喜甫三子未孫老子亦良慰也歸見之眉目秀異膚玉色聲音洪亮清遠四歲隨塾兒讀孝經大學一日食菓戲索之意斬甫曰不孝迂應聲曰罪莫大於不孝驚異之試摘一二字叩之凡所經讀與所聞羣兒讀能一一援引無漏客試爲常自是慧性日開容止日老成道見者必問誰

見素集卷之十七

誌

九

端慧

家蘭玉甫諸子獨慰意私恠其母蠢且陋無應是兒甫福已踰分亦無應是兒又惟吾林積德之厚甫雖無合于時亦或孚于天故有是報乙亥冬晝痘作夜惟長噓其母問之曰迂苦姐又曰迂謝姐姐何所歸與奶求阿兄爲子如是種種皆自訣之詞但不明言死耳痘八日不發以天丙子正月五日也嗚呼自謂相償豈知相戲劇耶行猶多未懔征藍之行殺人多累汝耶汝雖短不謂非世吾家起息汝其一占矣不謂徒鍾情也葬汝公媽墓右自撫汝我死附公媽以葬亦撫汝汝母自能爲地汝可無憂惟朝夕無見汝嬉笑吾前自意汝盡讀書無望矣雖自割能已耶

其行情父見素甫忍泪誌

明通議大夫都察院右副都御史林公豫齋神道

碑

吾家都憲豫齋公之巡撫雲南也以未疾請老者三

上難之與驛權就醫于家在牀褥者三年正德戊辰年六

十四以終時逆瑾擅柄大臣卒無敢以聞瑾誅始聞

賜祭賜塋季子有孚輒監察御史來相塋事塋之紫帽山

配陳合焉公成化乙未進士選工科給事中充占城冊封

正使以言罷遣同列蕭顯等言事臣姓名屏間一日付吏

部與外公以母憂先去獨免既之代正使者死海上副使

見素集卷之十七

誌

十一

端

論死責成識者有以知造物之曲為公地服闋吏部亦為之所注南京禮科給事中父憂又去服闋弘治時也復禮科給事中陞禮科都給事中論列時出畫可定國本攬朝綱謹好尚節公費黜不職言甚切當而阻汪直王越之謀進士魯番之貢甚力擢山東布政司左叅政畢情民隱而舉其荒政時議稅額石增五升備荒公曰此箕歛遺意利緩而病切在民竟無歛王妃葬大治瑩域公以制自執比付他官民素田遂為塋有于是怨有歸而公之風力愈重撫巡交薦之擢雲南右布政使轉左陝西火篩孔棘區畫兵饑忘為勞而調發飛輓民不為毒撫巡又交薦之擢

都察院右副都御史巡撫四川屬川寇發一麾平之有金幣之 賜番夷殺守路官公獲兼倍而其首僅遺言者劾總兵輕事而謂公緩賊與貴州易撫代者至欲炫已功授意兵備市夷兒斷首抵賊爲功爲言者所彈始明公之不欺 孝宗悟移撫雲南將收而入之而以疾告諱普長

以字元甫行更字秉仁林出九牧而同予邵州公系昭度之世秀眉豐頰美髭鬚軀幹脩偉山立而王潤在班行無過者立心務厚而居以渾晦謀預事先聲與惠流所薦引所白僚友之誣無知者在平原建董仲舒書院在蜀祀趙清獻公與文翁李冰張忠定並祠尹恭簡王端毅稱遠器

見素集卷之十七

誌

十一

倫

韓司徒文力汲引時吾閩諸老皆在南而年頗近迫予任直取忤位遇詰極私以屬公鄭司徒紀曰容色大麗嗚呼謂非相非與公晚益完粹予起征蜀公遺德在人雲貴之聲往往能道者居家儀則來進所歆發弟哲甫教諭子有恒都察院都事有章尚義階有孚與從子有年並爲御史有年疏止取佛謫丞有祿郡同知孫大呂大選郡庠生與大道大嚴大旦蘭立筭出孝義載振鄉賢列祀父良弼初封工科給事中妣黃配陳封孺人再贈父並祖宏泰皆通議大夫都察院右副都御史祖妣李與妣與配皆淑人繼配孔封淑人記京師公與黃公文器林公長深黃公汝亨



及予道義相許與最後獨予二人年壽相匹公又歿耶銘  
曰十德九刺邵州奕奕開先忠儒孝弟永錫有煌厥似而  
美斯觀如嶽之重如王之寒昔在諫垣諤諤暨于宣于  
旬于是倚毗乃都中臺乃殿西服士有詩書農有絲穀三  
藩嘉靖 帝念勞臣程脩步跼委運還真臚臚仙原爰  
有邨章爲龍爲光日星發祥

明京闈進士雲霄吳子玉墓誌銘

雲霄吳子王之卒子尚幼及是始舉葬事吾莆黃郎中伯  
固爲具事狀陳御史時周爲之請銘子王父侍郎公道本  
齒予兄行而仕頗同時公舉子玉頗晚有奇兆名之夢麒

見素集卷之十七

誌

十三

倫

子玉頗幼慧五歲誦書八歲工對偶九歲作思鄉題壁二  
詩十歲授以時文而自及古文錄賈誼治安策讀之熟公  
異之一任縱觀經史百子擇之師師爲之屈旣之師吾友  
戴主事伯綱伯綱曰奇才奇才最後又師吾師少師西涯  
翁翁之子徵伯名才名子玉直欲頡頑無畏而友其高弟  
子何少卿子元趙編脩爾錫許給事啓衷在太學又友謝  
僉事邦用與吾時周高視倫輩決擇名流于千古之上厭  
松雪軟媚并其人少之而病遺山膚近太白意若麗靡詩  
之學遂歸唐音祖少陵叅以邵庵文主東坡又主老泉其  
學凡三變變輒檢其稿曰梨栗閒稿曰棄餘錄曰南還雜

稿焚之殆盡斷自戊申以後爲杜庵弘治集七卷與端一齋總錄五行前用稿以留子王好收錄遺書朱墨點校敝窮日力意若直任文事無疑而性尚孝謹治公之喪準禮而哀至賜葬成遂廬其側調事母林淑人所生母林俱得懽心廣義莊立義塚建義塾先急匿瑕因力以施厚利鄉井席其庇盜亦間爲之感竟賫志以逝正德辛未歲也年僅三十九嗚呼快劍吹毛僅收京闈之一利自况賈誼殆未然者昔元賓猶舉進士得太子校書子王無遇殆過之僅與子安昇之之敏才短札爲類夫香楠文梓皆棟材也而或天斤斧踏勁風得收夫材者殊幸獨子王然哉斯

見素集卷之十七

誌

十三  
春

愛才之益悲也伯固之狀可傳予不復論次而特哀其死以洩予悲子王曾祖某祖某皆贈戶部侍郎四子承忠承孝承文承武承忠今爲國子生墓在某山某向其墓丙子十月銘曰孰挈而精爲日爲星孰扶而英爲風與霆忽御鯨以孤往繫驟虬而上征槐南昔夢芙蓉故城予懷兮激烈昭遺兮堅貞

明中議大夫贊治尹致廬州知府事孟公墓誌銘

國家武截文治蕃育休息垂百年理極亂始於是乎有土水之難孟主事叩首受刃矢貫其臂墮叢屍中瀕數死不死公起正統己未進士歷戶禮主事有風力名戊辰鄧

茂七寇沙尤蹂閩之下上屠戮如割草菅我師失利勢益張公陳攻守至計集三省之兵屯新城屯潮陽屯江山大兵出鉛山蹴延平諸路並應筇魚豕兔誰則逃之朝叅用其議命將出師已巳六月神機之兵扼順昌俘茂七以獻沙寇平上杭銀冶疲人屢盜歲輸率不當歲費公言當塞竟塞易儲之議章郎中綸鍾御史同爭尤力同杖死綸死復蘇幽之獄公繼有言自分茅焦之滿人數而禍偶無竒隱悟固然耶抑蒞藜徒憐無足忠義伏也 英皇帝南

內三年群臣無得一朝謁公因旱極言忤 旨知萊州

又知廬州治本古意滯宣化流而郡幾無事因得授所學

見素集卷之十七

誌

十四 春

學子民則有守學者得其師而竟守急流之退歛竒羸子姓晟昂嵩鎮鎮邦傑三世鄉進士七人公述作爲盛山房類稿其什一存者字廷振號靜齋孟出臨淮徙鉛山元砲奕百戶者曾祖萬戶者伯祖皆失其名諱再世沒于陣祖德浙東金牌元帥歸附我 太祖立戰功旣守閩城

之太平坊家焉父文叔封戶部主事母葉封安人配張亦封安人陳其繼公生永樂壬辰正月十有八日卒成化丁亥九月二日子暉梟邑庠生俱卒次曩季卽嵩公卒後始生陳抱節撫教今同知臨江香岩五十年旣拱之木勒有新銘顧嵩也女適沈縉孫希韶希文希介俱庠生與鍵鈇

而五曾孫淮瀛與邦傑洛潛演而六玄孫

高屬鄭少

谷善夫請銘少谷故予畏臨江子第南雄壽州舊義宜銘  
惜歲久亡闕猶幸其大者未泯遺直遺愛人口猶熟也善  
完者不責取造物之忌天之定殆有以必之於先者矣蔽  
牛無所用薰天之焰轉瞬灰寒公則異於是銘曰宅之固  
夜之長雲軍風馬蒐所鄉往以復伸之始王精發祥 動  
松梓

明中奉大夫浙江布政使司右布政使三渠陳公  
墓誌銘

陳公子居諱仁三渠因其有自號也錦墩揖壺山爲勝猶

見素集卷之十七

誌

十五 春

歷孟庸允德贈郎中舜衡甫以鍾發于公一時群從第進  
士成化戊戌庶吉士邦瑞公始之丁未公繼之己未今憲  
副邦器公又繼之初公在諸生與陳大叅寒月稱二陳寒  
月得之敏公矯情爲勤資深而輔之博爲任提學獨賞臬  
發解首寒月名第二爲進士爲戶部主事採輯實錄東廣  
督軍餉淮南兩以郎中吳宜人憂讀禮廬次引渠鑿池與  
鄉族同其利示巽定以爲習先再爲主事爲員外郎郎中  
畢力問學作古文詞自副而國計明習不腐不漏不喑嘿  
自容隨俗養交取巧化大僚大章奏多出其手闕里災公  
疏重脩省闕異端抑奔競禁奢侈振士風收人心端教化

正風俗禮部災䟽早朝勤政審決章奏訓養東宮進君子  
退小人節齋醮嚴備邊又䟽雪冤獄紓忠憤罷江南織造  
復御史彭程官給事中林廷玉補外勿遣又䟽致仕布政  
使林同蔣雲漢方守知府潘琴宜優異妖僧領占竹寅緣  
內降宜勿取陝西守臣進古璽又䟽其僞且謂果秦璽亦  
亡國廢物宜毀勿留皆關切時諱朝紳爲動容 孝廟多  
所嘉納今 上初司徒韓公文倡伏闕請誅夔闈鼓怒

逆瑾中之力文致公公誤落三官并落韓以去公同知鈞  
州再知汝州轉南京兵部員外郎掌其武學方是時政如  
東濕諸司易守爲全身遠害之計公委而任之以無失故

見素集卷之十七

誌

十六卷

常瑾誅起浙江提學按察副使權量精審公案手自披閱  
不付吏積勞成損轉爲其藩叅政疾已作尋起尋復旣之  
哭內氏李宜人又復䟽乞休致吏部錄賢勞擬進其藩右  
布政使致仕 命下公卒已彌月正德甲戌三月十七

日也上去甲戌壽六十一李先二年生亦先一年以卒十  
月二十二日也公謹質沉末事郎中吳宜人甚孝於物無  
競而分義時嚴不欲涉事累以分所學齊家衆督耕傭節  
縮諸費以倍取殷裕皆厲之李成子懋鄉進士嫁其翁憲  
卿方員二女抱育大夏大序大節三孫與四孫女李與爲  
力予重愛士每臨文歆異與聞論列之大致心與之牙頰

吹鼓忘其跡之疏員曹監還省父方伯公于蜀取道于浙也且書屬意偕謝良勤公炳炳然世書縈念景仁不起君實終于位仕處殆有然者懋治瀨溪瑩成以丁丑某月某日奉二樞以葬以鄭君山齋狀請銘讀之終篇又得三渠稿天津志閱之盡同聲落落有餘嘅焉銘曰昔在 孝皇子闢四聰公起版曹兄茲素忠竒請匪極卮漏胡繼弗善爲同時乃邦計有學有仕有騰厥聲睠時來賢抑邦之楨黨禁于嚴決茲首領弗震弗搖徐觀厥定靈淑百祀繫公其完遽挈而還瘞玉雙阡碧峰峩峩鳴和並舉言集于梧庸告孫子

見素集卷之二十七

誌

十七

端慧

明奉政大夫南京戶部郎中致仕自庵王公墓誌  
銘

成化戊戌進士三百五十人甫十人故事責占年狀王公自庵直署曰年四十或諭自隱則笑曰自此至致仕三十年足矣尚忍欺同時循資躡次取美官公一尹五年始召召則以父喪歸服除念母老留終其養服又除年六十矣猶強爲親贈命起南京刑部主事三載贈父廷燦公如其官階承德郎母陳安人尋進南京戶部員外郎郎中同時在仕籍者無幾南都僅劉公忠江公灝韓公重李公善胡公富皆長僚皆賢公無能爲地正德戊辰年七十致其政

甫同時壯者物化少者老以謝公倒蔗榆景以保有完名  
掃軌養重于松深竹野之間間苴履觀稼莫知爲官人亦  
不欲取村叟異也始從兄夫林司訓授經百遍僅僅成誦  
誦則無忘而意義了了文字亦典則李翰編敬所許其成  
果成遂安始上三日囚穴獄出公曰是不相諒過在予民  
則無罪囚蒲伏自歸治本愛恕徵輸有常期訟曲直積誠  
開譬如恐或傷尹上宰稱爲慈良刑戶之推讞出納淮之  
權舟如是而謹加至焉平生同色而言擇足而後動心近  
厚迹近晦取名近庶家素饒卧不重褥食不二羹戴雞鳴  
盥洗正巾衣端坐可謂敦篤君子矣諱瑄字朝器以字行

更字大器王出瑯琊之後自長慶入閩居南安徙九峯又  
徙鳧山家焉端平乙未特科第一人公八世祖也諱聲叔  
曾祖諱伯履祖諱原遠與主事公世有潛德公生正統己  
未九月乙亥卒正德甲戌十一月己未年七十六配陳贈  
安人繼陳封安人女六子特晚踰五副室曾始舉鈍林舉  
鏹舉錘猶及見觀覲覲三孫與二孫女遲而收殆然也前  
旬日過予約相壽丘業往而計至驚愕悲楚生其足恃耶  
赴弔而卜赤泥之原位申而寅面尤於居近爲宜公窆中  
陳窆左繼與副以位爲預其墓丁丑某月某日林世正林  
有章陳桂吳文博林應期林清其婿銘曰外槁內腴矩步

繩趨偕而長驅山澤之曠負天絕雲棲棘筓慕長風上征  
已乃末路何老謂郎躩哉是翁有晚于材匠石是逢退讓  
菟菟神理所右惟拙之收亦遲之有

明尚義宮梅峰曾君墓誌銘

古者宣氣阜物以爲天下利四其業通之于是乎智運猷  
材効事以其業名若今曾君朴軒又殆出于是之外少孤  
家落年十六走閩走粵走二京及遼時逐無巧貨舉息輒  
倍不數歲家族並因以起事育婚嫁有餘給先祠禮有餘  
舉歲之祀有餘承義塾型冶才子弟爲多因能以授之事  
聯綴州縣仕籍外之施賴舉火數十家預祕器副人急殆

見素集卷之一七

誌

十九

倫

數百人公修擇委僕僕無倦厭出已以盈官縮與公租之  
代納始二百金免息省息貸無酬始千金其最盛五百金  
市田兩岸以優士餼龍江貨入甲者評直乙者繼以至翔  
五百金攙之竟與甲饒之買王鏐劉騰邂逅質三百金不  
留券待選魚墨僞券請質竟爲之隱亦竟感其酬然猶無  
足副泛以間取訾短其不齊情也夫羸熾之所積猗頓鹽  
鹽丙氏鑄冶烏氏之蓄牧君孰多循例散官與販脂酒削  
領縣而鼎食良異然能散率無逮君紆憲駕表宅里登之  
郡乘其取重固宜君諱德字崇賢系朱宣靖公之後由晉  
永安仙遊徙莆而族曾祖德本祖麟父回妣黃配康康子



良寶尚義官娶陳女鄭大廷其婿劉生良中郡庠生蚤卒  
娶陳良弼亦郡庠生娶林琚治士業聘陳皆宦家其季璜  
始生屬撫視于陳又屬教成于兄旣二日正德丙子八月  
七日君卒赴吊悲楚蓋至是定矣墓在常泰里仙螺溪之  
雞籠山位辛揖乙四竈君中左康自垂岩遷而合左右爲  
劉許壽藏丁丑月日以葬以康郡倅恭之狀請銘傳  
宋清者謂清望報遠不害爲富究其施無逮君遠甚爲報  
殆未必然噫可觀世矣銘曰簞斗自縈鍾休漏寂孰當其  
炎舍焉以息儒名市行廢箸執籌不市之道允也其儔公  
有助傭士有餘粟孰脫焉爲承乃桂玉有紆其急而釋其  
懸孰是心存命士則然錫有院章紆有藩轍彰義持書日  
星綽楔仙螺胡有有澗有岡有燁若光扶桑發祥

後學黃佐校正  
孫男及祖重梓

墓誌銘

明資政大夫刑部尚書贈太子少傅謚文肅椒丘

何公神道碑

椒丘公之卒弘治壬戌鵬月俊巡視江西時也遺命屬文

墓道之碑春二月公配吳夫人先卒 敬皇帝賜葬祭

公例得賜祭合葬之典俊疏公完德遠學宜贈謚并乞謚

文猶有阻者嗣是吳給諫世忠申論今正德丙子廣昌令

見素集卷之十八

誌

乙

薛京

張灤又再論

上曰何喬新學行俱優始終全德贈太

子少傅蔭子孫一人入監既又謚文肅嗚呼論至是定矣

俊得以假靈卒役公者公出宋寶謨閣直學士文定公坦

之裔吏部尚書東園公文淵叔子第進士為南京禮部主

事家艱復起歷刑部主事員外郎郎中福建副按察使轉

使河南轉湖廣右布政使都察院左副都御史巡撫山西

兼督三關以功轉左入為刑部左侍郎南京刑部尚書又

入為刑部尚書御史鄒魯謀躡大理丞公薦魏紳曾公外

氏與鄉人奏訐魯遂誣公與聞當道右之已之訊無驗公

乞致仕魯尋謫外尋又以罪論死為天下快言者累疏起

公不果嗚呼論無待是定矣公字庭秀少穎異年十一二  
通鑑道無遺病陳子愷續編書法卒曹彬包拯不書官呂  
文煥降元不書叛張世傑溺海不書死節紀義軒附不經  
之談書遼金失內夏外夷之辯爲周殿諤中規所竒而沉  
晦周謹時然後出言動必儒賢爲準其學以窮理爲先博  
物洽聞爲輔正心脩身而措之家國天下爲期自公之隙  
目存心寄盡在書有異種輒從假錄藏書至三萬卷忘其  
疲與其身之旣老文章援據經史謹厚而簡則所著宋元  
臆見周禮集註椒丘集所編選文苑群玉續編百將傳勳  
賢琬琰集秘終其身間梓行之天下孤介嚴冷法執是確

見素集卷之十八

誌

二

薛京

不可移積忤袁錦衣伺之無其隙大僚大奏讞大制作皆  
出其手在閩奏減銀礦課額蠲半租以無病在民而宜其  
稔惡土豪尤者交番薛者于獄在河南黜貪橫有強援守  
者一人令者二人趙甲飲陳乙酒肆歸而溺諸河甲之子  
訟乙毆死誣服公讞之曰肆櫛比民居毆必有聞去河遠  
負亦必有以見驗果拾甲沙泥乙得辨開封並郡竟歲飢  
故事賑至秋公令連賑麥實乃已前後安輯南陽賑荆襄  
一再賑山西全活不可勝計南陽招回復業十四萬人附  
籍六萬餘戶北虜犯邊設伏灰溝橋斬獲甚衆又犯邊殺  
邊將畿輔震驚紫荆居庸尤急公往經略練兵立險爲必

搗老營之計小王子聞而遁播州楊友謀宣撫遂謀奪宣  
慰誣有反狀公往訊具得其奸奏誅其黨數人革官銷印  
而遷友保寧其它疏還留守奪民蘆洲革官校私駕帖禁  
京師胡服胡語錄罪囚第徭役行賤糶經猷注措皆翊正  
國是贊畫泰平之大端雖未能盡副人意要所謂異同公  
者殆非公人也 國朝父子尚書何爲盛識者議之范之  
文正忠宣可謂世澤之綿弘治初與王端毅三數公稱大  
老可謂人望之重嘗兩得疾 敬皇帝命醫診視遣中

官賜酒米蔬肴可謂眷遇之深雖祿世二品已卽貧而義  
利界畛截不可犯鎮守分惠市舶遺財輸之庫武都司感

見素集卷之十八

誌

三

薦已有文犀之贖楊宣慰聞謝致飲器秘具皆不納平生  
氣節友彭惠安文學友丘文莊以爲知己而聲色澹然晚  
年喪某某二子僅一弱孫吳夫人強爲立妾舉某舉某邑  
庠生孫某監生嗚呼公之隱無愧矣或疑公若涉隘夫繩  
矩之間寧有餘地公壽七十六墓去其居百武者再銘曰  
天惟純佑光啓 盛明有毓碩人于邦之禎岡鳳誰孽數  
麟誰種靈芝無根醴泉獨涌聯休嗣淑有本有文貞霜夏  
冽粹玉冬溫上宰崇望總茲銓鏡執虛懸平神力內定秋  
卿式似繼總邦刑幽隱照燭囂驪順成國有甫申家乃摯  
陟弗震弗搖並是遺直縉典申錫華褒是宜有訶若神舊

德在茲

明中順大夫南京國子祭酒晉江虛齋蔡先生墓

碑

虛齋棄提學按察副使歸晉江也

上起以爲國子祭

酒居之南京命未至卒正德戊辰十二月二十三日也噫

今亡矣先生予道義厚樂石之文先生之意也諱清字介

夫蔡出惠安東林舊望逮處士惠遷晉江傳貢士祥傳潤

傳封稽勳主事翁允元傳先生孱脆骨立而警悟絕人髮

就總盡屈其師粬糧數百里從三山林憲副玘學易得肯

綮以盡成化丁酉發解首辛丑試禮部爲劉翰編戩獨賞

見素集卷之十八

誌

四卷

索不終試例不收誦其文士夫爲熟又三年取進士以疾

在告起爲祠祭主事改稽勳主事轉驗封署員外郎王安

人喪旣除復主客署員外郎轉爲南京文選郎中旣乞終

養得自盡主事翁者彌月服又除卽家拜江西提學副使

未幾乞致其仕疑重端未操養力專而進取之念故畧初

友甯求貞孫九峯拜何椒丘願爲弟子旣又友儲殖庵楊

月湖好古獨信貞風淵軌使人躁息妄消嘗曰吾始念一

靜字旣又念一虛字自覺安便不費力又曰學宜養正性

持正行聖賢言語熟復深玩則舊去新來日改而月以化

又曰前輩何嘗不教人舉業義理充拓發由中之蘊彙括

以時文之式自然神采動人奚必搜竒索隱取難字爲工  
官閒無見措施而易有精詣學子請益所至履恒滿官所  
恒數百人泉之易實出指授一方文物之盛實始焉先生  
不謂無其時無其命雖未盡儒者之用有教人數世之澤  
祠先生泉人之意也先生天性孝友心盡而力逾勤四世  
之葬未慊改遷以爲魄之慰先晋安驛丞鄭者子先生舅  
之子翰以去舅竟神主無依先生徧求得之蕭山則鄭已  
有子業歸翰翰卒收其骨挈其妻子以還其他總功強近  
塋無歸時其衣食家室凡數人詩文自立氣格而論以理  
勝所著易蒙引三十八卷四書蒙引四十卷河洛私見一

見素集卷之十八

誌

五

端

卷通鑑隨筆一卷虛齋稿若干卷生景泰癸酉六月十有  
八日壽五十六配 氏封安人旣生存畏有心疾屬某以

佐家政生存素存微存遠存儒存畏鄉進士與存素先卒  
存微存遠邑庠生孫 先生寢疾勅諸子治後事門人飲

以粥糜去曰吾欲內潔噫其可謂定矣計至予爲位而哭

先大夫之喪不及遠也其葬以征蜀不及赴也祠雖與在  
經畫視晦翁於正獻巨卿於元伯韓富之於狙狽餘愧矣

交之道何如慕在鍾廬山其向銘曰圖象蘊靈綱提鑰啓

孰躡而前粵有廉陞道術爲裂邪論售神儒名墨行孰與

僞真河洛伊縣川途改塞孰引其流以坊其決人豪夫授

有發其夢水寒藍出有易其東溫陵一時震迅楊厲與風俱還儒往之衛

明國清林樸軒張孺人墓誌銘

林自回年館穀艾軒子姓師事之希聲遠調流響至今雖雖伏林下猶老格踈風轉角回宮和應若與毅翁允鏗然者翁娶柳東先生女弟承之方翁之子廷諭樸軒娶孺人爲處士處常孫女又承之張貞質素性守禮而能貧時破屋穿漏志期必立任織作于方相樸軒以樹藝之事而自主其蠶牧皆化縮就贏倍于地者顧弗能及事育賓祭公私無廢舉人事棄及珥鈿而徐輔以節久之家稍裕屋亦

見素集卷之十八

誌

六

就新謀立妾以時鬻于樸軒意若有待既果舉文俊卒編修也清穎幼慧方易齒伸紙據案踈宕數千言誼傳士大夫爲異孺人請樸軒養之晦專之師擇友以爲麗澤間命饁田畝使知立家之難編脩甫冠發解首取庶吉士授今秩報至孺人曰吾患弛于成志以仕而奪也旣就養見僦屋以居假乘以爲出入朱氏婦荆布無改心爲慰翰林穀膳大官有常供朱進爲養再進曰其留饌賓吾欲兒官貧其爲汝恠官所織作如初朱請專爲勞不可曰吾性所安也編修書史稍倦曰翰林學爲職兒績効在茲門徒候講阻其出曰書生日可愛也方須有封命以暴疾終垂息奉奉

其身積學之誨正德乙亥七月十一日也壽六十七范謹  
父曰孔堅母 氏女適吳德隆適朱國賓者先卒孫男女  
具一男曰宗翰丁丑閏月 舉扶里之新墓山附姑以壆  
以朱氏女從豫屬狀伯固而於予銘墓嗚呼孺人非樸軒  
良友編修良師資者歟素門賢淑之擇儀範足多矧共還  
舊觀以及見清華之盛種樹者世乃成孺人相攸樸軒固  
與所事而回年延致艾軒盛其伊始矣銘曰一以二分流  
形散氣坤職于柔有翊內治懿懿孺人含章有貞恪勤將  
事庭屏無聲委分食貧延休萃祉孰揭而提于落以起緊  
胤璿式于圭于璋於發厥祥星日之光維缺之妻維奎之  
見素集卷之十八

誌

七

祭用

母終來有他有孚盈缶魚軒改夕輻蓋啓晨有復假靈于  
天之申

明旌表孝廉文林郎監察御史梅峰陳先生墓誌

銘

正德乙亥陳先生如賓書林墳成明年丙子得目青哭母  
封太孺人張氏加疾謂山齋曰吉凶未可知吾平生所事  
見素所友執事又甚謂予曰畢竟如何予曰吾而兄也勉  
就藥以觀天意私叩其家無一新衣爲之密備甫畢氣絕  
十二月十有六日也是日天氣慘黑道路流歎吊者皆失  
聲先生無子予立其族子遠揚爲後與松厓山齋治其喪



守馮君以棺來助越明年正月六日遠揚奉張 奉先生  
暨配贈孺人鄭氏以塋墳土未乾德人先逝噫其如何士  
民具純行群請之守帥言之巡按王君應鵬以 聞禮部  
覆可蓋坊賜額表宅里道之鄉賢以祀月給米以卹其家  
始先生以孝廉爲吏部所知奏食學祿養母辭繼以布政  
使陳君珂薦 上特嘉清苦月賜米三石資養又辭

上溫旨諭受及是命三曠典也先生諱茂烈字時周陳  
爲瑞安大川顯姓曾祖伯洪功陞興化衛總旗傳慶四又  
傳贈吉安府推官善祥爲先生父父卒先生甫十四歲家  
貧忍食以飽黃氏祖母讀書時夜分黃憫其羸喻止遂韜

見素集卷之十八

誌

八

梁月

燈默誦究心道學作省克錄自考黃卒易所居資其餘直  
買山碧瀨以塋二喪親負土石墳成間日一視又之三五  
口一視哭盡哀而還胡憲副榮重古行禮爲子師會試道  
遇劫徒附之者幸在抵京如封付之附者請半先生曰某  
者去君者存何半太學試第一進士出使東廣盡却贖金  
修禮陳白沙因領靜一之誨退而與東所私論難吉安持  
大體開至誠通以民彛之懿豪家利寡婦財誣許婚斷從  
守志夫制悍妻嫁有娠之妾旣生子歸承其業族人爭之  
驗與姊氏爲類爭者媿服時張守本以嚴擊強徐輔以寬  
當道尚深峻徐開解爲霽信孚上下官有賢薦而民有去

思郡誌列在名宦考績歸至淮以乏寒且凍幾死所知覆以敝裘爲救爲監察御史袍服樸素借騎一牝馬身若無官而自係風紀之重尚書侶者子受賂崔者以道士起皆根植自固言者屢劾先生再劾侶去而崔猶留先生以母老乞終其養供母外短床敝席不辦一蚊帳身治畦一蒼頭給薪出則執小油蓋妻子服食粗糲一女適彭惠安孫輔嫁具涼薄皆人甚不堪而泰然自足日坐斗室窅極五經四書之旨體驗心身隨得隨錄常曰儒有向上工夫詩文特土苴耳

孝廟上賓與予相對慟哭逆瑾亂政相對憂憤至羅織重罰以恣毒士夫先生曰某僅有死耳予

見素集卷之二十八

誌

九 薛京

起征藍先生杜門養靜悟領深而克養熟隱衷粹行對天地質鬼神鄉國有懼先生知爲愧予嘗評第物品黃憲管寧之右得在孔門可幾閔冉程朱高弟子無讓焉薦者謂廉約如石守道而養獨純孝行如徐仲車而所處尤困殆未足盡者予始識先生諸生韓洪洞問莆人物予曰從吾又問以先生對韓曰以莆再指一書生耶予曰是友自純家居相信尤深每晤言躁慮消熄宿疾爲頓愈先生亦惟予言獨契嗚呼由今其復斯人耶予旣誌其壙又銘其墓其先生私耶張壽八十九先生壽五十八墓五窆封孺人蔣及余壽丘預焉銘曰化樞物治陶靈範精光氣之會公

得其清星爛日章後先輝映迨宋宗儒于斯焉盛公有正  
悟意往神趨靜存動克一直自如搜竊記聞亦敏則有探  
幽索微玄象誰友世局斯下邪論崩湍始風聿還亦允斯  
觀

胡奉直大夫南京翰林院侍讀學士靜觀吳公墓  
碑

文章漢劉楊班馬而下唐二家宋四家其間負豪樹勇與  
之角要皆一時翹楚 國朝文明以止昭回下飾潛溪東  
里嗣照而聯聲迨天順甲申十八庶吉士之選盛矣甫與  
者陳常卿愧齋吳學士靜觀愧齋溫純爾雅公瓌竒佚蕩

見素集卷之十八

誌

十一 薛

限韻命題卽席聯句動輒數百言豪詞警語如壯濤激浪  
飛雪走雷雲觸山而雷迸發同時文正公西涯峯回海立  
公直欲相長雄無畏風稜孤峻不屑取雷俗當其意略分  
忘年間有未愜意氣衰冷言語爲之無味以故躡收巧化  
率無公銜名官幾三十年僅一與實錄金綺之錫由檢討  
而修撰諭德皆九載後遷又三年朝論滯淹以久始侍讀  
學士署而南君子以爲得立官之介公雖文字職業而決  
擇內定宿所知與無間賤貧每長篇短章伸紙立副自他  
時有干購必覈事是非人望實可否不爲執隆赫儀幣豐  
腆易素君子以爲植已之嚴其修實錄也要人子寇者賂

優其父半詞公曰苟爲是負所學負 朝廷他日何以見  
董狐地下君子以爲得持論之公兩領會試同考所得多  
名士會元儲公殖庵其尤者也諱衍字希賢以字行更字  
汝賢吳自沈坡徙鰲峯又徙東井父諱熊有鄉行封檢討  
再封南京侍讀學士母黃有內懿與配朱俱封至宜人公  
事親孝謹而友其弟希亨以厚嘗一乞歸省歲時致俸金  
文綺食品之奇猶惴惴然屬心曲于弟以爲親慰竟之肉  
未寒而家遽落平生無他嗜好書卷不釋手有惠本必閱  
之盡然猶酒未忘情予鄉國特愛思有以忠之公爲予止  
三月竟以知舊復勸勸復飲弘治戊申予赴滇南公載餞

見素集卷之十八

誌

十一

毛有倫

我于龍灣舟次泪油油若弗勝嗚呼謂竟是訣耶已酉五  
月二十八日也壽僅五十三計聞 孝宗念儒學之臣

優以祭旣之二親亦長逝谷清蔡山之瘞子彰符彰武彰  
憲強爲力今惟彰憲乎在二孫正誼正宗二曾孫某某復  
始錫類將有泣中書之石而著紹訓之書者矣嗚呼公文  
章爲莆立幟名家落落擅響者誰與假之年又可知也昔  
人論退之元賓之至謂不在壽夭之間夫元賓之才其誰  
則限之使公而在文正將不怙怙然文宗之席惜公亦爲

莆山川靈氣惜也位遇詣極其將誰計哉序而文之碑銘  
曰莆始自唐文昌發祥日昞星寒有曄其光豹躍龍翔鸞

鵠停峙公起詞垣嫡宗是祀蘭臺芸閣疲神役精奏彼金石群喧寂鳴公時舊學亦古良史侍直 帝旁妬生于美物不尚全才名忌盛並收兼容 天子之聖維世孔縮維名孔修維生以弗酬維後之收

平南碑

國家汛掃胡元還帝王之中國毳被冠裳櫓巢襲我廬宇航浮索引之國羸負以歸職貢維南徭牙互湖江廣之間姓名漏在民版乘間竊發三邊惟其害今 天子方嚴內修舉外攘北平劉趙西平藍曹南平胡徐及王黎獠之在東者平無虛歲猺以爲畧已也寇柳桂仁化上猶

見素集卷之十八

誌

十一

倫

數十縣俱震于是有平南之師授都御史其柄韶陳公金主之贛王公守仁主之衡則鳳山秦公金陳元老壯猷二公則文武爲憲者也時方有偏鎮香爐山之苗之征公擇能授計而自解柳桂之急偕鎮守杜公甫巡按王君度謀同以其兵屬泰將春統之三司魏贇之璋濟由柳進庭爵質由桂陽進宗仁英臨武進翰璧進自桂東責餽餉鳳璘而覈其功實於度公馭中責戰丁丑十一月至于閏月連破其寨峒若柵九十而畸擒其僞大王龔福全斬其僞總兵劉福李斌若首若從與屬而俘者凡三千而餘焚賊屋千區牛馬器械無數二公韶贛之功稱是征苗之師亦以

成告捷聞

上璽書褒獎加公俸錄一子爲世百戶邊

人悅喜願立石紀功德古者治夷宜畧斯近土之夷出入  
爲梗易之師田有禽利執者也而決勝靡遺是謂丈人之  
吉采芑美方叔以見周宣中興之功平南碑不可已繫之  
詩曰粵在禹服甸侯要荒綏處文武華夷之防維時山猺  
入我障塞鴟義矯處作我蝨賊王者無外合是以容來柔  
來馴息其誅凶維昔有苗言格干羽徐方其來亦戒師旅  
維徭罔念卒玩以狂擇肉輔縣翼虎斯張帝念邊人惟茲  
慘毒雨燐熒熒冤鬼夜哭咨爾臺臣其總朕師錫之弓矢  
玉書銀符公時征苗擇可以蒞選將練兵物馬功器有赫

見素集卷之十一

誌

十三  
倫

申令宿戒其鄰如雷如霆三方以征何神天至寇是大寤  
魂飛計窮縮如蛭蝓外示猶闔厥聲弗雄戮其魁酋活其  
眊童會應機投策無遺筭匪臣之能蔡功之斷言釋其俘  
以訓以敕胡不藝樹借我衣食胡不貿販借我經營胡不  
絃誦借我太平維時南荆文物上國胡襲獷頑以赤其族  
維 帝之威亦天之怒遏其亂源章我王度南荒旣平  
八方肅清歷服無疆 天皇 聖明

明襄府左長史食正四品俸進階亞中大夫慎齋

吳公墓誌銘

五侯天龍吳大姓族焉青緋肩望入 國朝鄉進士者八

人進士三人進士慎齋始也諱宏密字慎夫少從提學吳憲副授經悟領殊到重以文體獨典異爲先生獨賞曰子之矢殆無虛發病多自阻僅之閩省一試禮部一試試輒收例得顯選獨乞授教授以便養二親在處庠者五月超擢右長史署之岷藩又署襄藩質木畏謹廉不近名強直而不近矯以竟取知重襄憲王疾亟諒公惓欸受遺二長史輔政意尤于公平屬公事定王如事憲王尤取知重薦左長史食正四品俸定王薨又事簡王如事定王在輔導者三世舊學宿望孚于上以信乎其下左右涉有奇請恐恐然公知府之政內外乎肅道用行物久時化亦有以

見素集卷之十八

誌

十四  
倫

預燭先事之幾者矣解政重不得請托掃松以避居于家猶時悒悒色憂人莫知爲隱簡王薨世王愆違爲其下所發一府皆曰吳公在無此其速公還公還開道以檢身維家臨政大防而遠其佞幸獯狡可厭惡者府用無事時巡撫王公第府僚殿最獨公乎與韓公簿責府獄獨無連及于公弘治丙辰公年六十二請老益堅王惜其去宴賚優常令諸臣不爲格餞江上傳致繕勤官校護抵家反命爲慰觀者歎嘆間有淚下乙丑詔進亞中大夫優游林壑與野老相周旋者餘二十年王屢書存問有金幣之賜

同時進士榆景之收槩無及愧齋靜觀述作之盛幾頡頏

慎齋集在焉曾祖師傳祖德懋父體舒贈奉政大夫修正庶尹右長史母鼓山梁氏贈宜人配亦梁氏封宜人節謹善相公盡于外宜人盡乎內以致隆二親之養之葬之祀田之備先業既盡歸伯氏猶損祿賜以時益其羸舉嫂氏之墓量其餘爲族里之給先世所助海橋石折厚金爲易人於是義公亦於宜人乎重生宣德乙卯歷正德丙子壽八十二梁生後四年前卒弘治戊申壽五十一子三天麟衛庠生娶黃天驥娶梁其季天駿上殤天麟亦前天子族子尚義嘉績其婿孫梅楫楷標彬梯孫女二可塘之山位癸者墓公壬申所營葬宜人祔以天駿者也戊寅臈月

見素集卷之十八

誌

十五

薛京

日天驥業公乎合祔以劉氏副室因嘉績以予族諸兄知府舜卿之狀請銘公之詳具姻里予長湖憲故熟也昔董仲舒兩相驕王所居而治病免以壽自終始亦有同者予未任劉向氏評其任是銘銘曰有塞其涂容軌非故外視若徐隱乃若鶩居謙處下戢采攸宜孰是其盈顧益以卑師席未煖藩相特遷滌亮正色曰時汝賢在鈞惟甄在鎔惟治視候運化別浮於雅羸豕躑躅曰時與幾色斯以舉二疏之微旣多受祉亦介眉壽廣川斯前亦允斯後

明封君桃村鍾鶴侶墓誌銘

正德丁丑季冬四日鍾封君鶴侶卒鶴侶故處士而曰封



君子善經起進士節推恩及御史恩尋及輟以俟故曰封君也鶴侶少治舉子業弗收棄之而委業于弟光澤令華也于子御史君也聯穎茂而蒙養之間多有所成喜爲詩與騷人韻士商摘其隻字半句風格遒勁頗不類山林言旁涉虛中鬼谷之術推人貴壽窮天語良驗寄懷象外自放之丘壑之間曰吾無辱爲榮無繫爲樂松雲吾巢烟水吾性鶴其吾侶矣號鶴侶人曰鶴侶也就養于莆趺坐斗室倦則時壺山而瞻對之一日賦數詩爲贊以見我雲庄濶中長袖翩然野鶴遂與據榕根燒茅柴具脫粟酌以鶴侶之篇序小像贊之因信荒寂有人而御史之賢有嚴君

見素集卷之十八

銘

一六

薛京

焉諱恕字勉仁自金陵入廣五易地而順德桃村族焉克文生德廣德廣生康康生曉爲藥溝丞鶴侶父也母氏鶴侶有至性刑于梁以正位于內健施順承家庭衍衍以無愆于度姻族時式鄉之闕取平焉華善經旣仕籍數數然寓書以無速官謗華宦久屬留祿餘隨杖屨相其祠事其可謂知本矣生天順乙亥三月二十九日壽六十三子卽御史娶黎其仲善綸娶吳善綸先卒邵景星張文明其婿孫曰繼俊繼傑繼賢繼儒已卯 月業啓竈某山以塋位曰某日曰某上之曰吉御史函狀具書哭拜授使者來莆請銘僉臬王君時行書爲速昔有召醫于交交追德其

父速醫以往御史德故在莆銘其父莆之欲也庸僉臬然  
耶顧予亦莆民辱遊父子間尤未已者銘曰洪源易位弱  
水在東有委其逢弗諱以窮自我非我任達胡病古丘纍  
纍孰愚與聖升落淹速容執其幾福謙與順神理斯宜並  
鶩聯翔前征後起揚芬宣靈門祚之始玄岡韞璧長夜冥  
冥有湏褒潛有紀斯銘

見素集卷之十六

銘

十七

薛京



見素集卷之十八

後學黃佐校正

孫男及祖重梓

墓誌銘

明尚義官洋城林公質庵墓誌銘

予兒時林公質庵以察使子入郡庠買屋吾聯桂以居與先都憲相友善若親弟舅配黃孺人與先淑人亦通慇勤若娣姒然蓋同出于林亦同出于黃也公常真予膝間孺人菓食之後數年公解學籍尚義冠帶遂還洋城城府跡甚簡至則先都憲爲供具道享事爲色憂爲謀宜子之妾

見素集卷之十九

銘

乙  
倫

最後陳果生公瀕薛生女嫁李穆者公是時年踰五望六先都憲具書語予喜甚予辭右轄居于家公以公瀕來見禮爲三加賓字之景行娶方大叅璘女連舉文昂文楨二孫人曰公善人天其果定矣弘治癸亥 月公遽有公瀕之哭痛不可忍病數月以終十二月初九日也生宣德己酉四月一日年七十六公瀕僅一十有九方氏婦年方二十有一矢志婦節以鞠育二孤立林氏茹荼集棘剛男子殆弗能堪方視無苦正德己巳啓深瀆之藏塋公及黃及公瀕及公無子之妾王氏癸酉又乞其父大叅狀事行屬其兄太學生員以二孤來乞銘則稍稍長知讀書識禮度

矣員曰妹氏不爲慈廢教督之甚嚴予摩撫哽咽幸且深  
悲之嗚呼公懸注公瀕父目存心寄恃以自解者何限而  
竟失之其如何二呱呱寡弱婦又出統縉之女身後事  
殆不可憑庸知方如是烈耶天終祐善門奇其遭以張其  
節如此公孝子闕下之後銀青光祿大夫枏之子應始遷  
洋城十有六世爲月月生榮以察使初恩贈按察僉事察  
使諱坦母鄭氏贈宜人繼朱氏封宜人兄弟九人公序第  
三蕭母出也諱銅字尚遠長身鶴立口訥不能言體不勝  
衣擇足而後動服御樸素積厚而藏以深非嫵賔旬日不  
出戶限見者不知爲富貴公子尤盡孝敬道處兄弟利不

見素集卷之十九

銘

二論

先窺身獨勞無怨姻黨之貸不責息必酬族之貧衣食教  
導之仁厚恭謹之譽播于族以流于鄉邦以達于其邑若  
郡倚信之授以事數數謝弗堪洋城斗門圮且瀕公居則  
出當其任財節事妥郡守王公弼禮勞之延致鄉飲賓席  
嗚呼公藏才于晦非迂左者醇源伊鑿猶幸若而人在羲  
皇世謂無懷者非歟銘曰粵在大初溟滓未牙二五紛錯  
物彙乃加智鑿巧剋原本非故公壽渾樸不文以素恬養  
韜默而以義肥百動攸寂拙巧同歸一崔業傳來遲去速  
猶綫脉存宗祊斯厲烈烈新婦栢舟死矢畢力二雉不我  
有已勒銘幽貞亦載奇蹟後千斯年永視茲石

明資善大夫太子少保刑部尚書彭惠安公神道  
碑

弘治乙卯資善大夫刑部尚書致仕彭公從吾終于家正  
月十一日也訃聞 孝宗敬皇帝哀悼贈太子少保謚

惠安遣官諭祭而經紀其葬之事葬之新亭丙辰膺月十  
七日也某旣誌其略于壙又序公之文以傳矣及是正德  
癸酉公冢孫郡庠生輔請文于石公諱韶鳳儀其字其先  
自戊公五世居涵口而益積于體正于思孝二公則公祖  
父父也皆贈通議大夫都察院右副都御史祖妣陳妣林  
皆贈淑人公父故儒者代門生陳燮名舉責竟代償五百

見素集卷之十九

銘

三  
毛

金產幾于盡父歿妣負口食之虞公從容開譬授徒以續  
其匱景泰丙子舉鄉薦明年第進士爲刑部主事員外郎  
郎中 憲廟朝疏言張璉不當爲僉都御史宜用王紘

李秉葉盛副人意言周遵不當以貴戚奪民田傷國本宜  
還民再下 詔獄賴言官論救得釋爲四川按察副使

疏言藩府葬祭差中官勞擾行藩司便爲廣東左布政使  
疏起陳獻章爲翰林檢討疏總鎮顧恒取方物監船章眷  
請均徭六十戶充私貢非宜俱見停減最後言梁芳弟干

戶

採禽鳥花木擾民忤

旨調貴州居九月擢爲

都察院右副都御史巡撫應天蘇松等處入爲大理卿坐

論星變過直道改舊職巡撫順天整飭薊州等處軍務值  
天象示變疏言時政及糧運數事 孝廟初臣僚交薦

王端毅公及公數老人望當顯用端毅起爲吏部尚書公  
爲刑部右侍郎奉 詔巡視浙西劾罷守臣一人尋兼

右僉都御史整理兩浙鹺政疏言浙西鹽利倍浙東而浙  
東亭戶抑配尤甚宜定折價之輕重及減溫處課額事竣

還 朝倣鄭俠流民圖圖竈戶窮苦狀以進進吏部左侍  
郎與端毅莊疑重靜人不敢干以私庚戌彗星見天津疏

言正近侍慎官爵厚根本減役錢其正近侍謂內臣言輕  
重能爲禍福今利源盡出其手分例相沿虛名實支誰能

見素集卷之十九

銘

四

詩

詰之凡章奏允而後下無復論奏是失政體也有犯多從  
寬免有毆人死不問有論死尋原是失刑柄也第宅服用  
踰制蓋祠請地非分之求曲允無禁死而葬至與銀八千  
兩望折其氣以服其心職務終於所司威福必求已出未  
言午朝 祖宗勤政之典乞師其意惟議經邦急務如

有大陞除有大災異有大邊報工程囚犯於 御前評議  
可否不惟國是定事體熟而群臣邪正優劣自辨 孝

廟嘉納爲刑部尚書安遠侯柳景總兵兩廣賊累鉅萬爲  
都御史秦紘所發公抵以法景挾戚畹干內降擠紘公執  
如初竟不能奪會早求言疏言會議荆庶人奏及他奏間

踰旬日方得

上旨恐涉少斷內使王萌苗通高求犯

死得克淨軍恐殺人不死無復畏憚乞勤政守法宮中府中爲一體昌國公墳塋宜量減工程陵戶勇校等役宜量限優戶權璫憚厭之連摘曹屬細過怵公公不爲動以疾在告既連喪濬瀚二子密定憲三孫衰以漸累疏乞休

外上勉留再四命近臣以醫來視既之椒丘去端毅又去公益孤去意益決甲寅六月復疏者三上憫公懇誠

特賜允命乘傳以歸有司月給米二石歲給人夫四名爲國愛賢者猶望公卒佐明天子興太平之治御史宗

彛等復群薦之

朝然公亦疾以老不復能當世責矣生

見素集卷之十九

銘

五

宣德庚戌九月二十二日享年六十有六元配繼配皆黃氏贈封皆淑人以卒濬鄉貢士婦陳知縣裕女瀚奏授嘉興縣丞婦楊僉事琅女再婦卓察使天錫女女嫁余主事徵子楠輔濬之子婦陳御史茂烈女實則瀚後也公間氣收之吾閩而關之國家豐亨之運學以儒者爲宗省察性情清其心以求聖賢氣象澄潤淵求人莫窺其際方不忤物廉不近名容禮若甚溫而嚴冷自不可犯弱冠出己意作長義攻舉業者宗之鄉薦學故有鑿金諸生輸納良苦公始卻遂爲故事鄉國物品在人在刑部屬屈儕輩直出其上四川樹植風紀燭伏稱神明開邑劉者與其族爭里

役陰嗾安岳扈氏焚滅其家男女二十有一人死府又不  
決公訊而服定遠曾者乘其從兄避盜掠家財以去比覺  
聚群小夜殪之盡其家一十有二人死陽訴于公公訊又  
服淫祠多見焚毀司有五顯廟碎其像易以清獻趙公神  
主寅案相觀濁風爲之一變在廣東廉問疾苦而罷行無  
倦挺身當怨必欲事事不涉厲民補吏以書工拙才遲敏  
爲屬大小事劇易之差竒請杜絕公堂宿垢滌以盡貴則  
又然巡撫一居鎮靜吏不敢欺士民相安其愷悌凡歷四  
省兩直隸人愛若親父母巡歷願先入爲快留則樂去則  
憂別則走送泣下惟不利于貂璫及爲眉州宜興二柄要

見素集卷之十九

銘

六

不樂宜興至死猶追憾予巡視江西適椒丘物故爲疏請  
謚并致不平于公畧曰臣聞彭韶何喬新在刑部屬並負  
時名積官俱至尚書韶忠亮懿醇喬新貞方恭慎又各傳  
術精究吏事熟諳得古人之深以同任天下之重當時言  
完名純德文學政事節槩屬心焉韶歿有贈有謚具悉  
聖天子優異名德盛心然韶文有也忠與正與肅與獻則  
又有也不知議謚之時何取惠安之義率不類其爲人無  
足服中外之心以取後世之信欲下廷議易謚與椒丘兼  
畀以文事雖不行士論稱爲快嗚呼公則固遇矣道大行  
矣然非究其至也端毅椒丘我公弘治初年三大老盡矣



由今視昔其有餘慨焉公所著有從吾滯稿若干卷奏議一卷名臣錄贊三卷政訓一卷天曹日錄秋臺錄北岳代行錄各若干卷續脩莆陽誌十卷成都誌二十五卷某生後迹踈風味同也銘其容已耶銘曰 皇明撫運世有文武元貞氣完嶽降申甫烈烈惠安遇我 英宗又我 憲宗又我 孝宗純誠允諒忠蓋始終邃學壯猷茂揚中外人有鳳麟國有蒼蔡弘治大老端毅椒丘公叅其間千一其流基有唐虞翊有堯舜爰及都俞 天子之聖 帝念遺德曰予易名曰予贈祭曰予經營言則惠安兩峰峩峩萬目之觀

見素集卷之十九

銘

七

祭

明進榮祿大夫太子少保工部尚書劉公神道碑  
弘治丙辰資德大夫正治上卿工部尚書劉公梅坡三上  
章致其仕情懽而詞益哀 孝皇帝憐之加太子少保還

之延平途給驛家給廩月爲石者三給役歲爲名者四所以優念者勤複 上即位就家進榮祿大夫優游鄉梓者一十有六年正德辛未以上距宣德己酉壽八十三以逝訃聞 上賜祭者二啓萬夫人鳳山賜藏合焉公諱璋廷信其字幼孤萬夫人安節忍貧育教之遂知奮勵砥行劬書闈闡一室閭如也天順丁丑第進士爲戶部主事郎中佐會綜琴更無得胙篋以窺微利稍暇繙閱書史以開廣

聰明暢文辭而精之隱然公輔之望不涉速化父之泰大  
政山東東人饑道殣相望薰蒸成大疫同官五人染其三  
以死公視無怯水爭蛟龍陸走埃氛窮僻邑以至倒屣勸  
分藥病而掩骼心力俱盡民全活爲多遷浙江右布政使  
尋轉左浙歲儉米二十有二萬而畸軍食告匱幾爲變公  
徑支積餘二萬五千兩給軍方請後聞之罪時王端毅公  
爲巡撫賢而容之公復經理爲後繼者疏存留益鈔易以  
米而稽其屯之額以爲定支窮見至隱利孔塞吏奸抉于  
是用給猶餘藩之政爲之一清擢總督江淮漕運兼巡撫  
右副都御史時河洛飢南京主事張倫疏割漕米八十萬

見素集卷之十九

銘

八

梁

石由黃河入汴以濟 憲廟可之命公運其七倫運其一  
宋漕規江不入淮淮不入汴河性悍急非江淮之舟能濟  
倫未考也公募巨艘與習河勢者並運而前覆者溺者核  
其實無問河洛得濟民全活又多明年江淮飢公先事處  
分倣范文正富文忠拯濟諸法舉而行之蠲其租罷其歲  
輸供應民全活又多鄖襄蝗大作公又巡鄖襄有夢者曰  
巡撫至蝗滅公至大雨蝗水死以盡又巡四川令民輸粟  
補吏稽司屬贖刑入粟之多寡以驗廉墨積以石計者百  
萬而餘人疑其迂比再歲連饑深賴爲濟不足猶取粟于  
荆滌游而上始服老成計事之蚤民全活又多其它復竈

丁之輸銀解部以准除鹽課種馬限年責駒以二歲始以二十歲止爲常解備用馬匹不責地產定爲直匹一十有二兩解部與寺給軍自買而會驗其直之當印馬改差御史代武臣以杜漁利運軍京衛外衛一體支米在淮南時也刁農驚兒鶉鴿烏都鷄公五寨夷負險絕糧道公宿兵二路示夾攻以智將提勁兵入問其罪夷懼誅降播州宣尉楊輝溺愛其庶子友賄其鄉當軸爲立安寧宣撫而官之友遂謀奪嫡誣其弟宣慰愛有反謀下刑部侍郎何公喬新偕公案驗發其奸除其司割平越一所官兵守之友褫職銷印置之保寧周防慎密部下帖帖以靖在蜀時也

入爲工部侍郎遷南京禮部尚書又入爲工部尚書營建節省與彭公從吾張公時敏同時稱古意公不治生產旣歸敝屋猶故戶之稅不盈一石童僕鬻販自給裕如也謹潔官整無躁動無疾言舉武不差尺寸三事標表有東郭順子之廉子產之惠一念人國庚午予再起征藍深惟進止之鑿則以問公公曰事關安危在老夫即日起是時公八十餘矣老成憂國杜祁公是心也劉有厚德祖彥高考通俱錦衣衛正千戶累贈資政大夫工部尚書祖妣鍾馥妣累贈夫人配累封夫人子三男皆不舉一女嫁爲蔡楷揮貴妻亦卒爲公後者從孫華親賢擇也嗚呼謂有公齊

一後若是耶天之道何如弘治初詔大臣各舉堪爲藩臬  
長僚者公舉俊時與公未相識也古者辟薦不謝至死則  
赴吊公非俊知己墓道之文容非俊責耶公所著有梅坡  
集清未成一家言賢聲偉績義得易銜名董狐之公宜不  
爲身後冷熱異態意有待耶詞曰光嶽精英鍾爲鉅人生  
此王國爲鳳爲麟天位皇明七葉神聖作周于禎不顯以  
盛明良四代公起其間靖共慎密有重如山不競不綈于  
惠且直士以範型民以衣食敷歷中外肅肅在公帝曰勞  
臣作朕司空有譽有年禮不筋力寄懷故棲良坎丹碧言  
歸言旋于狎巢許松桂盤桓海鶴儔侶物忌于完白傳弗  
見素集卷之十九

銘

十  
春

嗣士會亦新御龍孫子

明封文林郎大理評事林公槐庭墓誌銘

封評事槐庭公之卒也子知府富由寧波來奔葬石門奉  
公從父弟按察副使孚可所具狀請銘其墓公林姓九牧  
端州之裔予族諸兄也英爽美姿儀銳心問學從世父兄  
曲靖知府舜卿公治經旣夜午猶書聲琅琅予爲之私愧  
曲靖公旣進士意必及公父之知厭舉子業以詩自鳴群  
體雜出徃徃有竒思率直善飲飲人飲於人無不盡量防  
吟不設而不流爲同公私事無一遺落事尊府封順天推  
官公彌宣妣贈安人友其翁考功郎中塾黃氏方氏妹盡

子道兄道塾富教均而嚴遂同第進士京推與公同日官封富忤逆璫落評事爲丞潮陽尋又勒致仕猶惡報紛沓公憂憤鬱結一付于酒家常苦無繼曰恨不爲東臯子待詔門下日給酒一斗彭澤令公田盡種秫李翰林裘馬易醉嘗酬賀客按五香法造酒二石自飲其七客僅飲其三逆璫旣正法時事就清富起郡丞尋轉守公斷飲自制而疾已弗治正德癸酉六月念又三日也生景泰辛未六月二日年六十三娶鄭教授遷善公女繼方教諭和叔公女封孺人子卽富女嫁郭汝華朱道明黃于深鄭以調孫萬仞一陽四明孫女二曾孫曰金墓在公曾祖同知洪公左

見素集卷之十九

銘

十一

薛京

壠與祖潛夫公面相望壑公從右次則方壽藏富之婦張婦翁二孺人左而耐焉嗚呼公學不事進取聲色俱澹而行無可疵獨未忘情于酒其達耶托而逃耶抑心固無醉與流俗之溺異矣富趣尚甚勇不奇曲以直安鑪鞞行理有聲可謂有子矣銘曰仙籙謫真下爲逸人隘視物表九字一塵雅調傑詞陶情阮思有載其華寓醒於醉有作有述衆湊群和神理忌完闡摧玉破穉梧新桂有蔚斯阡有騰晶英有葉有年

明承德郎致饒州府通判事林公古廉墓誌銘

饒州兄源庵公之疾某視之日再至比卒哭而深悲之士

夫耆人援私謚于某曰貞曜貞晦者例也私謚源庵無古  
廉宜二庠生復言之提學姚公英之與在鄉賢祀典公孫  
夫方方伯壽卿爲謀掩幽之石陳氏甥提學玉疇爲具事  
狀子璧孫乾芳奉以請嗚呼是銘也無所謂伯夷傳郭公  
有道之碑者歟公志尚高古視世齷齪無足當其意所生  
父監元公時樂母吳孺人也愛之專所後父邑博公時望  
母吳孺人也愛之又專邑博之遺女兄弟曰與則與曰優  
則又優自薦丙子凡五試禮部竟就吏部試通判饒州自  
安澹苦粗綿大葛食一菜公出食亦一菜間以細鮮廩餘  
責之供者以去人稱菜林當事直前無忌避輪蹄軋軋遍

見素集卷之十九

銘

十二 薛京

湖之東西風宣滯流人得安事分豪食風爲阻鄱陽珠湖  
潘府專爲利永豐湖田要人亦專爲利公盡奪還民上供  
陶器主者爲居竒公疏其擾德者廣以泛柄要之忤獨積  
以專吏部課在優等一日傳落本有名侯察使嚼齒戟髯  
抗聲白其屈曰江右官皆可去渙不可去部爲慚怍然竟  
無敢抗以解朝論大譁江之西又大譁饒又大譁留之既  
不可送之境上群號泣爲別別既眈眈自失子良廉毅群  
繫戀有今焉嗚呼其亦可僞爲耶公挺身當怨心嘗在民  
不涉爲妻子私地督運京儲途費以代民輸俸餘以築公  
路官九年囊僅百金猶幸先人遺業配王安人銖累粒計

百意爲挽拽饒仕閩者爲立其子故食宿給衣無至襁褓  
晚年祿養于子以裕身爲物觀義必先倡俚兒舉事惟恐  
及公知爲短於是乎有型範焉卒正德壬申八月二十二  
日年八十三子珙璵先卒璧驛丞汝明典史孫八人曾孫  
六人女孫女十六人雲洞祖塋右股公遺蛻在焉嗚呼吾  
林仍襲清白僉事公會歿無棺中允公長懋名萊林員外  
公長清敞袍自適孤風遠韻鄉族烟烟然至于今光氣廉  
濁立懦公嗣有餘烈矣公諱漢字曰景源銘曰叔風襲流  
物惡其上競附群趨芳潔誰諒鶴琴世遠落落無同一錢  
盃水先生之風

見素集卷之十九

銘

十三

薛京

明贈承德郎戶部主事前埭鄭君敬軒墓誌銘

鄭名大姓倡莆學以振初響南湖三先生也三先生露爲  
盛居前埭者四世孫評事臯始與林鱗次仍世有媿二祠  
暈接每旦日林詣鄭鄭亦詣林交拜祠下成禮而後去龜  
組承襲二姓相頡頏青烏家附會之有前埭一青龍之讖  
父之鄭仕籍稍稍異猶儒官肩立予年友瑗猶舉進士爲  
儀制郎中有名啓學源清之父子雖雌伏林下猶隱隱然  
儒紳風素農末作耻之家竟落傳敬軒殆不可爲文柱猶  
強挽拽續口食時弟妹之昏嫁其執役海上也主帥廉其  
畏謹引入幕其所主畫徃徃符法意有過政掖護開解德

者多以無愆成化丁未以上去乙亥裁三十有三年忽疾  
轉亟人曰邦禮子玉方九齡嚶呱呱然在襁褓家如懸磬  
何恃死謀爲醫禱弗效方是時王無昌黎氏之兄嫂孤疚  
無瘳附皇甫氏之外家其有異范公文正之境者乎而堅  
忍自割若無其貧固知鄭氏有後也稍長眉目清發其美  
如冠玉錄奇書輒心記爲高南窓鑒識延教家塾黃藩叅  
仲子瑞普異之妻以女王領鄉薦上春官留教浙浙閩帥  
崔君胤之子衛帥某又異之又妻以妹辛未王第進士爲  
戶部主事以年勞贈君承德郎戶部主事王配贈封皆安  
人物色者之望其副耳矣清門落姓所恃者澤未斬耳譬

見素集卷之十九

銘

十四

薛京

之古木枯悴重若可憐而孤根未撥由孽漸長拂青烟而  
凌層漢固有待也鄭之起亦勢然者重以王之自振耶予  
名好獎士王與王秋官時行始發解以予一日長來詣雲  
庄深器許之二君果善植立孤蹇中以自標異遂爲來賢  
私慶幸名家之有後而王得勉伸情事以銘予請嗚呼是  
固起墜之觀世風者之責王之志可哀而王君之狀其足  
信也其容辭其容辭君諱楹邦禮者其字碧瀨之山鄭之  
祖知府郎中公之藏之左祖之藏上焉祔祖者君正德乙  
亥正月庚午者葬日也銘曰有歷亦年有施亦仕有要終  
竟曷齊曷否有美而貧衰莫心死視履考祥有粵賢子龍



光離離岡樹騰紫

光祿大夫太子太保兵部尚書劉忠宣公神道碑

銘

國家仁育區內元氣毓和名人間出以茂贇鴻猷弼成弘治之治若東山公殆非偶然者公諱大夏字時雍上世東平劉氏宋都統制寶從岳武穆平湖南隱華容之東山十三傳爲公未名楊文定公爲之名未冠黎文僖公成之學發解首爲進士爲庶吉士與李文正公同讀書中祕主事職方郎中車駕而復爲職方也名逾起中貴人獻取交南策索故籍匿其籍朝鮮貢道由鴉骨關迂迴數大鎮達京

見素集卷之十九

銘

十五

薛京

師奏由鴨綠江便公曰 祖宗微意孟密賂立安撫爲滇夷患固有以阻之於先者矣虜犯雲中師失律檄書告急倉劇有餘辨權璫大異屬意薦少司馬亟求叅知閩藩進兩轄尋進副都御史有事河決自上流孫家渡疏三十里四府營疏十里聯長隄以分大名山東水勢而別河張砂之南以行運舟河就馴 璽書褒賞入爲戶部侍郎便就糴爲勢家利公別儲募商民寬士飽乞告起左都御史總督兩廣軍務兩鎮出私卒十三村藪盜爲之衰止入爲兵部尚書 召問所辭故曰民貧恐生變本兵重地臣無敢來數日再問徵有常制曰近恐不止常制問兵曰與

民等貧舉鐸木香材無藝之征與轉漕番操了責私役諸  
苦 上曰豈知至是 詔諸司條弊政與分外之徵疏聞  
淮南思變爲寢問歲儲不給財何在曰廣闔省歲廩與中  
鎮歲索猶不相當 上諦思久曰求如鄧原麥秀者用無  
寧已蓋廉璫也又問安得泰平如帝王時曰求治亦難太  
急但如近日與臺閣議當而行久之自治苗達乘虜報欲  
劫營 上語公因及未樂時破虜之意公曰當時丘福兵  
俱陷近河套亦幸免且今兵力不逮未若戰守爲計時戴  
莊簡公在側贊言是 上曰微二臣言幾爲所誤耳肅副  
將魯麟恃部落要大將不遂棄歸願撫其衆奏至 上問

見素集卷之十九

銘

十六

薛京

公公曰第敘其先世歸附之勞從其奏兵權去無能爲麟  
果怏怏死是時 上慨然君臣相與之盛凡召公偕莊簡

爲多名而不官至幄前左右却立大政事大封拜大釐革  
密議移時間及左右未對曰畏之乎曰猶疑朕聽寺人之  
君語久起踉蹌行 上老之令扶以出不受私贊與金請

老命温旨爲諭留有間密語之備忌公無獨異流然者薊  
州密雲保定繕城增戍奏還其番閱萬兵隱然京師兩腋  
有造飛語宮門者 上曰是豈外人可到有不得私役是

軍者至是 上眷益深公之任益重知無不爲世方改視

而 孝廟升遐公亦致其仕去柄移逆瑾縉紳羅致以盡

允其心于公芳宇替之逮致 詔獄得屠公瀟救解猶戍  
甘肅瑾誅釋還道復光祿大夫太子太保兵部尚書歸六  
年丙子五月晦日雷電風雨大作已公歿壽八十一高祖  
光祖曾祖必弘至祖御史公行簡父察副公仁宅並贈兵  
部尚書妣配並贈夫人公開朗平粹休休然樂善貴不忘  
貧與人言忠孝教士廉謹教子孫士農不乞蔭預卜壽藏  
所居西五里僅記其履歷大都父之追賜葬祭謚忠宣錄  
其一孫國學俊忘年味似虞公夢公率寓詩于隱公亦爲  
予私念更燭情事無復山東聽雨時矣神道之文祖修之  
請抑公之欲也公清約如知白先憂如希文公望如彥國  
見素集卷之十九

銘

十七

倫

能處大事如子明忠結 主知望實孚于中外問安否于  
裔夷其仕其止其世可知也銘曰粵古在昔嶽降星精遂  
猷方格坐廟以行黃髮詢茲底裏孚契如水如魚于斯允  
儼良臣惟聖商實維賢于是獻替一日三宣風時海馴遺  
弓斯泣悠悠蒼天斯日何日秦陵昂昂岳俯一方公化在  
東公神在旁

明奉政大夫山東按察僉事江劉公墓誌銘

五清劉先生尊甫奉政公之歿去今四十有八年有狀有  
表傳者四而銘闕焉以属于俊曰瑞無有苟爾矣嗚呼俊  
惡足當先生之辱哉友其子以銘其父宜公諱時數字用

行別號素庵曾祖得賢元季避地自平江徙內江之中江  
居焉傳友義傳鑑是爲公父封承德郎刑部主事母曾封  
安人劉世德隱承德公尤孝讓以載植有家六子伯氏仲  
氏有仕偕意尤獨公乎異責所必成公亦力取自副年二  
十五魁于鄉又四年甲申第進士爲刑部主事轉員外郎  
又轉山東按察僉事分按東兗終訟積數百事逮數千  
人就繫動數三歲公裁決浹月而盡訟爲之衰濟南北旱  
先期民禱蠲租平糴藥疾食瘠招流而瘞殍力且匱獻計  
巡撫以亟請于 上得發米二十萬石銀四萬五千兩錢  
五百五十餘萬民賴全活東人安公公亦不東乎薄也甲

見素集卷之十九

銘

十八

倫

予巡淄川疾作猶強歷數縣至長清輿還越七日不起二  
月二日也年三十九察使王君琳提學楊君琅檢其笥敝  
袍數襲俸遺無十金問其僕泣曰官人祿致二親故業讓  
伯仲而盡無獨無歛存亦無生爲也偕僚貳悲之時五清  
穉弱田太宜人慟哭五清亦慟哭哭絕復蘇蘇復慟哭聲  
不忍聞又悲之相與爲歛言之巡撫爲護歸其喪于是丁  
酉乎塋公高亢勁直法用仁施仕不學廢視天下事若不  
足爲權璫有事于東躋先避青守假力求薦考竟下庶僚  
甄別銖兩不渝覈邊儲議兵食風裁駁發臺察無過者著  
述思親有說自警有箴教子有記凡詩文有集在同年友

李文正公郎署友彭惠安公張莊簡公意皆有所到公獨不謂然然有子五清文重詞坦忠謹動于朝著以有茲貳卿公進奉政大夫田進太宜人後之償未艾三公或未然者五清卽瑞娶汪封孺人孫 孫女 墓太平先塋左次銘曰楚時蜀居此維與宅松茂竹苞爰續維百儲祥啓淑篤生臺臣四時屈蟠世舊而信庭絕寃稱巷有頌語賑食奚從天子之所人肥我瘠厥疾用罹于賻乃殮黑風辛悲家之寸遺自有餘瞑言嗣徽音厥終有令

明進資善大夫四川右布政使致仕例進一階翠

渠周公墓誌銘

見素集卷之十九

銘

十九

瑞

昔者壺山崩或測所應于予予意必翠渠翁一夕夢登公堂空一機書歸休二字其上覺而測曰噫歸死也謂息爲之休空一機世機乎息矣行其庭不見其人公殆爾矣時壽八十九未數月果病移席中堂子大謨鎮海掃松乎至遂逝正德戊寅七月八日也嗚呼其不可作矣周出清江上廊仕族公諱瑛字梁石號蒙中子白賁道人翠渠其最後號也父諱舉贈奉直大夫知州尺籍鎮海公生鎮海長于莆神鑿臞古博學善文往往有奇悟景泰癸酉爲主司聶大年所知置魁亞又與陳公公甫賀公克恭友善危論高氣間取夫名者之忌第進士出知廣德州賢旌授誥然

猶歷九載始南京儀部正郎又三年守撫州又五年移簡鎮遠夫以清華論思之選臺省之屬曾無公一席之地必州外之久淹之南冷之撫困之至居夷而極矣王端毅公爲上宰進公四川大叅尋右轄端毅去公亦服憂潘太宜人旣望七之年無用世志矣言者薦公可用 孝廟意有所屬而公以老請遂進資善大夫致仕尊號例進一階公政用寬繼用嚴繼復靜暇舉之教民有禮課士有程不舉女有禁祠山有辯陂水利著政本第輸納著政均立保甲著政原鎮不鄙夷其民文教之修亦發端于此矣藩政別立老格猶以古見迂世之求人者蓋亦詳矣公廣德有祠

見素集卷之十九

銘

二十

墓

有志蜀有志今更能固少也性不視生產祿入娶三婦嫁其七女急義期功之承凡出費無問大謨出亦無問家竟落雷尹應龍助以金於是白雲乎塋配先宜人陳繼宜人吳吳今壽八十四子大櫟先天大謨取兩魁爲進士亦天南鳳南鵬南鸚三孫傑立後之起足信所著有翠渠集經世管鑰律呂管鑰字學纂要詞學筌蹄地理蒼龜周易叅同契本義漁仲潛夫力取嗣響予上之學亦深有意焉予族孫僉事近龍公子婿也狀事行請銘予敢操是筆告夫公者前輩舊學抑予銘信也銘曰藏聲卷迹魚水是逢不有偶也齊瑟徒工蒼珮彤班天顏咫尺不有偶也朝不一

自弗副其長以須其左牧其疲人天子命我退而有作尚  
白誰玄粵有楊子我公其傳

見素集卷之十九

銘

二十一

見素集卷之十九

見素集卷之二十

後學黃佐校正

孫男及祖重梓

碑墓表

重脩岳武穆王精忠廟碑

乾坤復位孰從而焚之河漢爲東孰從而潰之嗚呼覆水不收長城自壞人事歟天事歟昔三叔流言天動威以彰周公之德郊迎以歸後主委國事孔明而聽之規有混一將星夜殞興姬絕劉天之意異也岳鄂武穆王之禍天意從可知矣慨自紹述說行群邪蠱扇善流布滿嶺海貽有

見素集卷之二十

碑

乙

慧

靖康金虜之難二帝北狩中原失守康王卽位于南京當是時將相無足繫天下之重絕意恢復專主和議王文武忠孝聲春秋討賊大義于群喑獨倡之時謀預機先變隨敵運用能手平劇寇志殪強胡前後數百戰無不奇捷走兀木朱仙鎮破之金人沮喪號令不行燕之南金將密受旗榜兀木懼欲北遁兩河忠義嚮風焉復中原清朔漠迎還二帝一渡河間爾而速詔班師竟出書生之所料使垂成之功墜於一旦故地復爲金有檜奸志猶未伸也重耳心王父子以死弱宋右金挾國讐以自固也彼張俊者和之宋亦和之獨何哉嗚呼此宋之所以竟南爲厓山兆也



歷考名將無王之烈亦無王之寃者古今一大憤也王相  
之湯陰人歿二十有二年當孝宗立首復故爵頒封諡葬  
之杭州 國朝與在配享而杭相專祀付在有司其賜額  
相曰精忠杭曰忠烈祀宇內者不可勝載王之伸在爲之  
不足而賊檜之奸筆誅口罵與王之褒頌同其無窮好事  
者至樹檜剖心鑄奸像鞭之殆刈噫檜之奸未料此也邪  
害正奚利哉總鎮崔公居與王鄰昭明風烈飾廟貌新之  
礪堅貞厲紀王績追誦疇昔有餘慨焉辭曰於赫武穆文  
豪武雄矢心涅背報國盡忠百戰艱危經營十稔誓復山  
河還軫二聖天不北宋鬼臆豺聲金牌十二煨煉獄成地  
軒於昭厥神率土乞靈

見素集卷之二十

碑

二

慧

惠新立文公朱先生祠碑

泉之惠安故未有文公朱先生祠常熟陳侯近以進士來  
令請部使因靈女宮立焉不費而功告成亦善變爾矣夫  
道正與邪也正難悟而邪顧易以惑故邪常勝正鬼道盛  
而人道衰心爲之不正矣君子有獨知之智獨斷之任以  
自執開悟歆發之機靈女何神顧使世血食茲土爲吾民  
厲哉然非立其本以勝之庸知不爲後之復羅池立廟在  
子厚人猶倡爲之矧靈女鼓奸群愚崇奉復固其所耶本

自吾道始道至夫子而盛至朱子又盛窮造化之原達聖  
賢之蘊固孔氏心法也身綱常之重以獨收繼往來開之  
功固孔氏家法也道大難容豐其有以畜其遇直俟夫來  
者之尊信家有其書人宗其學以經綸大經衡量大政樹  
道聲儒烈於天下然後朱子之範型無易故自婺建之鄉  
與夫宦寓旅寄莫不有祠而一判同安再視漳郡往來講  
道于莆者屢屢惠均過化之地而祠獨無舉其非誠闕歟  
斯侯之仍力承置塞弊絕萌植本崇儒開迷警寤以昭示  
民極使朱子之道如日中天水行地曉然知所由興起焉  
則趣尚齊薰蒸一相湏爲禮樂教化之歸雖有曲哇邪徑  
見素集卷之二十

碑

三

端

挽之而不能入遡武夷匯洙泗人文昌會世風載還殆微  
諸此歟昔李繁刺處州先新夫子廟侯先斯祠自餘悉升  
宜祀黜非典政首及化古今人固相遠哉深爲惠幸之乃  
作迎神送神之詩曰紫氣兮融融有煒兮新宮靠危兮朱  
碧峙乾坤兮耀星日神遊兮無方儼公像兮堂堂嚴祀兮  
有奕樂在懸兮几在室牲肥兮酒香神來格兮洋洋道幟  
兮雲集文旛兮颺舉玄之間兮化之所孔步兮顏趨集成  
兮四儒宣靈兮發響朝上征兮夕孤往

嘉議大夫南京兵部右侍郎王公墓表

弘治辛亥九月六日南京兵部右侍郎趙州王公卒事聞

上賜塋祭閣老李公賓之爲神道碑少宗伯傅公曰川  
爲誌銘都憲史公天瑞爲行狀公子媚水部主事宋君鳳  
屬俊墓表嗚呼古人重知己知俊寧踰公耶勢相忘道相  
下疑相商略以行一酒之旨偕乃屨板橋論別目俊曰憲  
副憲副遂咽不復視默然含涕書考吹譽過情嗚呼俊何  
以得是於公知己寧踰公耶公修偉異人人重遲不戲曹  
文忠公物色異之妻以女治禮經領景泰癸酉京薦甲申  
第進士授工科給事中充蒲藩冊封副使遷都給事中累  
拜湖廣布政司右叅政右布政使貴州左布政使進都察  
院右副都御史巡撫雲南兵部之命語俊曰日者推吾良

見素集卷之二

表

四

端

驗吾數且窮行歸故謝疏有明農期得請之語用見已意  
道得微疾方禮上假寐閣中夢張尚書爲具奠善然曰夢  
與數符其殆弗興遂付所侍孫慶家事付所屬檢囊具棺  
授以殮法不禱不藥不亂志沐浴衣冠俟晝生宣德戊申  
五月五日享年六十有四諱詔字文振別號慎齋曾祖思  
義祖理絳州判官父昂封工科給事中晉寧徙趙始此妣  
張贈孺人子縉義官經州庠生孫卽慶曾孫儀偉墓在郡  
故城之南原公樸直純整無僞行衣敝如新坐不仄作止  
有常伺之恒不爽一武居喪不事浮屠法趨向甚正植已  
甚庶處族黨甚恩待寮吏甚公以知藏疾匿瑕樂進人等

多識書史不專發爲文 慈懿皇太后服成適孟秋享

太廟公言新喪從吉非宜乃引古攝祭暨 遺詔母廢祀  
之文上請裁可六科論事過直 憲廟御文華官校手杖  
臨之甚威衆護膚膽落公守不可神色自如抗言曰臣愚  
觸忌諱犬馬之誠實惟爲國 上壯之怒解杖竟無害同  
年于守正謫官同寅高文著病死贈賻甚至都憲原公傑  
經畧荆襄舉公將事增置行都司鄖陽府縣具適機宜

璽書褒嘉遇荒先事存恤天旱禱雨時應慮囚多平反要  
囚間可生道俊異其文公閱問故曰將使矜從成減公喜  
揖謝土官奴怙勢搏人死托言馬踐公主疑頗力俊曰馬

見素集卷之二十一

表

五

入屋勢殺豈得踐死弗從公弗憚父之得罪貫狀亟謝曰  
前者執是老夫慮不及其虛懷類若此孟密諭成悉更前  
政土官競襲折以禮不涉近苞苴諸夷帖息安南爲之寢  
謀鎮守利入裁損十七八巨掾假威福都閩折腰弗禮公  
寘之法責戍桂南兩府官從褫魄斂弗肆左璫爲金寶玩  
且將進卒公疏明主不貴異物宜付所司抉其實範爲金  
備用毋令上供滇故官不能歸妻子多就戎募鬻爲良家  
奴公諭諸道資以道里費得歸甚多尚書吳公雲死節久  
且泯公白其事得謚忠節與王文忠並祠昆明改額二忠  
公行實誌弗載公子孫弗及知俊聞知者嗚呼爭名風熾

讜媚競起在敵已然用上下下厥尤艱哉休休我公德音  
不忘式表公墓顯示無疆

奉政大夫廣東按察司提學僉事宋君之齋墓表

立齋諱端儀字孔時宋姓李唐間居後埭徙晉江又居後  
埭漳州推官銑也四傳至知漣水軍邦光又十一傳爲沐  
陽訓導諱勸生國子助教贈禮部主事公汝勤君主事子  
主事學正安州君侍安州屈其學人在郡學黃司副汝亨  
鄭郎中仲璧以文自雄然考究皆不及君孫少卿志同審  
同知永貞太學有名君與齊名鄉試第七人廷試六人歷  
禮部精膳祠祭主事主客員外郎奉政大夫廣東按察司

見素集卷之二十一

表

六

提學僉事君仁柔恭謹色溫而氣和善開譬於法不借而  
事就功緒人無怨言出納禮部公廩上之至要下之則至  
雜易怒善謗君處之靜胡番之使倚朝貢爲干請咄謹摅  
突不可折柔君處之又靜長貳倚信之獨不爲丘瓊臺所  
知提學之薦出氣力過之瓊臺死君得提學 璽書行事  
時方募民兵求善脫者爭謀學籍龍門新寧設學求速化  
者爭謀致廩貢謀倖鄉人謀教書溷人事襲徃而有君處  
之又靜準墨內寘而外居若愚通慙懃述勞績于大吏與  
稠人廣衆爭是非訥如也辯析疑義論人物賢否天下古  
今事得失如倒囊出物事主事吳安人至孝侍疾持喪情

禮懃盡允注意儒先割提學公費修濂溪祠進廖公子晦  
配享進呂公大臨道學傳真公德秀李公道傳何公基葉  
公士龍考亭淵源皆獨見也君諸生時對鄉賢策已爲潘  
知府舜絃所賞旣釋褐位署益清畢力淹貫彭惠安公續  
莆誌叅訂爲多所著成書考亭淵源錄莆陽遺事莆陽舊  
事偶錄莆陽科名志鄉賢考高科考宋氏族譜立齋閑錄  
未成書宋行朝錄廣東通誌畧人物備志天不假年五十  
五而終弘治辛酉七月也又明年塋柯宅山嗚呼立齋不  
可見矣墓之銘郡新志之傳黃未軒兩著之詳矣子元翰  
解元復請表墓之石嗚呼固交遊事也嘗聞之狐温百腋  
焉世自有不死立齋何悲

明尚義官山沁陳公止庵墓表

山沁之陳自寶謨閣待制公次升宣義公次頽兄弟起元  
祐間危論直槩爲時名臣慶基旣啓胤祚世以昌襲儉似  
賢率不墜名家風素居以厚羸入國朝四鄉腴田半焉  
大後興財力之征重戶槩不可支家無脫丁荒業遍平埜  
陳於是中微宣義葉孫承事郎公公通山積縲囚幽繫鮓

涸而蝸枯身世重若籠鳥晚歲始舉止庵公當愛鍾之際  
頽落摧沮之餘望成立奚有哉止庵銳往超悟拊髀思奮  
不數歲逋告完田之荒漸以治失漸復而有焉正統間我  
英宗念民罹寇復其租三年陳復獨多擅有完利止庵相  
承事公于外配林氏相姑于內拮据節縮勞瘁窮日力于  
是荒盡治而失亦以盡復歲別頃畝爲常郡之富遂頡陳  
氏廼新祠宇營居室取完與固不施鏤藻又因饑爲輸粟  
先承事次及身次及其子又備貸本千石于鄉時其散歛  
中易如常平窳後續以田四百畝之入則所謂義倉義庄  
者橋道之脩重費不吝請棺請藥衣米婚嫁之求亦徃徃

見素集卷之二

表

八

而副時同里大姓鄭必謙並以行義重鄉評止庵允韜晦  
濡迹樸鈍不欲一厓異上人身無綺衣口不言財叩之笑  
不答譽則不居有犯則唯唯然退對客危坐無丈語質曲  
直一言而定無不服者諸子頗飾池館非欸客不復賞視  
或疑不識清致止庵曰汝祖更不識蓋訓儉也諱儼字德  
威曾祖嗣祖恕父卽承事公諱卿母張氏子國子生景賢  
尚義官景星陰陽訓術景福景山景員孫在芹在橋在舉  
生正統癸亥九月卒弘治辛酉正月墓在大蜚山旣葬景  
賢以侍御陳君希周之狀請表墓道之石嗚呼成立之難  
登天然高門落以復起又難也止庵若誠易盆盎盈溢止

庵若虛焉廉施自許借一官顧爲民厲止庵僅處士有逮人之澤焉史稱太丘在鄉閭平心率物行成於身而道訓天下宗風淵軌其殆然乎太丘二方承則群仕魏爲司空止庵諸子有劣視二方諸孫有絕群而上者乎其無蹈慚卿慚長之議矣嗚呼古今似續難矣哉表出之以并告在後

明進亞中大夫致四川按察司副使事東山黃公

易齋序表

易齋黃公熒敦實旣營樂丘自誌之又屬意其友林俊表馬嗚呼是俗所深諱而不欲言者况豫之耶夫生寄死歸

見素集卷之二十一

表

九

達者所易視而諱者未之竟免也死生亦大矣任情死生於仕止得喪何如耶公初以成化壬辰進士尹玉山起爲南京監察御史偃樓抑抑異下予意新臺官過矯屈爲是何也公丁先御史南澗憂服除改北臺三奉 璽書巡長蘆漕司迤北漕道四川雲南貴州戎政酬接間都周詳商畧無徑斷語私服充養之素官六察殆非宜然也旣之僞者奪燥者息陰賊慘狠而激訐者消沮聲迹泯然事緩急奇辨固有以孚而移之前後論列事爲多官賢否治得失十餘事尤荷我 孝宗敬皇帝嘉納公固不察察入細過固持其大也在雲南有趙都司晟者鷲悍不可馴獨帖帖



擘公巨璫遺財當事者避餘烈公從容一語覈其數非剛而善用能之乎夫豎目張聲嚼齒大罵凜然若生風臨小利害輒隱忍循默猶自謂老成得重厚體然乎哉予親見公南臺及雲貴時事道玉山又得公之流澤故政嗚呼今之官如傳舍謂一令三十年猶有存記如許耶公爲四川按察副使能望隆起顯敘方有階入賀過家拜母林太孺人眠食無異然已八十而九公曰自惡而致其情哉遂疏致其事所以致悅太孺人者纖巨曲至又四年太孺人年九十二方終公擗踊欲絕是日烏百數遶屋悲鳴不謂事適爾如是公善事前母兄友于二弟教子琳瑯琛孫某

見素集卷之二十

表

十一

某曾孫某皆士業琳詔誥皆郡庠生念顧孺人同其苦既卒竟不復娶惟側室栢氏自隨今遷顧以合預祔栢之位其兆因南澗之東址所謂高士岡者初正統庚申太孺人夢虛空中紫衣人呼授以物以衣承之得鶴雛是歲臘月十有八日生公鑿形者謂之鶴相冠帶衣履書畫百物精緻度縈居宇絕一塵既老樂五松號五松居士人謂得鶴之性搏空聞天大槩近之而躋高詣極鶴之類率不能齊獨公乎哉表曰百羽品流鶴居鳳凰之次聖人在位鶴與鳳凰翔于甸蓋清也而亦時也群鳥宜無及焉易齋明心葆質舒斂自由不黜點於群污以超乎群物之上嗚呼觀

夫動則賢可知矣

明中奉大夫廣西右布政使拙菴伍公墓表

正德辛未卒廣藩右轄拙菴公也子符亦右轄湖南留侍未赴得自盡于公碑銘二筆得吾師少師西涯翁吾友少宰圭峰翁二翁名宗工良副矣左轄吾閩又屬俊表其墓嗚呼其無已是心乎公諱希淵字孟賢伍出安成顯姓安成擅春秋伍允正傳公在諸生與群從僉憲君希閔號雙璧天順癸未公會議禮部名第四程式之文無涉及潤名一日震京師傳置之天下爲奇歷刑部屬予辱尾公後緡閱舊牘法比精練公獨先輩人英抱直槩同官能道者部

見素集卷之二

表

十一

深

之大獄兩畿之大獄浙之慮囚皆擇能授公公當輒平爲司寇諸老鑒賞薦臺憲薦廷尉丞坐與審錄貴臣爭是非陽雖公屈而竟行其中同知廣州清戎多襲具文公搜摘弊隱二十事中其肯綮御史行其式爲式郡事屬公寬伸滯流費省而誼以寂有無公不成府之謠分捕山後劇賊謀預機先與陶察使魯功爲埒部知廣之宜公也擢爲其府知府臨人出政預有以塞其利孔清其弊源布行其寬大以基教化宜其下以孚乎其之上人官能連旌憲使藩叅連薦廣士民在京師者群然諱所欲留部知廣之果宜公也擢爲其藩叅政令行于百越嶺海之間人人指爲鉅

人長德左官放臣恃若地主若疾得醫風雨得大厦以庇  
姻族鄉聚之施亦然立弟之孤祿之入至委而盡獨不事  
媿要規規然校禮柄人觸忌諱既遷廣西右布政使念父  
負外翁春秋高紆道省床下因得以視藥視斂視葬以自  
盡于翁及其劉氏繼母喪既除遂無四方之志而符亦進  
士累如公官鄉以爲難公亦爲之私慰嗚呼外藩之重至  
方伯而極矣昔柳公綽與子仲郢並節度使公同也公綽  
善事繼母又同柳取進士四人伍八人公及符及正郎全  
祖孫三世柳其或少也仲郢及玘之到將無同乎伍自御  
史翁冕負外翁體祥德厚開先公世引之柳根葉之論殆  
見素集卷之二十

表

十二

洪川

然至謂孝友敬忠食之醯醬伍無一日無墓田雲物固有  
席津潤而被龍光者矣表以并俟之

明上林處士梅竹墓表

自予始識事及見鄉先生長老退讓樸醇禮益恭言呐呐  
若不出諸其口運猷準物迂緩若難副而竟揆諸理以合  
族祖學士贈侍郎公澹軒允渾晦學者稱上林先生子處  
士贈知縣公軒居然風素予謁侍郎公道遇知縣公退未  
嘗不發愧也嗣是風漸異上林子姓猶善循襲梅竹公又  
尤也予還徃群從中比見公退又未嘗不發愧也方知縣  
公侍翰林公獨身留家髮未總已善酬酢內外事事祖母

淑人劉淑人鄒敬順無違友其弟錦衣經歷釗相和應拔  
導成學以掇取鄉科侍郎公既請老知縣齒亦就衰妣違  
孺人亦喪明公日任兩公之勞偕配李孺人相違之作止  
却疾扶衰檢方而伺脉岐黃之學爲精姻舊屈致與寔賤  
而授方餌良効雖無屑自見惠在人多兩公與違先後厭  
世治喪一如禮營鳳凰岡之賜塋安田洋之塋勤悴連三  
數年季弟鎰幼孤擇之師周視其成情今與伯子潛齊聲  
郡庠仲子渠錦衣子希範同取鄉科爲州守郡倅渠今後  
叔弟鉉孫其棠常棣喬木有梅前後輝映家學世範數百  
年公猶視若單族抑抑歛畏學取繕性以護養淳源睦周  
見素集卷之二十

表

十三

梁用

親而薰晉鄙詩祖唐書祖晉篆隸祖秦而皆有所粹謹  
之譽無間戚踈爲郡伯蔣公雲漢王公弼獨賞蔣既方伯  
猶紆藩駕巡按宗公彛列篤行五人公第二其循尚義其  
殆非其志也故猶曰處士處士諱鑰字與慎吾林九牧端  
州二十一世孫於予爲族父行素清羸在相法宜不爲壽  
猶歷正德庚午年六十七以終潛既治藏知縣之右以舅  
氏大理寺丞李公長源之狀請表固有道碑也文曰戡采  
歛曜含虛若無器單山隱名劭迹孤復命于完世機消息  
伊梓伊橋玄堂對寂繁仁者壽粵作非相靈慶伊縣玉枝

雲上

明文林郎錦衣經歷四雨林公墓表

侍郎澹軒公之再起林氏也以敏特取大科以純未收物望被簡知而涉華要經緯一機章采無易贈知縣拙菴公猶澹軒也梅竹四雨之伯仲猶則拙菴也四雨秀眉玉色神鑿整朗動人年二十一上第于鄉蹶禮部之收者數四始就吏部試知縣金華日綜民政導人以禮祠何王金許四先生處其祀事賢問宣流用被有旌命拙菴如其官母達配郭配黃皆孺人公尋有錦衣經歷之授緩苦澤燥利導其媿沮柄要德助已爲多力勉爲之受怙席有所殺其故然猶坐是滯留弘治乙丑壽五十八以卒後之乙亥黃

見素集卷之二十

表

十四

梁用

六十五亦卒公居常善晦有曲處無薄施禮卑言擇恐恐然墮素風于清議以污前似其園有畏也昔范蜀公之孫祖禹著唐鑑王獻之之書得右軍筆法公四雨集通鑑餘錄頗視澹軒而書格酷與拙菴爲類型治世觀之下崛起殆有間者郭世早黃似郭而賢二子郡判希範又賢希教達而敏孫曾梧竹九牧端州之世將復始于茲矣作室家者基固而築之密時其葺治世世存可也奚賴崇巨觀而隘前式抑久而後大物理有固然者澹軒諱文拙菴諱軒公釗諱汝度其字其墓先諭德左次表曰瀨故卜石龜食緊四雨嗣雙璧呼曾孫並玄宅神光離離斗千尺

故中順大夫桂林知府方公墓表

三峰之陽省菴墓在焉公從子給事向請表墓道之石給事賢者狀可信無疑也序其要曰公明伏氏經正統丁卯領鄉薦後十年登進士拜監察御史河間盜殺縣主簿公設竒縛之群盜散按陝尋按浙耨奸剔穢聰察若神明齟司牢盆之利盡歸公府請者無分寸得啣之甲申按廣西苗窺桂林城守告急公用虞詡計悉兵民出南門入東門賀甲易械旋轉數周苗錯愕走公身授機畧且撫且捕因陳弭盜數事奏謫巡撫一人方面而下罰有差丙戌代還邊二人坐虜逸歸邏者得之主將倖功文致死獄中貴人

見素集卷之二十

表

十五

梁

視行刑公廉其寃業已上奏因與爲異同貴人怒訶公陵侮不奉 詔會銜者柄用因爲竒請遂知攸縣至輒求生人利害廢置所宜令出輒稱便道歌十竒巡撫累章薦顯用銜者率格不行比六年始擢桂林知府蓋舊經按地陰置之也在郡而理八閱月移病歸歸十二年癸卯年六十六乃卒公勤儉孝友孤厲而貞方鄉薦時已未感慟念劬勞忽自失墮馬下總功同爨無間言官費時家取給不榮幸進不辱義退信道直前迎刃而解故所嚮騰聲或謂有闕道之廉孟博之介稚子之神元亮之高其伏其起其歸也朝士屬人咸慕頌焉其沒也其吊者咸哀焉諱佑字廷

輔方連世有人桐城自廣信四徙德益五傳至斷事諱法  
公祖也父諱懋贈監察御史母許配吳皆孺人吳後八年  
亦卒祔公封兄弟五人長陰陽訓術次文林郎次公次給  
事父也封工科給事中季鄉貢進士子隆娶姚女適錢鸞  
吳希德孫男淑澈詞曰憲憲元老惟周卿士授鉞秉旄式  
允文武有美來葉耀休于同洵美且仁夙亢其宗於赫省  
菴山立淵靚措枉釋回臺章載整攸介萬山盜紛若麻豪  
虬其結吏齟其牙自公來止乃滌乃汰威之庸之金範瓦  
解爰有饗錢月省百千衆曰紆哉惟太守賢喧囂脫遺柴  
桑攸宅靈修孔承奚爽奚獲奕奕三峰其下玄堂名壽無  
見素集卷之二十

表

十六

祭

疆公曷云云

明閩三山表節婦林氏墓表

關雎興淑女栢舟以興貞婦夫命物不齊得意失意永異  
求訖道有相成者而身以是始亦以是終靡他之矢其不  
可易也夫然後天下之爲女婦者定剛節厲操與貞士同  
其義烈並書礪世也三山表節婦林氏諱天在諸女群誼  
獨窈女事無教而能父處士某曰靜母陳曰慧固女質女  
性哉歸于袁茂才臻則夫也有所承無所專應對升降姑  
劉之所茂才曰順劉曰習固婦德婦儀哉而纁車葛苴職  
其常事舅處士澤曰劬劬固婦功哉天順辛巳茂才疾亟

節婦始二十七歲乳下英未易齒黃氏女甫晬茂才意若有屬節婦曰無憂有若此日遂瞑自是謝去膏沐食老而字幼哭聲時不忍聞隣嫗微挑厲叱諸父叅政公廸曰姪志堅堅婦節哉既四年姑卒又八年舅卒又幾年歸英婦余氏生貞生達余又卒鞠二孤孫乎長爲歸貞子曾納達婦鄭子素凡喪葬門戶乎支虛茂才某山某位之右以從節婦法得旌有司請旌節婦曰旌費兒辭節婦雖愛達必教與俱遂領正德癸酉鄉薦甲戌第乙科教諭青田方業有後舉拔尹貴溪時婿黃氏用亦倅連州黃氏女偕達請迎節婦曰從達既至稽校廉惠以必樹聲稱而慰意超起

見素集卷之二十

表

十七

毛

二曾孫二曾孫女良勤正德庚辰壽八十六以卒英哭曰母辭旌以袁貧也自何致所不朽言已大哭哭致毀達哭亦致毀于是丐黃編修初傳費少保閣老公誌銘屬表于我雲庄嗚呼貞風弗嗣易志以移所天獨女婦然哉而綫脉復續右門落以復起不有節婦能袁耶不有節婦能世耶表曰三山袁節婦之墓

明贈戶部主事羅菊泉翁墓表

儒與醫同仁而異用然計其所始迂緩殆不若迅速之副人意成化間羅菊泉翁士亨與其子伯氏典儀正練以醫名起江夏間凡縉紳韋布各商巨賈下逮耕夫之賤鄰邑



之望家世姓疾必致翁父子翁父子治往往効翁主正練  
間出之以竒弘治更元鄂飢大疫巡撫都憲梁公物翁名  
致之施藥給粥存活甚多酬以利辭以訓科薦又辭予在  
湖臬翁是時公府屬之練而自應遠近之求酬無所較而  
益居於羸日率酬十許金證竒酬至再倍家遂起子孫振  
振然盛翁曰家僅少儒致經師諸子教之稽其勤惰擇之  
友以資其兌澤數歲仲氏采國子生叔氏鏗鄉進士季氏  
英進士爲戶部主事員外郎中贈翁戶部主事配陳封太  
安人孫賢世其醫雲鄉進士霧霏霽霑皆士業技不醫廢  
而竟儒以並來効如執左券以徑索茫昧者之酬善之利

見素集卷之二十

表

十八

毛

滋以博矣翁諱本通士亨字菊泉別號也先三河人祖晁  
隱於醫父顯祖起太醫吏目使楚以老以占籍江夏翁儒  
醫並治而竟醫乎精孝于家睦于鄉不爲蠟言脂貌以取  
愛信郡鄉飲行禮致大賓正德丙寅壽七十二以卒明年  
葬夜泊山之陽陳邑處士瑄之女少翁十歲能共儉勤起  
有家治內肅若公府家人有嚴君焉戊寅壽七十六亦卒  
祔翁以合嗚呼醫仁術也禮三世服其藥慎也羅之醫三  
世而大行于翁之父子賢行仁亦行也市不爲市之道醫  
不擇報殆所謂取利遠故大者而儒該之醫之澤重遠以  
大所謂醫國者又殆然乎儒之用道猶醫之用術辨脈審

證惟恐藥弗中以為術累嗚呼今之儒有醫之心乎予爲翁子孫願之事有微而著隱而章木始於芽孽而終於繁蔚致之者根也羅嗣植哉表曰是爲明贈戶部主事羅菊泉翁之墓

明長樂知縣黃公廷美墓表

黃長樂公龍岡之塋及是二十有七年孫太史君請表其墓曰先府君痛先祖之紃令也自淹學籍以老若意屬于佐曰念之終汝祖之志墓未表也曰念之終予之志佐謹從事以假靈于公子老不受後太史君子畏也慨陽德弗剛士趨日下烈男子幾人公方中直槩無取夫近局之似

見素集卷之二十一

表

十九

論

曰我道當云云景泰丙子舉于鄉再就禮部試弗偶居太學上正身正家六事語涉佞倖 英廟旨賴王忠肅公默護和者同聲公亦力取自副薛司徒遣子就學試吏部與御史選也不色喜中以落也亦不色愠知縣長樂曰吾鄉人莅鄉人先化而後進之兄弟有訟諭之讓盧公林劇盜諭之從良而皆有所信招徠流人洗刷冤滯修樹群廢而亟其廟學之遷輔公廩焉吳守繹思屬鄰邑之訟當軌平以取愛信公益令責自效鄉之豪殺人匿其屍訊不詞服當道欲從疑釋公請自訊忽螽斯折左股斃研池中公曰汝折其左股斃黑水也新驚服得屍水中猶爲終訟連

及新棄市公能益章部使者業有所薦亟引而還曰吾促  
強可終制耶群留之不可立其生祠道黃土嶺公林親局  
公輿過嶺剛則能感子產惠人非歟配大欖李氏懿而烈  
嘗偕公舟江水暴至亟走岸岸不可攀舟子手爲援曰吾  
溺也可劑量時公乎承伯叔之居之讓仁孤姪力焉公卒  
弘治丁巳壽七十二後十年李卒壽七十五合附聚龍岡  
以葬黃出宋度支員外郎漢卿之裔元宣慰使從簡自筠  
州來徙南海西濠傳教傳溫德香山徙也傳泗傳公會城  
徙也諱瑜字廷美英穎嗜學居閒述作體重有所似趙僉  
憲叙之集子曰畿曰廣公之學授畿弗售授太史君輒售  
見素集卷之二

表

二十

倫

淹速有時然者抃紉久而伸足信天於是乎定君子盡我  
以善事天也表曰是謂黃長樂公廷美之墓

見素集卷之二十一

後學黃佐校正

孫男及祖重梓

書

荅韓貫道侍郎

辱賜存問且責以病告之非捧誦倍增感愧今之海內知已如先生虛懷忘勢休休樂善如先生可多得耶浚恒之戒俊亦熟知然遇大君子亦思一畫焉見素立號在滇已奉告湖南獻論亦屢矣想荷存憶則固非一蚊虻之故爲仕止輕重也夫覆水堂坳之上芥爲之舟置杯焉則膠俊見素集卷之二十一

書

乙

堂坳水也高官大爵杯也則亦奚勝任哉自惟無似行已許國恒竊企古人若是非毀譽無一介于中則風斯下昔朱紫陽累辭召命立朝不滿四十日尚招讜譖不自聊賴猥如俊者又可知矣志荒學淺實小而名過浮左覆右掩貪造化之福免時俗之憎亦愧且勞矣家食頗衆草堂之力親隣別墅時得共娛養親教子人間大樂事敦俗裨化大凡也伏祈成就使尾遺逸之塵不蹈滿覆之戒則惠俊大矣東山不敢作書乞道下臆

奉謝木齋國老

俊無類辱三書惠又聞時錄賤名字具數中得告 温旨

實荷 調幹非誠狂惑喪心之人又惡爲是默默也俊嚮  
往名賢出其性今之賢有過閣下者乎樂道盡己不責知  
報有過閣下者乎然不修謝有由矣賦稟猶狹敵已以下  
自謂無嫌則通懷接納至於尊要之賢惟恐交私以玷完  
德故門下無其跡笈笥無其書然而頌願之私要非翕翕  
所及者則又敢獨破宿戒以上汚大君子於今則不得不  
然者士夫行止終身大節非閣下孰裁而聽之俊德非素  
養性多健忘學故荒而才誠不適時用徒以直突誤竊虛  
聲取物忌亦不爲少矣忌若不勝誤知之衆然誤知之泛  
卒不勝忌者之毒以專厥亦無甚可畏歟平生以韓見素

見素集卷之二

書

二

出處自期竟阻家寒瀕辱乃請固酬宿志尤欲以供養二  
親也今復違親以出胡爲者耶鍾南之捷人非何謝違親  
已非孝又何取以移以仰報吾 聖天子眷遇之恩副宰  
執士夫之知之望哉謹疏上請伏垂憐右得遂下懷使免  
再舉取矯激之譏則生死肉骨恩何有極無任勤懇

寄韓侍郎

俊迂僻才不用宜而事頗拂人意收身岩穴甘木石爲徒  
辱牋教以所不可復今有是差付亦何誤知之深而不忘  
踈賤之至也市帚可憎得馬不爲福家居卧一小園不與  
人賀問慰吊城府之迹曠以久豈復有較纖末同異于鄉

者哉忌者猶騰其口受德者猶下之石間相親慕則群沮而咻之其所置涇渭瓊璞其間者率皆細氓末位言不足上聞聲望不足重當世則雖多奚補哉由是而推之由是而度之則某之不足齒顯仕之途亦故矣固非樂是幽獨以耳自棄外明時也邊候聞警固非卧貼席之時也携二小僕就道事安方敢言私隆寒惟爲道保重不具

寄馬少傅

俊不幸有踈直名時觸憎忌顧獨被愛私位穹勢懸不敢通謝水軍之委涯分豈堪然邊候方警義當一行要不久于其職者不於此爲閣下告懼無其日矣今所謂名德者

見素集卷之三十一

書

三

臣繫國家安危華夷輕重者有不曰少傅司馬公者乎孰嗣公有不難其人者乎今檄書旁午大同至延綏至使宣府偏頭諸處又至將無可倚而財日不給於用閣下爲聖天子獨當其憂旁觀卻視宜有可訶者俊竊觀之閣下之精忠卓識自有餘力寅僚又表表可諉付然自古謀國固不以材多爲嫌也昔成子薦子夏子方蕭何薦韓信師德薦仁傑仁傑亦薦東之皆能底治平樹有不烈管仲不親薦賢桓之業衰竊見劉東山謹潔粹敏蚤出職方熟開邊畧閣下誠開共濟之深懷舉同升之故事引之近地並位司馬以參畫機宜張主國是夫然後擇所大議論與

天子商可否而繼以去就爭之則閣下之德業韓范數君子下風矣夫惟閣下可以聞此言惟俊可以此言進謹撰詩四章附致下忱無任殞越俊再拜

復李仲易

承手翰及山齋書教辭旨甚忠波流風靡之中又得足下數君子以出深用自慶亦深爲吾甫一喜也朋友相規道喪久矣又安望身見之今哉感感慰慰然所謂歸省者傳或未真而責以言者則又或過也僕非能大臣者即大臣因事納忠則有之必摘所難能之事逆耳不可聽之言立奇命惟以釣取聲稱知理道者似未當是也夫不在多言

見素集卷之二十一

書

四

不得已而有言不在必去亦必有詞而後去今天變如此虜情如此十金之產之家尚以單傳爲懼况官家耶則大可思者又如此二親年踰七旬曉露晨星夢寐驚悚則所私抑又如此語默去就大機軸也今之士夫方石東山亦至矣 聖天子隆遇亦加數等矣近所論列所推薦人亦云云豈人論難諧抑亦有責以如僕者故倉卒成事耶二公如是僕又可知矣其出以部檄速就道辭起右轄辭今中丞又辭則若過者况其秩顧卑若涉不屑邊陲方警若涉不自安 詔旨臨門又若涉不可不起古之人所以累辭徵聘則山林道德高行之士非僕溷溷委質者可同也

則其欲歸之意固在夫起之先矣慮囚方困俟不义面論  
古人心事吾契勉之固非所甚難而亦未易視爲至也嗣  
是有聞母惜惠告僕亦當足下屢盡焉不一

寄韓少宰

遂蒙致書附以西帕眷意甚厚日來諒道體冲和某在此  
又遣第既返故樓復就新命或未免假退求進之嫌既辭  
石轄又就中丞又未免輕外重內之議况二親年老情自  
難堪而生之處世又公素知其初志亦公素悉也朱紫陽  
謂使世亦知有不好官爵之人生雖不敢嗣末響然宿性  
踈率視是亦輕而蚤歲不學亦將是少償也本期邊候停  
見素集卷之二十一

書

五

妄言私而越職妄言事義當並舉伏望全成則所以惠某  
者多矣不具

柬楊碧川

昨與二生族與韶故人子相論坐臨之第二生言鈞有陳  
偉者抄文鬻米子拾野菜和爲粥渾家日二食或至斷烟  
火仰天長噓對人無可憐之色盖正獻後故往來二生云  
固亦未之識也愀然問以處之則廂房無苦差之及猶優  
耳遂用奉告不須使其人知也昨柬議奏事條何如此正  
關局毋勞辭謝拙稿希塗抹不具

答林太宰先生



承諭訪盧錦蜀人鮮有知者又屬李侍御旁求得之要亦  
恐入山不深安時命不苟求聞達者不然其直聲宛狀同  
年同鄉可了也是亦可窺其素者矣錦在京師惟讀書靜  
坐所交惟貞伯靜夫廷章數人亦不見其密也與爲三原  
王公所重爲進士爲主事皆有論列明指台鉉左鐺故以  
公杖特免才不深知其簡靜醇古論中諸賢不及也碧川  
固未知耳謹告

柬楊碧川

昨會議題奏竊意近時旗竿出火火光如斗燒人畜軍器  
天鼓長鳴俱須增入取宸聽又謂是固可憂而豫緩亡畏

見素集卷之三十一

書

六卷

尤可憂方剴切事條內增伯常司徒廷璧世隆都憲當起  
用楊茂元同知曹璘御史可三邊兩廣兵備知府用爲民  
盧錦主事劉槩知州可國子博士用庶此奏不孤而此輩  
人亦須此大舉望收錄耳希與太宰先生商議勿置嫌疑  
至望

寄何少司寇廷秀

不奉趨走者三年閣下職尊而地禁徬徨荷罪之人不敢  
輕率通姓名以點汗完德感仰之私則固心藏而日識之  
矣近涼寅惟道况休裕碩人禎幹而居久未調物論益歸  
後無謂嘗自幸獲事大夫之賢以沾旣膏馥萬一不意復

自棄外庸劣益增誠不敢以蹈引自高容容尸竊失足險途則將無及矣此惟敢爲高明告也南失刑已極阮上黨至始大更張政體已駸駸乎北矣公質直而行夷心公而氣壯連抱之材恐非斗室可奄若晉其秩仍其事其豈小補哉生復有薦焉職方正郎李應禎植志精純問學該博作述書法時無爲比而進取益澹副郎十二年任官不滿四歲擢署正郎不欲隨例乞真年垂六十未有子無廬以居馬以乘坦坦不掛念慮宛然古人風素而與世齟齬吏事雖舉非其長竊惟有道之世如斯之人豈可使老死郎署而已耶今南之尚寶鴻臚俗號冷職他途者尚得以居見素集卷之三十一

書

七

君用斯人不度越尋常萬萬耶閣下崇重人材赤心在國故敢僭及倘蒙薦引亦盛德中事也未及而言無任惶惑俟罪之至

寄陳志學太守

坊牌過蒙 紆念感當何如然嘗陳訴鄙愚乞惠停免想已奉徹視司矣近傳移寒家聯桂坊故址爲之令人骨竦賤兄弟不能體悉不欲立坊之意又不能奉白古坊創建之由致蒙誤愛特恩而垂察未暇也古坊宋元間九世八世七世宗薄與子知縣二祖親事復齋瓜山傳考亭之學其後父子同登進士第知州祖與同知叔祖亦以氣節文

行耀聞聯登進士第當時躋之爲樹此坊蓋三百年故物  
城中僅此也規制簡野不列姓名具見作者之心而柘仍  
脩飾甚廉以易晨啓夜閉賊盜不敢窺甚利也寒門姻婭  
之帖市易之券交親通問之柬紀墓之碑必曰聯姓然  
是與鳴珂冠蓋君子通德何異今以無謂之故崇新觀  
舊迹使列祖數百年之洪名顯德因生而殞義萬不可而  
心亦萬不自安也况棲止無地顧先辦此亦大非常次矣  
伏望俯順下懷止於未事即業已乞力正之復舊坊以存  
林之故移新坊以爲作興進士之用則兩得矣義激情至  
罔知衝突無任俟罪

見素集卷之二十一

書

八

寄馬鈞陽

耆碩元僚進專銓鏡 列聖所貽 聖天子所授以掄輸

官材殿邦治而創理太平者也毛玠山濤人流領袖系表

率者誠多而所望於收拾者亦不爲少矣俊未嘗侍門下

顧荷誤知不才姓名久處夾袋未越半歲薦稿三登釋耒

彈冠是其日也顧求去若數數然誠耶僞耶激耶疏亦可

以觀矣俊愚不自料嘗思古人于今人明公固其一也昔

淵明學諸葛亮晚更字元亮夫亮一心漢室竭忠悴殞星

乃已淵明八十日縣令即解印綬歸柴桑其出處大不相

類其學亮斷不自疑後世亦無以爲非而恠焉然則容知

俊之去非誠學公者耶乞山十二律重見底裏錄納洪洞  
公取閱自可憐念俊去意非一日所以百心君相者欲遂  
此志以無害爲陶無害學公無負天下耳非默致所求于  
公心口相異假退而求之進者也蓋車之驥仰知已而鳴  
是容泛泛告耶望憫其誠不疑其僞且激以成俊之志終  
公之惠使山林廊廟均爲有人無亦美耶洛陽公少宰二  
公倘復見沮乞及此決不宣

與大司徒侶先生

日者猥撰二疏曲荷扶携江西之民怙冒 聖天子大德  
亦豈敢忘被服尊公之功哉瑞撫諸盜多罷吏久書里老  
見素集卷之三十一  
書  
九一  
教學溫戶養子之流與他地率迫貧寒不類仰伏 皇威  
哀止且半歲又不知嗣是何如也春夏間飢民群起尤可  
畏大荒必不可撲遏思所處之無過常平公爲 國預處  
則江湖之間盡蒙公之食矣伏熱惟爲道保畜茂膺繁寵  
不具

與松厓戴都憲

風紀叢沓之餘不謝勞勩不忘批荅不以晚生末進異地  
加畧裕才雅德誰則如之慰戀慰戀辭疏未蒙允文物大  
藩誠非生所堪折足覆餗易有明戒生其母過量慮耶奉  
旨推勩事增一難題然惟至公以仰報君父威福惟辟聽

之命而已事有垂梗萬勿吝教固百志于公也明且發撫  
州毒執重不可耐然事不可了將如之何不一

與謝方石先生

承示大篇不揆和荅我先生之峻節貞風望 朝廷歆視  
夷夏而竦聞于世世詩固其餘者耳泰山喬嶽自爾巨瞻  
而俊特嶮嶮其下古栢長松風爭雨鬪抗冰雪而烟靄以  
伍老態逸韻飄脫天至而某以弱羅穉蒿叅附其間無亦  
大不自量耶然山宜無憎於嶮嶮而摩空之木亦羅蒿之  
所樂附也兀兀以老文字重不識爲歸嘗觀名世立言心  
爲之體氣爲之佐盡讀天下書窮古今理低昂事物之變

見素集卷之十一

書

十

以豐所蘊而大肆厥詞玄機獨運衆皴前陳某萬無一焉  
詩不過押韻文僅僅掇拾成篇章而已近廢于憂舊殖益  
落重若不可舉笔前者之稿雖五十許卷亦僅醬餽上物  
謬記潛溪於歐陽承旨爲晚輩而王烏傷亦後潛溪序潛  
溪實出承旨而烏傷之文潛溪實序之某非敢妄意前輩  
先生則承旨潛溪爲儔某私欲聽教下風不知可得不得  
鄉居未暇稽校又無力錄呈然先生之知某又不待于此  
得序或題數語某雖老將循以自進焉

寄徐大叅廣賢

又聞榮轉石鼓景鍾重可鎮國售之市無顧者是可知寶

賀矣人便書致吾道一快不具

峇黃都運

承示二大作桑樞蘿屋而粉垣朱闥繡拱而文椽以借重于外坊意有探其中以失笑者感愧感愧執事才名二十年年盛而志愈專固宜是製泉山翁老梓人也踰八之壽又居車馬輻輳之區左迎右接盛夏衣不及解帶餘情副此而雄氣不衰鏗永而有餘韻豈金精出世而然求之古蓋不可一二指屈也何可當何可當幸代致再四謝意不具

峇文徵明

見素集卷之二十一

書

十一

先大夫先淑人碑銘承不鄙書篆近又拜壽文之辱因親以及親之與吾契之微也感慰感慰自辭令先郡伯之賻曰叔世有是王戎固爲之矣古文字之高曰書生有是元賓固爲之矣書畫之美曰餘方有是蘇文忠趙文敏固爲之矣僖弟備道峻節孤風使人傾懷注臆有不可及之嘆私恠經義策士徒求之繩墨寸寸之間不足致磊落奇偉之材而吾契之宛珠傳璣又非循常肉眼之所易識吳文定公亦坐是久之而竟大遇剛足連城均是物也然以相告淺矣矧相待耶吾人盡在我至舉世無知後世亦無知吾之道無損益也自愛自愛人便謹此申謝臆且附私懷

不具

荅彭美中

道甫承以氣味涉似傾寫如故識取正求益是何相信之過而自貶之深也先大夫碑石又承遙致兼惠土物銘感何可忘拙詩選未畢稿魯魚未讐校俟遲錄奉也閩地震頗異恐兵荒作耗收人心而固結之賢者之先豫尤世臣家宜圖者餘惟保愛萬萬

荅方松厓

承問禮杖不杖之異古者父服三年母期今制皆二年以齊衰爲終耳問喪父在則母不敢杖尊者在故也杖輔病

見素集卷之二十一

書

十三

也喪服四制婦人童子不杖不能病也又雜記童子不杖夫爲妻父母在不杖不稽顙母在不稽顙今制亦父母在不杖喪服小記婦之喪虞卒哭夫若子主之祔則舅主之令郎宜期而不杖不稽顙禮不以婦賢加也喪亦令郎主之至祔則執事主之似與禮合草率奉荅幸再詳吾人於禮鄉國之所共觀也不具

寄陳大叅唐憲副

恭喜元猶就馴于節鉞之下兵革不試財不費而事安人安泉無岡玉之焚甫亦與有席貼之庇運猷布策二先生誰及哉慰喜欲躍宸顏動色將有懋酬元功者矣私幸漳

亦如此胡公有謀勇幹濟兵聞久候春深恐霧雨難舉事  
嚮道要得人要擇戰地防設伏戒退縮輕進戒妄殺寓至  
仁於至義之中斯王者之師天之所相也大才自有處恭  
俟佳報人回先此奉賀不具

荅費東湖閣老

某齒衰學廢惟雲水一念未忘常思飲武夷自潤龔公得  
借繼亦有迹禁之悔下教果然匏繫阻越兩地心慄也紳  
簪何物旣謝猶拘忌若此十四年契濶無復一把臂時矣  
去歲達子業候拜以藩府事嫌取道江山令人短氣自今  
惟夢中聚晤爾矣至樂樓委記寶井發祥恐土丹無分而

見素集卷之二十一

書

十三

正一火居故諱諒尚存記聞客使甚多仙鄉寶瀕孔道風  
而來者以道範卜世無恠其然泉山翁會城尤苦某未能  
盡省去然鷓巢量身尊客少留留不出五常豆熟者三豆  
間以二菜易續也价回草草奉荅惟爲道寶愛不具

荅費東湖閣老

外封拜入國大九奉賀不具



